

SUPPLEMENTVM SECVNDVM
IN PHYSICAM SUBTERRA-
NEAM.

Id est:

JOANNIS JOACHIMI BECHERI
SPIRENSIS, MED. DOCT.

Sacr. Cæsar. Majest. Consiliarii
Demonstratio Philosophica,

Seu

THESES CHYMICÆ,
Veritatem, & Possibilitatem transmutationis
metallorum in aurum evincentes.

Ad

Invictissimum Romanorum

Imperatorem.

LEOPOLDUM.

ENCOMIUM CHYMIÆ AV-
GVSTINI PETRÆI.

Nobilissima ars Chemiæ, hominem sanum à
morbis præservat, ægrum sanat, restituit pauperem ab
inopia, sublevat naturam, abdita eruit, animum soli-
dâ scientia imbuat, nulli injuriam facit, omnibus prodest,
& tandem ad ipsam DEI cognitionem
adducit.

••• (o) •••

Frankofurti,

Impensis JOH. DAVIDIS ZUNNERI.

ANNO M DC LXXV.


COLLECTA

*Ab Archi-Præsule Nicolao Melchiore Cibi-
nensi Transylvano ad Ladislaum Hungaria &
Boëmia Regem olim missa.*

DEus largitor totius bonitatis, qui maximè in fine tempo-
rum solâ tuâ bonitate & sapientiâ famulo tuo non suis me-
ritis præcedentibus, sed tuâ ineffabili pietate & gratiâ præ-
veniente, lumen sacræ artis alchymicæ inspirâsti, præsta quæsu-
mus, ut quod ex tuæ Majestatis dono accepit, ad salutem animæ
& corporis ejus proffit, in ipsoque omnia vitia mortifica, & gra-
tiam virtutis infunde, ut eandem sacram artem, solummodò ad
laudem & gloriam nominis tui, & fidei Christianæ propagatio-
nem fideliter expendat, per Dominum nostrum Iesum Christum,
Amen.

*Abbatis Trithemii in Sponheim censura de
Alchymiâ.*

CHymia à plurimis amatur, & casta est, multas habet ancil-
las familiares, quæ Dominam suam perpetuâ vigilantiam
custodiunt, seque ejus nomine supponunt, ut eam præ-
servent à commercio tot importunè amantium, tempore à tali-
bus sempiternò intactam, vanitas, fraus, dolus, sophistication, cu-
piditas, falsitas, confidentia, mendacium, stultitia, paupertas,
desperatio, fuga, proscriptio, & mendicitas, pedissequæ sunt Chy-
miæ, quæ Dominam simulantes, ut eam inviolatam custodiant,
semetipsas amatoribus pecuniosis, avaris, cupidis, & fastuosis la-
benter prostituunt.



Invictissime Romano-
rum Imperator, Rex,
Princeps & Domine
Clementissime &c.

Non olim modò, verùm et-
iam in hodiernum usque
diem apodixes, diatribes,
demonstrationes, Exercitationes
disputationes & Theses variarum
scientiarum, præsertim si quædam
nova, subtilia, & rara contineant,
Magnatibus, Principibus, Regibus,
imò ipsis Imperatoribus offerri, de-
dicari, & inscribi solent. Cujus ex

Illustrissimis, Societatis IESV Gym-
nasiis inter alia, tam curiosa, quàm
sumptuosa, tam alta, quàm profun-
da, Augustissimis Imperatoribus,
inprimis Gloriosissimæ memoriæ
Imperatoribus Ferdinando 2do &
3tio, Vestræ etiam Majest. Cæs. in-
scripta literaria monumenta, Affer-
ta, Conclusa, nempè Theses, Dispu-
tationes extant quàm plurima, ta-
ceo, quòd & alii literati viri ad hanc
sacram semper Anchoram, & Justi-
tiæ stateram cum Demonstrationi-
bus suis confugerint. Sicut enim,
præsertim in locis Orientalib⁹, mo-
ris est, ne quis Imperatores vel Re-
ges sine munere salutet, quin imò
pu-

publicis Mandatis præceptum ne
quidquid in Naturalibus, præfertim
Cimeliis aut aliis industriosis manu-
facturis præ cæteris vel natura vel
arte excellens inter Privatos lateat,
sed ad istius loci Imperatorem defe-
ratur, quantò magis ingeniorum
excellentes labores, inventiones,
subtiles speculationes, rationes,
conclusiones, & experimentatio-
nes non in tenebris, aut inter priva-
tos parietes delitescere, verùm pre-
tiosissimarum gemmarum instar ad
Regia, Imperatoriaque Gazophyla-
cia, id est, in conspectum Regium
deferri, & eò magis exponi debent,
quò apud tantos Principes amor er-

ga rara & cara, subtilia & curiosa excellere solet, & quidem tanto cum affectu, ut non pauci Imperatores, Reges, Principes tam veteriores, quàm recentiores ipsi manum admoverint, variisq; scientiis clauerint, sic *Hermes* Alchymiam, *Mithridates* Medicinam, *Ptolomeus* Astronomiam, *Rudolphus* Imperator Alchymiam, & Astronomiam, *Ferdinandus* 3. glorios. mem. Imperator universam Philosophiã, Peripateticã & Hermeticã, Mathematicam, pluresq; alias sciẽtias coluerunt: his permotus causis, ausus fui *Sac. C. Maj. Vest.* Theses has meas Philosophicas de Metallorum transmutatione

tionem humillimè offerre, & dedicare, nempe argumentum tanto Cæsare dignum, quod à multis etiam seculis, à multis Imperatoribus, Regibus & Principibus tractatum, & æstimatum, prout in Mensa Aurea *Michaëlis Meieri* legitur, quod à viris Theologis, ut *Martinus del Rio* recenset, approbatum, quod à summis Jureconsultis permissum, ut ex *Guidone de Mineralibus*, & *Faniano* in prima Part. Theatr. Chym. claret, quod denique à Doctissimis & Acutissimis Philosophis defensum, & contra Misochymicos vindicatum, ut ex Responsis Maieri ad Pyrrhogopolynicen, & *Clari*

vei ad *Eraftum* apparet, quod à
 Politicis tanti habitum, ut recen-
 fente *Suida* *Diocletianus* Impera-
 tor *Ægyptiorum* libros *Chymicos*
 comburere jufferit, ne opibus adju-
 ti & potentes facti Imperio fuo refi-
 stere poffent: ab *Historicis* denique
 per multa fecula, recenfente *Hornio*
 in progrefſu *Chemiæ*, fic fundatum
 ac tot demonſtrationibus fulcitum
 fuit, ut veritas, poſſibilitas, & expe-
 rientia ejus, ſole meridiano clariùs
 luceat, proinde *Theſium* mearum
 dedicationi, ſi *Majeſtas Veſt.* confi-
 deretur, cui illas ſubmiſſiſſimè offe-
 ro, & ſi illarum argumentum ſpe-
 ctetur, quod tracto, in *Maj. & Sub-*
limi-

limitate nihil defit, præterquam offerentis humilitas & exilitas. Attamen cum hic non ejus persona, sed ingenii & judicii ratio habenda sit, sine arrogancia affirmare aufim, argumentationes & ratiocinationes meas allatas non infra oblatis argumenti pondus esse, sed si benè cum illo trutinentur, æquilibrare, prout totus Philosophorum, atque in hac arte expertorum Coetus procul dubio pronunciabit. Magnum quidem aliquid moliri videor, qui coram Tanto Cæsare, coram Universo Mundo Literato, Artem profundam, & tot invisam ac exosam defendere, ac vindicare, & quidem

publicis Typis, non inanibus ver-
bis, sed invincibilibus rationibus
& demonstrationibus audeam, sed
fretus victoriâ, solus quasi omnes in
medium provoco, omnibus & sin-
gulis respondere & satisfacere para-
tus, modò rationes, experientias, in-
tellectum & judicium, semotis pri-
vatis passionibus, admittant, tùm e-
nim his Thesisibus, illos Sole clariùs
convincam, *artem hanc Naturæ le-
gibus convenire, cum universo Na-
turæ fœdere coherere, ac proinde nec
veritati, nec possibilitati in minimo
non refragari.* Hinc quicunq; illam
juxta has leges, nempe naturæ exi-
gentiam, tractant, non impostores,
non circumforaneos, aut decepto-
res, sed veros Physicos, & Philoso-
phos

os, Peripateticis si non utiliores,
 em æque frugales; Imperatores
 ò, Reges, & Principes imò quos-
 nque, qui se his fautores, & pro-
 tores præbent, non errare, aut
 cem cassam tractare, verùm Im-
 ratorium, & Regium Exercitium,
 ò verè Salomoneum studium fo-
 re, qui equidem *scopus unicus &*
alis ac præcipuus harum mearum
besium, earumq; dedicationis, &
ublicationis est. Cæterùm non me-
 tet fore quosdam rigidos Censores
 Catones, qui vitio mihi vertent,
 uòd inter Turbulenta *Martis* Claf-
 ca, quibus jam ferè tota Germania
 erstrepat, Majest. Vest. Cæs. hisce, ut
 ales quidam existimant, nugis Phi-
 lofo-

lofophicis interpellare audeam; a
 fciant, me æque *Claffica Martis*
 nere, non quidē sanguinolenta
 fed aurea, quæ Marti, juxta Chyr
 cos, originem debent, & finem lo
 gē Patriæ utiliozem, ac fubditis pr
 ficuum, quàm malè feriat illi Po
 tici, bellique fuccentores ex Ma
 fuo cruorem & fanguinē extrahunt
 unde optandum foret, ut *Martis*
fua Politica bono publico min
 nocerent, fed tantum prodefferent
 quàm hæc *Philofophia Martialis*
Chymica Veftr. Majeftati Cæf. fubve
 nire intendit. Faxit DEVS Ter OP
 Max. ut Majeftas Veftra Cæfareâ
 triusque Martis & Martialis even
 tûs felix nancifcatur experimentum

finem, quod animitus precor, at-
 eut has Theses meas Philosophi-
 s Clementissimo vultu non dedi-
 cari velit, humillimè rogo, qui
 rmaneo

Sacræ Cæs. Regiæq̃
Maj. Vestr.

ennæ 20. Martii, Anno supra
 Millef. sexcentef. septuagesim-
 o quinto.

Humillimus Servus

Joan. Joach. Becherus,
 Doctor.

Præ-



Præfatio ad Lectorem.

DE tribus tibi, Lector benevole, in hac præfatione rationes reddere debeo; *Primò* cur Alchymiam, scientiam omnium ferè, & quidem maximis exotam, suspectam, ludicram & omni commercio literario proscriptam, deceptionibus, fraudibus, scurris & imposturis plenam, nimirum ominis coram toto Mundo, & quidem in conspectu *Augustiss. Cæs. Leopoldi* defendendam vindicandam, non verbis & testimoniis, sed actionibus & experimentis susceperim. *Secundò* cur defensionem hanc non Privato cuidam, verum ipsi Romanorum Imperatori, & quidem publicis Typis, dedicaverim & inscripserim. *Tertiò* cur argumenta, & experimenta in defensionem Alchymix tam clara, tam perspicua attulerim, ut coram dignis pariter, ac indignis totam Artem propalare, prophanare, & perstituisse visus sim: Ex quibus tribus punctis inferes, vel omnes Misochymicos, id est, Peripeteticos

reticos ferè omnes, Alchymiam oppugnando
 insanire, aut me solum insanire, Alchymiam de-
 fendendo; deinde Demonstrationem, quam
 coram Imperatore Nostro Clementissimo pro
 Alchymia propugnandam suscipio, vel Suae
 Majest. Cael. non satisfacturam, vel satisfactu-
 ram, si priùs, certissimum periculum prosti-
 tutionis, & temeritatis publicæ coram toto
 Mundo incursum; si verò posterius, id est, si
 argumentis meis veritatem Alchymiae evin-
 cam, certo certius periculum imminere, pa-
 rumque abfuturum, ne ad demonstrationem
 practicam cogar, cum omnis Theoria Praxin
 supponat, Tertiò inferes sine necessariis De-
 monstrationibus & Argumentis veritatem Al-
 chymiae defendi non posse, at his publicatis, to-
 tam Artem propalari, atque sic me promissis
 meis, nempe Demonstrationi vel non satisfa-
 cturum, vel si satisfecero, omnium Philosopho-
 rum anathema incursum. Ad singula hæc,
 præfationis loco, succinctè respondebo, atque
 Lectorem, ut decet, de omnibus informabo.

I.

Ad primum ergò punctum seu objectionem
 dico, *Artem non habere Osorem, nisi ignorantem;*
 nulla scientia Mundo magis invisæ, & suspectæ,
 quàm *Iurisprudentia* est, utpote in quâ plures
 fraudes,

fraudes, deceptiones, nebulones, & impostores reperiantur, quæque captu difficilior, pluribusque contradictoriis implicatio sit, indubitanter non sequitur, Jurisprudentiam non esse scientiam, non tractandam, aut ex Publico prescribendam esse, esto ergò, quòd quidam præter vocationem suam, sine ordine, sine scientia, Chymiam involent, illam malè tractent, & ut digni sunt, depauperentur, ergone Alchymia erit scientia falsa? sane qui Artem vitæ tractare suscipit, eamque non intelligit non miretur, si damnum patiatur, neque concludat, illam artem esse impossibilem, licet ipse illam non calleat, & dato, quòd quidam Artem Alchymicam verè calleant, interim tamen pessimè vivant, nulla erit sequela, falsæ scientiæ; Optimi, & plurimi ferè pictores luxuriosissimè vivunt, sed quid illorum vita male morata ad industriosas suas picturas, quas pingunt? sic, etsi Scurra luxuriosus, imò hæreticus arte Chymica verum aurum producat, quid hujus hominis malitia ad auri bonitatem? si hoc sequeretur, aliqui Alchymistæ sunt Nebulones, ergò omnes Alchymistæ sunt Nebulones, tunc etiam sequeretur, aliqui Theologi Juristæ, & Politici sunt Hæretici, Athei, & sine conscientia, ergò omnes Theologi, Juristæ, & Politici sunt tales; vides ergò, quòd nec igno-

ran-

tantia, nec malitia Alchymistarum, quidquam
 vel ad artis Alchymicæ veritatem, aut falsita-
 tem faciat, neque etiam Alchymia ideò odio
 habenda sit, quod non omnibus malè feriat
 succedat; quot enim sunt, qui omnem ætatem,
 & facultates suas in Jurisprudentiæ studium
 impenderunt, cujus tamen finem non assecuti,
 atque ita depauperati sunt, quo jure autem ta-
 les perditum tempus & sumptus Jurisprudentiæ
 adscribent? certè non video, quo jure Alchy-
 mia odio persequi debeat: Sicut enim formosa
 Virgo non est causa, quòd quidam illam aspe-
 ctans, in ipsam miserè amore depereat, cum
 faciem aliò divertere possit, sic Alchymia ne-
 minem cogit, neque ulli nocet, nisi volenti,
 cum cuique liberum sit illam vel colere, vel ne-
 gligere; tum Alchymia minus depauperat ho-
 mines, quàm lusus, Comœdiæ & venationes,
 quæ tamen nec prohibitæ nec exosæ sunt; imò
 Alchymia non nocet Bono Publico, sed inten-
 dit eidem benefacere, aurum enim procurare,
 si malum esset, tum etiam malum esset, aurum
 fodere, & quidem vitæ periculo, incertisque
 sumptibus, at Metallum fodinas multis privile-
 giis donatas esse, tantum propter bonum pu-
 blicum, quis ignorat? cur ergò non liceret ex-
 tra mineras, etsi eodem sumptu & periculo fie-
 ret, aurum quærere, quàm intra mineras? tum si
 in mineris Metallum non reperiatur, aliud nihil

invenitur, verum, etsi in Alchymia desideratus
 scopus non acquiratur, alia tamen non con-
 temnenda scientia atque experimenta obvi-
 ant; sic occasione Alchymia pulvis pyrius, ars
 vitraria, Encaustica, Saponaria, Tinctoria, plu-
 raque alia artificia inventa sunt, taceo Medici-
 nas, vegetabilium vegetationes, multaque alia
 curiosissima secreta. Alchymista ergo si ad
 desideratum scopum deveniat, & sanitate, &
 opibus proximo prodesse potest, si non deve-
 niat, saltem nulli alii, nisi sibi nocet, neque in
 tantum etiam, ut non habeat, unde honeste vi-
 vere possit, si nempe moderatè procedat, neq;
 profusè pecuniam in artem impendat; ast, in-
 quies, multi depauperantur quærendo hanc
 artem, disperguntque bona sua in rem incer-
 tam, quid tum? nonnè Metallifodinas, Mercat-
 uram, rus colere, honesta sunt negotia, interim
 tamen incerta, utpotè quorum finis certò spon-
 deri nunquam possit, ergone relinquenda? er-
 gò prohibenda? etsi certum sit, multos inde de-
 pauperari. Porro objicies certissimum esse,
 quod paucissimi, & inter mille vix unus ad hanc
 artem perveniat, ergò temerarium esse illam
 fortunā sperare millesimo vix contingentem.
 Ad quæ Resp. certum esse ipsius Salvatoris no-
 stri verbis, paucissimos in Regnum Dei intra-
 turos, ergone sequeretur, quòd ideò temera-
 rium esset ad Regnum Cœlorum aspirare, quod
 tam

tam paucis intrare contingeret ? Tandem dices, malè sonat vocabulum *Alchymia*, sed ego replico, peius sonare vocabula, *Contributio*, *Imposta*, *Accis*, *Interesse*, *Telonia*, *Vsuræ*, *Fiscus*, atque ejusmodi, quibus subditorum bona exhauriuntur, & aggravantur, certè si nervus rerum gerendarum juxta Politicos, sit pecunia, sine qua Respublica conservari nequit & ejus causa Principi, quidquid ei ferè in mentem venit onerum subditis imponere licet, tunc auserim dicere, nullam scientiam, nullam propositionem, fundum nullum, Principi honestiorem, utiliorem, subditis verò proficuum esse, quàm *Alchymia*, quidquid etiam *Weberus* Canon. Regul. ille, in Spiritu suo Principali contra *Alchymiam* scribat, Principibusque illam dissuadeat, stylo sanè & doctrinâ minus Principali. In *Alchymia* enim non est turpis sceleratio, aut usura, non subditorum exaggeratio, non alterius marisupii exsuctio, sed auri vel argenti productio citra præjudicium ullius Mortalium, sic quasi providente Sanctissima Naturâ, ut, quæ in omnibus locis fodinas fundare nequivit, saltem extra mineras artem concederet Metalla maturandi, aurumque & argentum sine turpi scenore augmentandi, & multiplicandi, si itaque Olores & Contemptores *Alchymia* penitiùs in affectus suos inquirerent, atque *Alchymiam* intuerentur, invenirent

sanè illam bono Publico , Proximo , Sibi met-
 ipsi, omnibus numeris commendabilem ; quot
 Subditorum enim substantiæ quasi ad sangui-
 nem usque exhauriendæ sunt, antequam mille
 Ducatos acquirat Fiscus, quot maria Mercato-
 ri transfretanda, quot usuræ turpes instituen-
 dæ , donec. 50. pro. 100. lucretur, quot frau-
 dibus implendæ artes & manufacturæ, ut num-
 mus aureus conquiratur, quot Doctissimis &
 Clatissimis viris etiam subeunda sunt turpia
 servitia, ut leve salariolum lucrentur, taceo de
 prostituenda Justitia, eâq; venali, ob sordidum
 quoddam, atque exile lucrum, quibus omni-
 bus medetur Alchymia, tollit enim rerum pe-
 nuriam, avaritiam, invidiam, sorditiem, abje-
 ctam servitutem, incertitudinem, facultatum
 curam, verumque præbet asylum, vade me-
 cum, ad libertatis portum, non ergo erubesco
 hanc artem vindicare, quâ generi humano nul-
 la ferè utilior. Neque sanè insanio, cum hanc
 artem defendo, verùm illi insaniunt, imò ca-
 lumniantur, qui omnibus objectionibus sibi re-
 solutis, solis convitiis & calumniis illâ ulterius
 dilacerare intendunt, & pergunt. Verùm
 quibus mos est etiam de Maximis Principibus
 malè loqui, hi pro rostri sui modulo de qua-
 cunque etiam scientia, & re malè loquentur,
*à corvo enim non nisi crocitus expectandus, licet
 isto cantu se ipsum prodat.* Priusquam verò hoc
 pun-

punctum finiam, objectio mihi adhuc occurrit diluenda, à Politico quodã sive subtili sive crasso, quasi pro indissolubili nodo Gordio proposita, quã mirè sibi blanditur, totique Alchymiaë inextinguibile stigma inussisse existimat, sic enim argumentatur. *Si Alchymia esset vera, & naturalis scientia, tum utique Rex Salomon tanquam scientiã, omnium naturalium rerum infusã à Deo ipso prãditus, & quidem prã cunctis mortalium, illam calluisset: at ipsum hanc scientiam nescivisse, patet ex instituta navigatione commerciorum causa, Tyrum, & auri ergò Ophir versus, tum ex magna exactione suorum subditorum, quibus opus non habuisset, si hanc Artem calluisset, ergò Ars hæc Salomoni incognita fuit, nempe non existens, & nulla.* Ad quod argumentum Resp. concedendo primò majorem, neque enim nego, Salomonem à Deo scientiam rerum naturalium infusam habuisse, nam qui naturam vegetabilium Hysopi usque ad Cedrum intelligebat, cur non etiam intellexisset Mineralium naturam? quamquam vix credam scientiam generalem infusam Salomoni adeò ad specifica se extendisse, ut particulares quascunque scientias noverit, unde artem præparandi pulverem pyrium, vitri, chartæ, impressoriam, aliaque quàm plurima ipsi incognita fuisse, vix non auserim asserere. *Minorem* verò quod attinet, hanc omnimodè nego, esto enim, quòd Salo-

mon institutis navigationibus in Tyro, & Sidone commercia foverit, ex Ophir aurum eruerit, à subditis contributiones exegerit, inde tamen non sequitur ipsum Lapidem Philosophorum non habuisse; nam dato, & quod faxit Deus, ut *Augustiss. noster Imperator Leopoldus* Tincturam Philosophicam possideat, ergone suaderet ille Magnus Politicus, ut commercia nulla foveret, ut subditos omni contributione, & sic devotione solveret? imò ut omnes Mineras auri & argentiferas in Ungaria, & Ditionibus suis hæreditariis negligeret? absit hoc à sana & politica ratione, *non enim publica negligenda sunt propter privata*, & optarem, ut altius parùm speculetur ille Politicus, cur Salomon Rex auri causa navigationem ad Ophir instituerit, diceret utique, si aurum potuisset facere in Residentia sua Hierosolymitana, cur opus fuerat tantum mare trajicere? Ad quod Resp. non implicare Salomonem, si in Ophir Mineras auri habuerit, vel exinde acquirere sciverit, etsi Tincturam domi habuerit, illud ideò derelinquere? vel etiam, si Lapidem possederit, illum ideò inter familiares Aulicos, & vicinos, apud quos nullum Secretum tutum, ideò illibi, & non in dissito loco quem Ophir vocabat, præparare, & transmutatum metallum in aurum, adferre debuisse vel potuisse. Certè quicunque in Salomonem commentati sunt, Optimi Theologi

Theologi & Philosophi, existimant illud Ophir
fuisse in Indiis Orientalibus ; at mirum,
ejusmodi fodinarum nulla amplius extare ve-
stigia, quæ sanè adesse deberēt tanquam Foveæ
insignes , utpotè ex quibustanta auri copia, &
argenti eruta fuerit ; de Salomone enim ex-
pressè legitur, quòd *tantum fecerit auri, & argen-
ti, quantum erat Lapidum super terram*, in Indiis
verò Orientalibus nullam argenti fodinam dari
certissimum est, quod si quis dicat Salomonem
in Americam navigationem instituisse, eodem
utor fundamento , nulla ibi Salomonearum fo-
dinarum vestigia extare, taceo, quòd naviga-
tio in tanta loca incognita & diffita æque incer-
ta sit, utpotè quæ sine Magnetis usu tunc tem-
poris incognito absolvi non potuit, vel si Salo-
mon ex istis partibus tantum auri, vel argenti
advexerit per modum commercii, non cre-
dibile est illas gentes aurum, & argentum Sa-
lomon dono dedisse, aut ultro obtulisse, quæ lo-
verò quid poterat in Judæa, & toto Salomonis
Imperio commerciorum reperiri, quod tantæ
auri, & argenti copix comparandæ & commu-
tandæ par & æquivalens fuisset, taceo , quod
maximum est argumentum, Salomonis Regis
Filium Rehoboam auri cupidissimum, defun-
cto suo patre navigationem istam auriferam
versus Ophir statim neglexisse, nempe credi-
derim ego Patris sui scientiam ignorasse, neque

enim tantorum redituum sui Patris illicò obli-
tus fuisset, aut neglectui habuisset, qui certè
primus fuit ob pecuniæ penuriam Subditos suos
maximè aggravans, tum aurum ex Ophir adve-
ctum scriptorum testimoniis, multò nobilius
naturali fuit, & quidem talis bonitatis, & gra-
dûs, ut etiamnum in utrisque Indiis tale quid-
quam non reperiatur; arte ergo Salomonem
aurum fecisse, & quidem in loco remoto, & fîctâ
longâ navigatione propter Secretũ celandum
omnimode supponendum est, aliàs navigatio
ista utilissima post mortem Salomonis tam citò
deperdita, aut neglecta non fuisset, neque enim
Mineræ auri tam subitò deficere potuerunt.
Sive ergò Rex Salomon hanc scientiam practi-
caverit, sive non practicaverit, non tamen im-
plicat, illum eam non scivisse, multa enim sci-
mus, quæ in praxim non deducimus, sive eum
hanc Artem omnimodè nescivisse, quod tamen
neq; constat, non tamen ideò sequitur Artẽ fa-
ciendi aurum impossibilem esse, quòd vel Salo-
mon illam sciverit, vel nesciverit; practicaverit,
vel nō practicaverit, cum ut dixi, nulla sit Regu-
la universalis, *illa omnia impossibilia esse, quæ Salo-
mon nō sciverit*, & plures rationes pro me stent,
Salomonem hanc scientiam habuisse, quàm
non habuisse, infero *si scientia transmutandi me-
talla imperfecta in aurum naturalibus, & rationabi-
libus fundamentis innitatur, tunc certum est Salo-
monem,*

monem, si omnium rerum naturalium scientiam habuerit, illam possedisse, sive, exercuerit, sive non exercuerit, at prius est verum, ergo & posterius, quod ipsum mihi jam in Thesi ab objiciente isto Politico concessum est, prius verò nempe Artem hanc naturalibus principiis fundari & probari, abundantissimè, & irrefragabiliter hac meâ Demonstratione Philosophicâ, nempe hoc Libro meo evincam, ergo clarum & liquidum est, Salomonem hanc scientiam habuisse, & nostri Politici objectionem stultam, frivolam, & nullam esse: Si proinde Magnus hic noster Bartholus Encyclopædista, & Pan-sophus non firmioribus & solidioribus utatur argumentis & rationibus in Politicis, Militari-bus, Cameralibus, & publicum statum con-cernentibus, quàm in his Alchymicis & Philo-sophicis, tunc sanè professione suâ multò infe-licius fungetur, & infrugalius, quàm ego meâ, nempe Nobilissimam Artem Alchymia, à nu-gis, & calumniis vindicando.

II.

Secundum punctum quod attinet, cur nempe ausus fuerim Theses has meas *Invictiss. Imp. nost.* inscribere, & dedicare & quidem publicis Typis coram universo Mundo Lite-

rato , & Philosophico , idque rationibus & argumentis, naturalibus principiis fundatis & innixis. Ad quod Resp. mihi visum fuisse id omnimodè mihi licere, si enim publicè cuivis Scurræ, Loco Publico, in Cæsaris Residencia, imò in facie Aulae, Alchymiam publicis scenis ludere, & ludibrio ac omnium irrisui ac contemptui exponere, ut his Bacchanalibus factum est, impunè licet, cur non & homini Philosopho licitum esset, publicis scriptis, argumentis seriis, demonstrationibus utilibus, coram doctis & Philochymicis illam defendere, laudare, & commendare, tum officio quasi meo incumbit, ut serius rem seriam seriò tractem, dedit enim Sac. Cæs. Majest. commissionem mihi, Chymicis hisce invigilandi, & incumbendi, quoniam itaque res eò devenit, ut non ipsa scientia modò, tanquam subjectum meæ Commissionis à Misochymicis pro re vana habeatur, sed & ego illius causa vellicer, & promotione aliis postponar, necessarium duxi & Artem, & meipsum defendere, & illum primariò, qui commissionem mihi dedit, nempe Augustiss. nostr. Imp. qui etsi olim hanc Artem averſatus, cum tamen biennio antè, veritatem ejus propriis oculis, & sufficientissimè expert⁹ esset, illam suspicere incepit, unde cum statim à rigidis quibusdam Censoribus iniquâ censurâ notatus esset, quasi rem ludicram & inanem tractans, non potui non istos in medium proferre

re, nullitatis & temeritatis convincere, ut, quibus Cæs. Clementia blaterandi habenas reliquit, Philosophica tamen Demonstratio frenum, & capistrum injiciat, ne sicut *equi & muli*, imò prorsus plebei *Asini*, sine intellectui obgan- niant, & recalcitrent, qui ut sæpiùs jam in hac præfatione potestatus sum, *unicus & primarius Scripti mei scopus est.*

III.

Ut ad ultimum punctum præfationis meæ deveniam, cur nempè ego Spartham hanc ob- fessam, defendendam suscipiam, partim ex at-ecedentibus patet, partim verò, & quo ad de- fendendi Methodum, ex sequentibus patebr; homini enim Medico, non pudor est, imò ne- cessarium Philosophiam intelligere; Philo-phiæ autem maxima pars est Physica, & Mathe- sis, quid in utraq; præstiterim, alia mea scripta testabuntur, Physices imò quidē sed profunda, nempe subterranea pars est, metallorum noti- tia & cultura, hanc proinde sive Medicinam, si- ve Cameralia, Principisq; ærarium tractanti, colere, indecorum esse, & inconveniens, nemo sanus pronunciare audebit, at Metallicultu- ram sine Alchymia plenariè & perfectè intelli- gi, nemo credat, imò certò sciat, si Alchymix nomen abhorreat, eadem quoque ratione & Metalliculturam, rem monetarium, nempe totam Metallurgiam, id est. præ- cipuam Principis sui ærarii partem, vel

non intelligere, vel negligere, adeò ut nullo modo Professioni meæ contrarium sit de hac Arte scribere, illam colere, atque experimenta circa eam, pro meliori ejus esse, moliri; non quidem negaverim, illos fortè non adeò Principi prodesse, aut Officio suo perfungi, qui incertis fundamentis, totum tempus circa Lapidem Philosophorum adinveniendum impendunt, quod quidem hætenus à me tantùm abfuit, ut non modò præcipuum scopum in metallorum, & minerarum utilem Tractationem, maturationem, & separationem intenderim, Augustissimoque nostro Imperatori annuatim multa millia præter communem modum tractandi Metalla, & Mineralia procurare potuerim, nisi cacoëthes, illa mala consuetudo, *nihil novi, licet utilis, admittendi*, sicut in omnibus ferè locis, ita etiam in hac Aula sedem posuisset immutabilem, verùm etiam tam circa commercia utiliter introducenda, aliasque propositiones, maximis laboribus, occupatus fuerim, testantibus super hisce meis occupationibus, quàm plurimis actis, taceo quod pauculis, qui supersunt, horis succisivis, etiam variis scriptis, Typis mandatis, rei literariæ, consilio & opere prodesse non destiterim, adeoque aliud sit, *Alchymiam sic colere, ut omnia cetera relinquantur, Alchymiam colere ordine solo ad Lapidem Philosophorum, & Alchymiam colere in ordine ad Metalla.*

allorum & Mineralium meliorem tractationem, Principi & Patrie utiliore, quod verò, ut ad alteram partem, hujus puncti deveniam, Demonstrationem hanc Philosophicam tam clavis argumentis ob oculos ponam, non caliget adhuc oculus invidus, in omnibus scriptis meis semper eò collimavi, *ut non aliena, sed propria; non obscura sed clara; non proluxa sed succincta scriberem,* qui enim scribere vult quod nemo intelligat, præclaram rem præstat si taceat, interim tamen nunquam immemor sum triti istius proverbii, *scriptorem semper plus debere scire, quàm scriptum suum,* requirebat in hac Demonstratione argumenti gravitas, ut ad oculum demonstranda demonstrarem, atque clarissimè scriberem, sed ex hoc ipso, Lector conjiciet, si sapiat, neque me prorsus desipere existimet, quantum adhuc lateat, & quantum reticuerim, ad Artis practicabilitatem spectans, aliud enim est demonstrare, dati viam in Indias, aliud est propriâ personâ navigare in Indias; *Artis veritatem & possibilitatem demonstrare volui, non omnia verò Artis repagula ad Demonstrationem non facientia detegere, & publicare.* Objicies, qui possibile sit, ut is viam monstret, quam ipse non calcaverit: Resp. distinguendum esse inter Theoriam & Praxin, aliud est scire, aliud est facere; sciunt & demonstrant Mathematici infallibilem distantiam Solis à Luna, interim nullus

nullus eorum pedibus illam metitus est, & sanè
 paucæ essent scientiæ in Philosophia, nisi Theo-
 ricè magis, quàm practicè demonstrari possent.
 In Hollandiâ Bibliopola fuit, qui nunquam for-
 tè extra Urbem venit, quam inhabitabat, hic
 delectabatur Mappis Hydrographicis, invenie-
 batque circulo suo, in illis multò compendio-
 siorem & securiorem viam in Indias Orientales
 navigandi, quàm antehac, peritissimis etiam
 Naucleris iter illuc sæpiùs facientibus, cogni-
 ta fuit, quæ Methodus etiam à Societate Indiæ
 Orientalis amplexa, & hætenus practicata est,
 non sine munere dato isti Bibliopolæ; sic non
 mirum, si & ego viam demonstrem, quam me
 ad finem perduxisse nec constat, nec perdu-
 ctum constare velim. Cæterùm scio quosdam
 futuros, quibus Demonstratio hæc plus place-
 ret, si juxta illud Arnoldi Villanovani, *solve mi-*
hi hunc syllogismum, aliquot libras Tincturæ
 Sux Majest. practicè offerrem, scio, inquam, ta-
 les pecuniam pluris æstimare, quàm scientiam,
 sed & *tales potiùs ad Iudeos, quàm Philosophos* spe-
 ctant, felix quidem ille, qui possidet rerum effe-
 ctus, quanquam Poëta illum tantum felicem
 prædicet, *qui possit rerum cognoscere causas*. Possi-
 det Sacratiss. Sua Majest. non nihil de isto pul-
 vere, seu vera Tinctura Philosophorum, hujus
 etiam, & quotiescunque vult, memorabilem
 vidit effectum, veramque transmutationem
 Metallo-

Metallorum in aurum, at non scit illi pulverē
 vel præparare, vel multiplicare, neque ille, qui
 dedit, scit, casu enim reperit jam præparatum,
 nonne præstaret scientiam invenisse, quàm Ar-
 tem? Tum concludam, sunt, qui existimant, sci-
 entiam hanc sive speculative, sive practice apud
 Principes potentes non tutam fore. Quid alii fa-
 ciant Principes, vel facturi sint, cum artis hujus
 possessoribus ignoto, hoc verò affirmare ausim,
 quod quotcunque etiam hæcenus sive veri sive
 falsi Philosophi ad Aulam hanc Cæsaream ve-
 nerint, atque in hoc genere aliquid proposue-
 rint, à Majest. S. Cæs. clementissimè semper
 sint excepti, & habiti, etiamsi nihil sciverint,
 & præstiterint, imò si etiam scienter decepe-
 rint, adeò ut vix non excessum in Clementiâ
 commissum esse sæpius observaverim: Longè
 enim à bonæ mentis Principibus, & Philosophis
 veris illa popularis stultitia atque cupido abest,
 si hanc Artem haberem, bella inciperem, inimicos depri-
 merē, auri & argenti innumerabilem mihi copiam compara-
 rem, & nescio, quæ magnifica opera extruerē, luxuria &
 libidini plenas habenas committerē, & deniq; nihil non o-
 mitterē, quod ex lepidis his argumentis demonstraret corā
 Mundo me Tincturam possidere, sic sentiunt Tyranni, sic
 stulti, qui juxta modulū suæ mentis perversæ, & humilis
 Tincturæ usum metiuntur atq; hinc concludunt, nullos
 Philosophos veram Tincturam possidere, nisi eadem im-
 buantur ostentationis, & vanæ gloriæ insaniâ, quo argu-
 mento si & ego convincar, me in hac Arte nihil scire,
 æquo

æquo feram animo, res mihi non cum Politicis
sed cum Philosophis est, ab his posterio-
ribus vinci, temeritatis & ignorantiae nota
mihi esset, cum, quam, ut sub initium hujus
puncti dixi, defendendam Spartham suscepi
hanc viriliter me defensurum spero. Tu verò
Lector benevole, præter Physicæ meæ Subter-
raneæ jam diu promissum Librum secundum
& hanc Demonstrationem, tanquam supple-
mentum in illum, in Chymicis à me ampliùs
nihil exspecta. Nemo enim, ut cum Plauto
finiam, *exibit hic, Spectatores, omnes (quo ad
praxin) intus conficient negotium.* Concludo
enim pro Thesi firmissima, *Asinus est, qui contra
Alchymiam loquitur, sed stultus est & nebulo, qui
illam practicè venalem exponit.*



AD NOBILISSIMUM EXCEL-
LENTISSIMUM ATQVE EXPERIEN-
TISSIMUM, PARTIS PRIMÆ I HYSICES SUB-
TERRANEÆ, ET EIVSDEM SUPPLEMENTI AV-
THOREM, DE ERVDITO ORBE QVAM
OPTIME MERITVM.

Compilant alii librorum plaustra, paratum
Hædera prægrandis futile vendit opus.
Intro- si spicias, vix est millesima lectu,
Vix visu, aut titulo, linea digna suo.
Cento est, cassa scopo nux est, scopæque salutæ
Atque infelici parte labore Mola.
Ast quorsum, quæso? Famæ est hæc vana cupido,
Anne decus furtis erubuisse suis?
Si quivis repetat rapto sibi demta, libellus
Exiguus, moles qui fuit antè, foret.
Staret & implumis, risu dignissima, cornix,
Quam modo turgidulam credita penna facit.
Quilibet ingenio tantum sapiens alieno
Desipit, indocti nomine dignus obit.
At qui solerti Genio super æthera fertur,
Qui sapit ex proprio, is mihi Doctus erit.
Talis es, ô! magnum meritò *Bechere* Sophorum
Et decus, & nostri splendida stella Poli.
Te natum Musis Orbis fateatur oportet.
Teque bono natum Posteritatis Ego.
Prædico. Collaudo. Rumpantur ut ilia Codro
Te natum nobis gratulor ex animo.
Mirantur cuncti, Tibi quæ solertia mentis,
Quæ vires animi, qui vigor ingenii.

Quis Tua vel videat, nisi sit de stipite fungus,
 Nec laudet merito Dædala scripta suo.
 Unanimi quivis, qui legerit, ore fatetur,
Hæc quadrant Rebus scripta polita suis.
 Seu Divæ Sophiæ, seu Gnosios abdita pandis
 Palladia, illustri nomine, Mysta clues.
 Seu cupis in numeros transferre Mathemata justos
 Te jubet in socium Musa venire thorum.
 Seu mavis Chymici penetrare ænigmata Sphyngris
 Oedipodis veri munia cautus obis,
 Seu mavis opibus patriam fulcire labantem,
 Aligeri Hermetis suscipis ipse vices.
 Seu satagis demùm tenebrosum lumine Pindum
 Illustrare novo, Phœbus ut alter ovas,
 Viscera si Matris rimari discupis Almæ
 Immensi pandis ditia regna soli.
 Sponte Tibi semet Natura benignior offert,
 Conferat in dotem quò tria regna Tibi.
 Quo pacto fiant, pereant animalia, plantæ,
 Quove Minera suo germinet in gremio.
 Qui cujusq; scopus, quæ principia, hæc ad amussim
 Illa Tibi, Sponso, scire, docere dedit.
 Imò se superare dedit, mirâ arte parandi
 Extra Telluris, vera Metalla, sinum.
 Pleraque concessit docto depromere Mundo
 Thesauro dignos prona beare suo.
 Scripsisti primam, defunctus munere, partem
 (Conveniunt rebus tradita cuncta suis.)
 Ac supplevisti. Spondent promissa secundam,
 Vixque Theoriæ praxis abesse potest.
 Est aliquid scripsisse, magis supplêsse priorem;
Postremam, summum scribere perge decus.

O Te Felicem ! qui cuncto *Creditor* Orbi
 Cunctus cui rursus *Debitor* Orbis erit.
 Euge ! age ! solve fidem, fac ne pars altera desit,
 Ut quadrent factis & Tua verba Tuis.

Gustavus Casimirus Gahrlieb
 von der Mühlen / Philos. &
 Med. Doctor, Sereniss. Elect.
 Brandenb. Archiater & Physicus
 Colbergenfis.

Præliminaria pro faciliiori intelli-
 gentia Demonstrationis meæ
 Philosophicæ.

I.

T*ransmutatio* definitur, quòd sit immuta-
 tio seu alteratio unius corporis in aliud ,
 duplex est, vel *essentialis* , ubi forma interna
 corporis transmutatur , ut cum ovum in pul-
 lum, bombyx in papilionem, caro in tineam
 mutatur; vel *accidentalis*, ubi forma interna ma-
 net, & tantum accidentia mutantur , ut cum
 vinum dulce fit acidum, immaturum mature-
 scit : *Essentialis* transmutatio unius formæ in
 aliam *ex generatione & corruptione*, sed acciden-
 talis transmutatio accidentium *ex digestionem &*
penetrationem procedit, Naturam verò indies cir-
 ca utramque transmutationem occupatam ef-
 se, artemque Naturæ in ejusmodi transmuta-
 tionibus multum inservire posse , experientia,

Trans-
 muta-
 duplex
 Essen-
 tis &
 acciden-
 tis.

tam in animalium, vegetabilium, quàm mineralium genesi, mixtione & alteratione docet.

II.

Si propterea arte Alchymicâ quicquam in aurum transmutari possit, tum quæstio erit, a talis transmutatio vel *in forma vel in materia* transmutandi subiecti contingat, & quòd subiectum huic transmutationi magis vicinum sit ad quod Resp. illa corpora semper sibi magis affinia esse in transmutatione, tum essentiali tum accidentali, quæ in gravitate proxime conveniunt, *quantitas enim est primum, & principale accidens corporum*, videmus autem nulli corpora in gravitate, omnibusque accidentibus auro magis assimilari & convenire, quàm metalla, hinc concludere possumus, metalla præ omnibus aliis subiectis in aurum faciliù transmutabilia esse, An verò illorum forma vel tantùm materiæ accidentia, in aurum transmutentur, quoque scitu necessarium est, dicere quod metalla omnia unam tantùm eandemque essentialem formam, & materiam habeant, in argenti vivi, tanquam metallorum materiæ coctione & perfectione consistentem, & quod forma plumbi, stanni, cupri, ferri, argenti &c. quæ nobis specialis & specifica apparet, neque in forma, neque in materia differat, sed tantùm in accidentibus versetur ex varietate coctionis & puritatis argenti vivi, resultantibus: Hinc,

italis materia metallica , nempè argentum
vivum, purissimum, & perfectissimè coctum,
purum ac homogeneous sit, tum nobis sub auri,
in verò imperfectissimum, tum sub ferri, & sic
iuxta gradus , coctionis & puritatis argenti vi-
vi, sub plumbi, stanni &c. reliquorumque mi-
neralium specie nobis comparet. Ex quibus
liquet metalla non essentialiter, sed tantum ac-
cidentaliter inter se specificari, & diversificari,
atque ita *non essentialiter, sed tantum accidentalem*
transmutationem in aurum requiri, quæ in so-
la purgatione & digestionem argenti vivi , tan-
quam metallorum materiâ consistit.

III.

Objectum, metalla in aurum transmutans, de-
bet esse *subjectum quoddam materiale, substantia*
argenti vivi, sed qualitatibus argento vivo communi
contrarie. Hoc subjectum Tinctura, seu Lapis
Philosophorum vocatur, *tinctura*, quia metalla
in aurum tingit, sumitur autem in communi à
colore, tanquam accidenti, oculis perspicuo,
potior denominatio, *Lapis Philosophorum* voca-
tur, quia Philosophi Chymici circa Tincturam
præparandam occupati sunt ; *Lapis* verò, quia
rubini speciem externo intuitu refert : porro
definitio hæc Tincturæ omnimodè competit,
debet enim Tinctura *aliquid* esse, non imagina-
rium, vel in concavo Lunæ vel aliqua Phantasti-

Obje-
trans-
tans.
Tinct.
vel La-
Philo-
phoræ
au rui

ca, Peripatetica, Aristotelica, aut Galenica f
cultas, sed reale aliquid & materiale subjectum
sicut illud subjectum, quod transmutari debet
quoque reale aliquid existens metallum esse
deinde Objectum hoc seu Tinctura *de substantia*
argenti vivi, id est, metallica esse debet, alia
enim nullum in metalla haberet ingressum, ne
que enim quicquam metalla essentialiter in
greditur, aut cum eis permiscetur, quod non
est de illorum natura, at, hanc argentum vivum
esse, antea doctum est, ergò Tincturam de sub
stantia argenti vivi esse debere, si ingredi de
beat, necessum est, sine ingressu enim non da
tur contactus, & sine contactu nulla actio, cum
non detur actio in distans medio non affecto, sine
ctione verò nulla mixtio, alteratio & tempera
tio. Tandem Tinctura quoad substantiam qu
dem argentum vivum, sed quoad *qualitates* ar
gento vivo contraria esse debet, aliàs enim ar
gentum vivum in metallis, nempe illorum sub
stantiam metallicam transmutare non posse
quæ transmutatio in temperamento versatu
verum cum qualitates argenti vivi communi
& illius quod imperfectis metallis inest, man
festè reperiatur esse qualitatum crudarum, fri
gidarum, volatilium, impurarum, heterogenea
rum, necessariò sequitur Tincturam, seu arger
tum illud vivum, quod pro tinctura inservit, de
ber

vere esse temperamenti contrarii, nempe qualitatum, coctarum, calidarum, fixarum, puratum, homogenearum, at tale subiectum, quod, quoad substantiam sit argentum vivum, & tamen quoad qualitates communi argento vivo sit contrarium, nullibi reperitur nisi in auro, ergo meritò concludimus, *aurum esse verum Obiectum artis transmutatoria.*

IV.

Tincturæ formam definitio, quod sit *subtilis fixitatis permanentis*, quam definitionem sic defendo. *SVBTILIS*, nam si metalla imperfecta debeant transmutari in aurum, tunc debent alterari in suo temperamento, at hæc alteratio non potest fieri, nisi per introductionem aliarum qualitatum auro magis propin quarum, hæc verò introduci non possunt, nisi inhæreant subiecto, cui nempe insunt, ut auro, quare aurum necessario debebit misceri cum metallis intimè, sine contactu enim non datur mixtio, at verus contactus Physicus est penetratio, juxta Philosophum, *Omnis physica penetratio est vera transmutatio*, aurum autem, ut corpus crassum, non miscetur, sic in minimis cum metallis, ut vires suas & qualitates illis imprimere, nec rursus ab eis immutatis viribus, & sine re-actione separari possit, ergo debet *sabtiliari*, ut penetrare, atque metalla alterare, & temperare possit, quod probandum erat.

FIXITATIS. Probavi antè, quòd aurum debeat subtiliari, quod corpus, nempè auri substantiam, non qualitates ejus concernit, quæ immutatæ permanere, imò per subtiliationem exaltari debent, hinc omnis subtiliatio auri, quæ qualitates ejus tollit, reprobanda est potissima autem auri qualitas est *fixitas*, quâ aurum ab omnibus aliis corporibus specificè definitione suâ, præscindit, ergò in subtiliatione auri, fixitas ejus retinenda, hinc benè definitur *Tinctura à Gebro*, nempè quòd sit *subtilis fixitatis*, ac fixum esse, est esse terreum, ergo forma Tincturæ absoluta erit terrea, nempè *pulvisculus*, qui ab Esdrâ definitur, quòd sit *parvus pulvis*, unde aurum fit, ubi per *parvum* intelligit subtile & penetrans, nam quod penetrat non magnum, sed parvum esse debet, per *pulverem* verò intelligit *terrestre subtile*, sicut ab Alberto Magno definitur, ast quorum corporum finis est fixissimus, nempè maximè *terreus*, horum principium debet esse volatilissimum, nempè maximè *aqueum*, omne enim *aqueum tendit in terreum*, sicut omne *liquidum tendit in solidum*, cum ergò Tincturæ finis sit *subtile terreum*, necessario ejus principium erit *subtile aqueum seu humidum, unctuosum, aut oleum incombustibile, manus non madefaciens*, tale verò humidum est *argentum vivum*, ergò Tincturæ principium seu

seu forma inchoata lapidis erit conversio auri in argentum vivum.

PERMANENTIS. Probavi antea, quòd aurum non tingatur nisi penetrando & quòd nulla penetratio possit fieri sine subtiliatione, jam verò dico, quòd *nulla fiat subtiliatio sine extensione* corpusculorum, & nulla *extensio sine interpositione* aliorum corpusculorum, ergò si aurum debeat subtiliari, tunc necessario ejus corpuscula, seu atomi debent, ex-vel distendi, at talis *distensio*, ne detur locus vacui, non potest contingere sine interpositione corpusculorum aliorum, verum omnia corpuscula quæcunque interponi possent, vel erunt ignea, ærea, aquea, vel terrea, tria priora esse non possunt, cum ejusmodi corpuscula in ignis examine evaporent, rursusque separentur, ut atomorum auri *restrictio*, *extensi corporis reconcentratio*, pristinaque ejus crassities, & penetrandi, ac tingendi inhabilitas sequatur, ergò erunt corpuscula terrea, sed nihil illorum cum auro fundamentaliter uniri potest, præterquam, quod aurum *gravitate* æquat, vel saltem proximè, gravitatem auri accedit, *levia enim non uniuntur gravibus, sed supernatant*, at nullum corpus terreum, quod sit valde grave, quoque erit subtile, sed potius durum crassum, densum, ergò omnes lapides, arenæ, terræ &

mineralia rejicienda, nullum autem corpus in
 universo censu naturæ reperitur, quod sit ter-
 reum, aurum gravitate proximè accedens & ta-
 men subtile, id est, gravißimum, levißimum, quàm
 argentum vivum, est enim terreum, nam ma-
 nus non madefacit, est gravitate aurum proxi-
 mè accedens, est subtilißimum & levissimum
 nam in igne avolat, corcum & vitra transiit
 quod subtilißimus etiam vini spiritus non facit
 ergò *argentum vivum erit unicum adequatum*
subjectum pro permanente subtiliatione auri, sed
 argentum vivum vulgi est nimis humidum, a-
 queum, frigidum, & indefinitum pro solvendo
 auro corporum omnium fixissimo & calidissi-
 mo, tum ob indefinitam suam humiditatem
 nunquam in statum fixum fusilem sola dige-
 stione coagulari potest, ergò sequitur *aliud ar-*
gentum vivum, magis digestum in humido ca-
 lidum, pro solvendo auro proportionatum, in
 solutione reactionem cum auro instituens, &
 cum ipso, solâ digestionem coagulationem fixam
 fusilem suscipiens, nempe permanentem, cum
 auro persistens, idque à reconcentratione præ-
 lervans. *Tale argentum vivum est illud, quod na-*
tura jam aliquantulum concoxit, digessit, & sulphure
aureo enibryonali, igne naturæ grano aureo fixo fer-
mentavit, atq; in actum deduxit, hoc verò ar-
gentum vivum in minerali reperitur, calidissi-
 mi,

mi, atque aurei sulphuris pleno, tale est *ferrum*,
cujus *aureum terrestre*, *humidum requirit subtilis-*
simum, quale est in *antimonio*, ex quibus jun-
ctis, *terreum subtile*, *humidum unctuosum*, *argen-*
tum vivum seu Mercurius oritur, quem Philo-
sophi *suum* vocant, potestatem habens, *aurum*
permanenter, *citra reconcentrationem subtiliandi*
quod demonstrandum erat.

GENERALE ARGUMENTUM OMNIUM THESIUM.

Datur Deus, unde omnium rerum vita, ex qua
motus, ex hoc actio & passio, hinc alteratio,
unde corporum transmutatio, etiam metallorum in
aurum, cui transmutationi proxima sunt corpora
metallica, non materia, quæ argentum vivum, sed
forma, nempe argenti vivi decoctione differentia,
illorum ergo materia decoctione perfici, atq; aliam
formam induere potest, hac decoctio argenti vivi
crudi, contingit per argentum vivum plusquam
perfectè coctum, nempe per objectum concoquens,
quod, quoad substantiam argento vivo communi si-
mile, propter ingressum, quoad qualitatem & tem-
peramentum verò ei quarto gradu contrarium, pro-
pter alterationem, quod subjectum est aurum, non
quidem in substantia grossa & solida, sed subtiliatâ
& penetrativâ, quam subtiliationem & penetra-
tionem

tionem acquirit per spiritum metallicum, qui est argentum vivum arte exaltatum & subtiliatum: mediante quo aurum solidum in substantiam fluidam & penetrantem resolvitur, coagulaturq; fixatione perfecta, in formam, quæ ipsi juxta gradus subtiliationis congruit, quam Tincturam, Lapidem Philosophorum, Elixir, vocant.

ALIUD.

EX cursu nature necessario rerum alterationes, mutationes & transmutationes oriri, author probat, tum demonstrat, prout in omnibus corporibus transmutationes admitti debent, ita etiam illas metallis concedere necessum esse, utpotè quæ unius sint generis & nature, cumq; natura semper tendat in perfectius, omnia metalla ad gradum auri adspirare probat, necq; hanc transmutationem imperfectorum metallorum in aurum impossibilem vel difficilem esse demonstrat, cū metalla unius sint materia cum auro, quoad speciem seu formam verò, solâ suæ materie puritate & coctione diversificari, quam diversificationem purificatione & coctione ad idenditatem auri, reduci posse, proponens asserit, causam verò digerentem, & concoquentem imperfectam metallorum materiam in aurum, esse quoad substantiam similem materiam cum metallis, sed quoad qualitates ei contrariam, nempe attenuatam & plusquam perfectam & concoctam, verum quoad modum agendi, debere esse subtilis & penetrantis fixitatis

xitatis, fixitatem ex propria substantia habere, subtilitatem verò & penetrantiā arte acquirere posse, per sui generis subtilissimum & penetrantissimum, totius Mundi admirandum subiectum, Mercurium Philosophorum, quem preparare docet author.

SVMMA ALCHYMIÆ.

Finis Alchymix est Mercurius, *medium* est Mercurius, *principium* est Mercurius.

Finis nempe subiectum Transmutationis est Mercurius, vel communis vel imperfectorum metallorum, qui in aurum mutari debet, nam si metalla non haberent Mercurium, vel si non esset Mercurius in Mundo, non posset fieri transmutatio in aurum, quia nihil potest in aurum mutari nisi Mercurius, neque metalla in projectione plus dant auri, quàm quantum habent Mercurii.

Medium scilicet obiectum aut Tinctura, est Mercurius, nempe aurum, quod tota sua substantia Mercurius est, communi Mercurio, quoad substantiam in omnibus similis, sed quoad qualitates, in omnibus ei contrarius, nempe fixus, coctus, calidus, siccus, digestus, purus, unde qualitatem & vim Mercurium communem digerendi, concoquendi & alterandi habet,

Principium nempe modus operandi Tincturæ, est Mercurius, qui aurum resolvit, subtiliat, & penetrativum reddit, ut tingere queat, aurificat enim Tinctura, quia aurum est, sed extendit suam auri-tatem in numerosa multiplicatione, quia subtiliatum est,

est, & penetratum, talis autem subtiliatio, citra re-
concentrationem, non, nisi per Mercurium contin-
gere potest.

Est ergò in Mercurio, quicquid querunt Sapientes.
Unde Arnoldus Villan. *Tota tua intentio sit in coquen-*
do substantiam Mercurialem, juxta ejus enim dignita-
tem etiam dignificabuntur corpora, quæ nihil aliud sunt,
nisi Mercurius à Natura decoctus.

Tria mira in Alchymia & incredibilia
inexpertis,

Simillimum dissimillimum, crassissimum
subtilissimum, gravissimum levissimum.



*Amici cujusdam familiaris carmen aggratu-
latorium, seu allusio ad Authoris nomen, cum
Thesum harum experimentum practicum,
ipsi demonstraret Author.*

**CALIX MEUS INEBRIANS
QVAM PRÆCLARUS EST!**

Plene redundantì Jehovah nectare, & omni
Encyclopædiæ cognitione Calix!
Quàm mihi præclarus, quia toti natus es Orbi
Accidis! & mentis quò mea sensa rapis?
Ebrius à te, sum, tua pulchro è corpore virtus
Proflua, replevit pectoris ima mei,
Ah mihi si liceat Calicis libare saporem
Cui color ejusdem cognitus est, & odor,
Sed quia non cuivis concessum est ire Corinthum,
Saltem hujus Calicis semper amator ero,
Admirandi Calicis

Venerabundus Cultor
A. L.

**Ad Nobilissimum & Excellentissi-
mum Artis & Scientiæ Alchymicæ Cultorem,
Promotorem, & Vindicem strenuissimum Dn.**

Ioannem Ioach, Becherum M, Docto-
rem &c.

Magne Sophos, Bechere, tui admiratio seclì
Qui scribis magno digna legenda Jovi.
Quique adeò penetras rerum cognoscere causas,
Ac quasi consilio cuncta relictà tuo.

Quem


Quem tribus appendit digitis, tu vertice gestas
 Naturæ immensum, Vir pretiose, gl'osum.
 Quæ Geber, atq; Hermes, Paracelsus, & incl'yta Turb.
 Singula scripserunt, omnia Solus habes.
 Sole tui ingenii reseras ænigmata cæca,
 Et, quæ Telluris viscere recta, tenes.
 Quid Steropes, Brontesq; antris fabricando laborant
 Hoc in aperta Author per tua scripta trahis.
 Atque viæ monstras curtæ compendia Doctor
 Aurea quâ Jason vellera nave ferat.
 Si propter libros divus sit Plato vocatus
 Tu meliore modo, credito divus eris.
 Nam qui pro vita, libros, famamque subornat,
 Desinit ipse quidem, non tamen ipsa perit.
 Non auritus ego, sed ego sum oculatus ubique
 Testis in hoc, Orbi quod dedit Author opus.
 Hæc proprio, ut flores, calamo labentia verba,
 Quæ tenet iste liber, Scriba premenda dedi.
 Det Tibi, quam dederas Libro, Deus optimus illam
 Tam sine fine, Author, quàm sine nube diem.

Ita ex devoto affectu applaudit

Joan. Bapt. Schulte
 Ph. Baccal. & J.C.

pro tempore Amanuensis
 Domini Authoris.





T H E S I S I.

De transmutationis Metallicæ neces-
sitate & connexione cum universo
naturæ cursu.

*Datur Deus, unde omnium rerum vita, ex
qua motus, ex hoc actio & passio, hinc
alteratio, unde omnium corporum & re-
rum, etiam metallorum transmutatio.*

Defensio hujus Thesis.

DEum dari, qui neget, carnifi-
cis potius manu, quàm Philoso-
phi demonstratione convincen-
dus est, adeo enim tota natura
atque universum cum Deo cohæret, ut si
hunc negaveris, omnia, imò te ipsum neges,
è contra si hunc admiseris, omnia de quibus
hic agam admittere cogaris, sicut enim Plato
ait, *animæ naturam absque Universi natura
cognosci non posse*, ita certe universi & uni-
versalis natura sine eo cognosci nequit.
Concesso ergo & rato, quod Deus detur,
statim simul & vitam admittes, ubi enim
Deus, ibi vita, nam sicut vita est fons
A caloris,

i.

Dens.

2.

Vita.

caloris, ita fons vitæ est Deus, hinc ipse Deus se Deum vivum, Deum viventium, inspiratorem vitæ vocat, imò Deus adeò est vita omnium rerum, ut omnia in ipso & per ipsum vivant, hinc omnia quo magis in Deo, hoc magis vivunt, æternum vivunt Angeli, animæ, mentes, multum virtutis divinæ soli concessum, cujus radii omnibus corporibus vitam distribuunt, non vegetativam modo, sed & sensitivam, ut in vermibus aliisque insectis & ovis, solo calore animatis, vitæque donatis, quotidie conspiciamus. Nunc si vitam admittas, eadem necessitate & motum concedes, nulla enim vita sine motu, imò ideo cor principium vitæ censetur, quod primum motus ibi incipiat, itaque ubi motus ibi vita, & ubi vita ibi motus, *Dices*, ergò Sol vivit, nam movetur, non quidem statuam Solem vivere, quamvis non adeò forte absurdum sit, cum multi mundo animam, & naturæ vitam tribuant, hoc tamen certum est, Solem non à seipso, sed ab aliquo motore moveri, & hunc motorem vivere, adeò quòd nihil omninò moveri statuam, quòd non ab alio moveatur motore, & quod talis motor vitæ sit.

Objicies, Horologium movetur, ergò vivit; & horologium mediante elatere vel pondere sese extendere conante, aut terræ
centrum

centrum versus tendente, ergò *dices* elater seu pondus cum sint motores horologii, vivent. &. Elater & pondus est motor secundarius, primarius verò motor ponderis, est vis impellens illud versus centrum terræ, seu vis elastica, illa vis est intelligentia quædam, quam sive magnetisimum sive naturam voces, certe à Deo omnium rerum primo motore profluit. Vides ergò, quod omnia quæ moventur ab aliqua vita moveantur seu si Deum concedas, necessario etiam vitam, & inevitabili consequentia motum admittere debeas.

Nullus autem motus est quin agat, tendit enim de uno termino ad alterum, ergò agit ^{4^a} *Actio.* de uno fine ad alterum, dumque hoc agit, afficit medium, non enim datur actio in distans medio non affecto sic, ut motus & patiatur & agat, patitur à fine, quo deccedit & agit ad finem, versus quem tendit, ex hac autem passione & actione oriuntur diversi gradus, quo propius enim est apud finem à quo, hoc fortius patitur, & quo propius apud finem ad quem, hoc fortius agit, medium autem est æqualis distantia de uno ad alterum finem, nempe reactio, seu id quod ^{5^a} *Reactio.* ex passione & actione oritur, porro si motum admittas, eadem ratione etiam & locum & tempus admittes, motus enim non fit in uno puncto, sed tendit de uno ad
A 2 alterum,

alterum, atque sic constituit five lineam directam five circularem, cujus extremitates constituunt locum diversum ratione distantiae, dum autem motus de uno loco ad alterum tendit, necessario spatium temporis intercedere debet, cum sicut non datur actio in distans medio non affecto, etiam id non affici possit sine tempore in instanti. Nunc

6. *Alteratio.* si ex motu actionem admittas & passionem, fateberis exinde necessario procedere rerum alterationem, seu per aut transmutationem, nam quæ sunt alterata, merito mutata; imò optimè transmutata dici possunt, præsertim si in sua actione, passione & reactione de uno fine ad alterum perveniunt, dum enim Vienna Romam venio, atque ibi sto, tum certè sum alteratus & translocatus ex loco Viennæ in locum Romam, sic si ex divite pauper, ex stulto doctor, ex subdito Rex, ex acido dulcis, ex opaco diaphanus, ex duro mollis, ex corruptibili & mortali incorruptibilis & immortalis fiam, tum necessario alteratus & transmutatus dici debeo; non ergo obstupescas ad vocabulum transmutationis, cum transmutatio nihil sit aliud, nisi alteratio prioris quidditatis, & hæc procedat ab actione & passione, illa à motu, hic à vita & hæc à Deo proveniat, proinde ut rem prorsus naturalem, indies videamus, alterationem syderum, animorum, regnorum,

gnorum, corporum, quæ alteratio translocationem, transmigrationem, transmutationem, transplantationem, metempsychosim, palingenesim atque omnia complectitur, quibus alteratio causatur. In præcedentibus rerum transmutationem in politicis, morali-
bus, mechanicis, metaphysicis, astrologicis, ipsis etiam physicis concedere coactus es, tum ipsa experientia magistra, tum verò ipsa ratione urgente, cum enim vitam sine motu non esse posse demonstraverim, motum verò de uno ad alterum tendere, si sistere nolit, evidentissimè sequitur ex ejusmodi motibus præsertim physicis, alterationem corporum procedere, nam sicut motus localis subjectum est punctum, de uno ad alterum, unde linea fit, ita motus physici subjectum est corpus de liquido tendens ad solidum seu de humido in siccum, de aqueo in terreum, de frigido in calidum & è contra, ita quod totus motus physicus in his duabus extremitatibus versetur, ex quarum alteratione plurima & diversa formantur mixta, corpora, temperamenta & complexiones, sed de his hoc loco abstrahens, duo à te petam, unum, utrum animalium, alterum utrum vegetabilium transmutationem admittas, certè animalium transmutationem vix negabis, ovum enim in pullum, bombycem in papilionem, carnes in tineas mutari

8.

Animalium.

9.
*Vegetabi-
lium.*

indies videmus, vegetabilium transmutatio
æque clara est, nonne aqua in vinum muta-
tur in vite, in pomum, in pyrum, in rosam,
in lilium, in cucumerem, cujus unum gra-
num aliquot centena rursus profert, portò
gramen à bove in carnem bubulam, caro
putrefacta ac in terram redacta in carduum
aut flores, imò canis à leone devoratus in
leonem, cerasum in pomum mutatur, quo-
tidiana rerum experientia, nempe pro qua-
litate motus phyci, atque inde procedentis
actionis & reactionis seu mixtionis, hæc er-
gò si in corporibus admittas difficilis
mixtionis & partium dissimilariæ, utpote
in animalibus ex nervis, venis, musculis, va-
riis visceribus, in vegetabilibus ex variis ra-
dicibus, caulibus, herbis, floribus, fructibus,
odore, colore, sapore variantibus constant,
ad quarum temperiem singulatim natu-
ram respicere oportet, quanto facilius
transmutationem & alterationem in metallis
concedes, quæ partibus constant prorsus si-
milaribus & homogeneis, quarum tempe-
ries proinde sola fusione ut aqua cum vino
temperari potest: aut ergò concedes dari
transmutationem metallorum (facilius qui-
dem quàm in aliis corporibus) aut omnimo-
dè negabis dari transmutationem vegeta-
bilium & animalium, qua negata, nega-
bis actionem motus phyci, atque
simul

10.
*Metallo-
rum.*

simul cursum naturæ, ejusque motorem
Deum.

THESIS II.

De subiecto transmutationis metallicæ.

*Si datur transmutatio metallorum, dabitur
in perfectius, nempe in aurum, cui trans-
mutationi proxima sunt corpora metal-
lica, tanquam species unius generis, non
materia (qua in argento vivo tanquam
genere) sed forma (qua in argenti vivi
coëctione, tanquam specie consistit) diffe-
rentia, nempe tantum in metallis in au-
rum transmutari potest quantum conti-
nent argenti vivi.*

Defensio hujus Thesis.

1. **P**Ræcedens thesis demonstravit possibi-
litatem & necessitatem transmutatio-
nis metallicæ, nunc hac thesis, qualiter illa na-
turaliter contingat, examinabimus, atque ita
de subiecto transmutationis metallicæ age-
mus, cum verò natura semper intendat per-
fectius, etiam illam suum ordinem circa
transmutationem metallorum observare cre-
dibile est, statuemus ergò, naturam omnia
corpora metallica in aurum deducere
A 4

II.
Ordo na-
tura in
transmu-
tatione
metallo-
rum.

velle, etiam deducturam, si non impediatur, quod ex eo concluditur. 1. quod metalla omnia unam habeant materiam. 2. quæ sola coctione perficitur per gradus, ergò poterit perfici in ultimum gradum (si daret concoctio) nempe in aurum. *Objicies*, paritate rosas, lilia, rosmarinum in vini naturam aspirare, utpotè in perfectius. & negando paritatem, metalla enim non sic differunt specie ab auro, quali differunt rosæ, lilia &c. à vino; sin verò dicas vinum imperfectum & immaturum naturaliter tendere ad vinum maturum & perfectum, tum omnimodè concesserim & similitudinem & consequentiam. 2. avtopsia in mineris observatum est, metalla longo tempore alterari, in alia metalla transmutari & perfici, ergò habent motum ad perfectionem, sic plumbum in stanni, ferrum in cupri, cuprum in argenti, argentum in auri perfectionem tendit, & hæc ratio quod imperfecta metalla in mineris semper cum perfectis mixta sint, tanquam immaturæ & maturæ uvæ in uno botro. 3. quo metalla profundiora in mineris, hoc perfectiora, nempe hoc magis calori centrali perficienti & concoquenti propiora sunt, ergo signum est metalla calore perfici: *Objicies*, observatum esse, quod extra mineras calore metalla destruantur, concedo, si calorem violentum intelligas,

12.
Metalla
habent
naturalem
motum ad
perfectionem
auri.

ligas , & non naturalem , fin verò ignem illum adhibeas , quo natura utitur , pari ratione metalla etiam extra mineras perficerentur , non secus ac mala aurantia in hypocaustis perficiuntur & crescunt , quo ergò instinctu immaturum ad statum maturitatis naturaliter properat , eodem plane stimulo imperfecta metalla ad statum perfectionis properant , nempe ad aurum , cum ergò de metallorum transmutatione hic ago , semper transmutationem imperfectorum metallorum in aurum intelligo. 2. Finis ergò transmutationis , de qua hic agimus est aurum ; Subjectum verò est omne imperfectum minerale & metallum , nulla enim species facilius transmutatur in alteram , nisi quæ unius est generis , at metalla comprehenduntur sub uno genere metalleitatis , & tantum differunt specie concoctionis , ergò facilius in aurum transmutari possunt , quam lapides , ligna , ossa ; metallicas verò species sub uno genere metalleitatis comprehendendi , experientia docet & ratio , nam quibus communia sunt accidentia , iis etiam commune est genus , atqui metalla communia habent accidentia , nempe fusionis , ponderositatis , malleabilitatis (secundum tamen majus & minus) quibus accidentibus præscindunt definitione speciali ab omnibus aliis generibus corporum totius mundi,

13.

Finis transmutationis metallica est aurum.

14.

Subjectum transmutandum est omne metallum.

15.

Metalla comprehenduntur sub uno genere.

mundi , ergò clarum est , convenire in uno genere , & inter se , in qua re verò metalleitas consistat , nempe quæ sit materia metallorum si scire desideres , necessariò supponere debes ea , quæ in omnibus corporibus considerantur , principia remota , media , propinqua ; principia metallorum remota Aristoteles vaporem seu humidum unctuosum , Albertus terrestre subtile , alii alio nomine denotârunt , quo tamen semper unctuosum incombustibile denotaretur , ut aqua permanens & similiter , principia media Rupe-scissa sal seu vitriolum vocat , nempe vaporem unctuosum resolutum & concretum in terræ aut salis quandam speciem , quam , ut dixi , aliqui salem , alii fuliginem , alii Gur , alii Ferch vocant , habetq; jam se ad principium metallorum propinquum ut sanguis ad sperma , principium verò metallorum propinquum vocat D. Thomas sulphur & argentum vivum , cum ait , *ex sulphure & argento vivo ut natura , sic ars producit metalla , per principia nempe principiata , unde Alchymista per veram artem alchymie aliquando metalla producant &c.* Hic verò oritur quæstio , utrum metalla unum vel plura habeant principia , aliqui enim unum , nempe solum argentum vivum , aliqui duo , puta , sulphur & Mercurium , aliqui tria , ut sal , sulphur , & Mercurium statuunt , ad quæ &c.

sicut

16.

*Metallo-
rum prin-
cipia re-
mota.*

17.

Media.

18.

Propinqua

19.

*Metallo-
rum prin-
cipia quor?*

sicut Sperma, semen foemineum & sanguis
 menstruus ad uterum fluens, omnia tria ad
 generationem animalis faciunt, tempera-
 mento & coctione diversa, substantia tamen
 una, ita triplex datur argentum vivum quod
 ad generationem metallorum ut plurimum
 concurrere solet, sola puritate & coctione
 differens, substantia verò unum, benè enim
 concoctum sub forma sulphuris apparet, &
 supplet vices maris, mediocriter coctum &
 non nihil crudum, supplet vices foeminae &
 salis larvâ imponit, minimè coctum secun-
 dum vices sanguinis menstrui agit, ac sub
 forma currente apparet, unde Mercurius
 vocatur, hinc doctè Basiliius, *Seind drey und
 zwey und doch nur eins* / ex quibus omni-
 bus apparet, argentum vivum solum esse
 unicam materiam Metallorum, quæ ratione
 coctionis, tum varia metallorum princi-
 pia, tum ipsa quoque metalla sub diversa
 specie producat, argentum vivum enim
 si sit vitiosum & non sufficienter à natura
 purgatum ac decoctum, non in sulphur fi-
 xum, sed in sulphur arsenicale mutatur, pro
 cuius vitiositate etiam diversa fiunt minera-
 lia, quod etiam de reliquis principiis metal-
 lorum intelligendum est, manifestè enim
 apparet, in quibusdam metallis & minera-
 libus semen foemineum metallorum seu sa-
 lem aut Mercurium solventem fortio-
 rem esse

20.
*Triplex
 argentum
 vivum.*

21.
*Argentum
 vivum
 masculum.*

22.
Foemineu.

23.
Menstruu.

24.
*Sulphur
 arsenicale
 causa im-
 perfectio-
 nis metal-
 lica.*

25.
*Argenti
vivi di-
versitas.*

26.
*Causa di-
versa spe-
ciei me-
tallica.*

27.
*Est sola
coctio ar-
genti vivi.*

28.
*Argentum
vivum est
materia
metallorū.*

29.
*Nempe
humidum
inflammabile
incombustibile.*

esse quàm in aliis, ut thesi quarta demonstra-
tum, & Mercurii communis currentis diversa
esse species ex Mercurio Virgineo & comun
apparet, unde firmiter concludere licet, puri-
tatē & coctionem argenti vivi, causam esse di-
versarum specierum metallicarū quarum di-
versa forma in sola maturitate consistit, non
in specifico quodam semine, ut lilium, al-
lium, rosa, prout quidam somniant
sed sicuti vini maturi & immaturi diversa
quidem est forma externa, interna verò
nulla nisi in ejusdem coctione & puritate,
ita materia nempe argentum vivum plumbi,
stanni, cupri, ferri, argenti, auri, unum est
idemque argentum vivum, forma verò hu-
jus argenti vivi diversa, secundum gradus
puritatis & coctionis, auri enim argentum
vivum magis decoctum esse quàm plumbi,
ignis demonstrat, in quo unum manet, alte-
rum aufugit: *objicies*, te non negare metal-
lis unam eandemque esse materiam, quoad
substantiam, & variantem specificè juxta
qualitates ex decoctionis gradibus resultant-
tes, sed negare hanc materiam argentum
vivum esse, contra quod R. I. metallicam
materiam esse aliquid liquidi, quod eorum
fluxu patet, atque hoc liquidum non potest
esse humidum aut manus madefaciens, nam
tale humidum non subsisteret in igne, sed il-
lico evaporaret, liquidum autem quod non
sit humidum, nullum reperitur nisi oleum,
atque

atque hoc est combustibile, ergò, necessa-
 riò sequitur, nihil reperi in censu naturæ,
 quod sit liquidum & tamen non humidum
 aut inflammabile, præterquam argentum
 vivum, unde clarè liquet, hoc esse illud li-
 quidum metallorum, seu illorum materiam,
 de qua agimus. 2. Metallū in fluxu repræsen-
 tat argentum vivum fluidum, fluxu & gravita-
 te, quinimò, 3. ut thesi quarta audiemus, re-
 solvitur in ipsum argentum vivum currens &
 currenter, etiam in frigido permanens, in
 quod autem aliquid resolvitur, ex eo factum
 fuisse credendum est: *Objicies*, metalla re-
 solvuntur in vitriolum, ergò constant ex vi-
 triolo, ad quod & me hic non defensurum
 utrum non omnia metalla quoad principium
 medium, ex vitriolo seu sale consistent,
 unde ipsum argentum vivum provenit, cum
 ex omni vitriolo facilè fiat argentum vi-
 vum, ut thesi ultimâ demonstrabimus, sed
 tantum heic loci distinguere inter decom-
 posita & simplicia, si ex cupro vitriolum
 elicere velis, sulphur addendum est, vel
 spiritus sulphureus, cujus coctione cum
 cupro, tertium oritur, quod vitriolum vo-
 cant, sin verò ex Venere Mercurium elicere
 velis, aliqua tibi ex Venere extrahenda sunt,
 nempe sulphur arsenicale, Mercurium Ve-
 neris coagulans, atque ita in operatione re-
 ductionis corporum in Mercurium, illa ad
 simpli-

30.
*Unum me-
 tallum pra
 altero fa-
 cilius in
 aurum
 transmu-
 tatur.*

31.
*Qua ra-
 tione me-
 tallavoc-
 entur
 metalla.*

32.
*Quantum
 nempe ha-
 bent ar-
 genti
 vivi.*

simplicio rem mixturam, non ad ulteriorem decompositionem deducuntur, hinc in hac ultima operatione decompositionis, valet obiectio, in priori non. Ex quibus omnibus concludo, si quæ corpora in aurum possint mutari, illa proxima corpora metallica esse, non tamen negârim unum vicinius altero esse, quo nempe sulphure adustibili & arsenicali plus liberum, & Mercurio cocto plus abundans, ut argentum est, in tantum enim metalla sunt vocanda metalla in quantum materiæ metallicæ, nempe argenti vivi habent, atqui, si debeant transmutari, debent in essentia sua, nempe in humido radicali mutari & alterari, hæc autem essentia seu hoc humidum radicale metallorum, est illorum argentum vivum, ergò tantum in metallis transmutabile in aurum est quantum Mercurii habent & non plus, nam lapides, scorie, aliaque non respiciunt essentiam metalli, sicut in musto aranæ, festucæ, aliaque insecta nihil essentialiter ad vinum faciunt.

T H E S I S III.

De obiecto transmutationis
 metallicæ.

*Argentum vivum crudum & imperfectum
 in metallis, non potest immutari, nisi per
 commixtionem alterius argenti vivi à
 natura*

natura decocti , & plus quam perfecti , quod quoad Substantiam sit argento vivo communi connaturale , quoad temperamentum verò , argento vivo communi & metallico, quarto gradu contrarium. Tale autem argentum vivum est aurum, tanquam objectum artis transmutatorie.

Defensio hujus Thesis.

EX præcedenti thesi clarissimè patet, si quæ corpora in aurum transmutari possint, illa proximè metalla esse, & quidem in illis tantum transmutari, quantum argenti vivi habent, nempe in quantum metalla sunt, reliqua enim omnia sunt heterogenea, & extranea, quæ natura in transmutatione separat, non secus ac fermentatio in musto, omne ejicit, quod non de natura vini est, nunc utrum & quomodo argentum vivum commune vel metallorum alterari & transmutari possit, quoque exponendum venit, sciendum autem præliminariter, quemadmodum metalla ex materia (argento vivo) & forma (argenti vivi decoctione) constant, ita etiam duplicia illis accidentia inesse, una è materia, altera è forma illorum promanantia. quoniam autem, ut demonstravi, metallis omnibus, una eademque est materia, nempe
argen-

33.

*Metallorum
accidentia
duplicia.*

34.
*Acciden-
tia mate-
ria metal-
lica sunt
eadem.*

35.
*Acciden-
tia forma
metallica
sunt va-
ria.*

36.
*Forma
metallo-
rum trans-
mutatur
non mate-
ria.*

argentum vivum, ita etiam necessario sequi debet, quod accidentia metallorum, quæ ex illorum materia profluunt, sint una eademque, nempe gravitas, malleabilitas, fusio, his enim tribus, juxta majus & minus tamen, omnia metalla gaudent, definiuntur, & præscindunt ab omnibus corporibus mundi, accidentia verò quæ à forma metallorum proveniunt, sunt varia, diversa & specifica, juxta gradus coctionis & puritatis argenti vivi, versanturque in fixitate, homogeneitate & colore, quæ enim ad ultimum finem decocta sunt, illa fixa manent, quæ omnimodè pura, illa homogenea, quæ diu & sufficienter excocta, citrinitatem, & rubedinem contrahunt, ex quibus manifestè apparet, sola coctione metalla diversificari, & sola coctione in forma sua alterari posse, tum enim prior forma perit, aut immutatur, cum omnia ejus accidentia immutantur, atqui quod accidentia formæ metallicæ immutari queant, experientia docet, ergò sequitur formam metallorum transmutari posse, manente nihilominus materia metallica, nam sicut materia uvæ maturæ & immaturæ, una eademque est, nempe vinum, & solâ decoctione Solis, forma immaturi vini mutatur in maturum, manente materia uvæ, ita forma metallorum potest transmutari in formâ auri, manente materia metalli-

metallicâ, quam etiam retinere debet,
 si aliàs verum metallum ex tali transmu-
 tatione produci debeat, porrò sic minorem
 probo, accidentia formæ metallicæ possunt
 particulariter alterari & transmutari, ergò
 possunt ex toto transmutari in naturam au-
 ri, probo antecedens, volatilitas metallo-
 rum in igne, quod aufugiant, etiam quod
 ab aquis corrosivis attingantur, est accidens
 formæ metallicæ, & signum argenti vivi non
 bene concocti, atqui talis volatilitas potest
 artificiali decoctione sic figi, ut ignem su-
 stineat sat vehementem, idque tantummo-
 do per agens extrinsecum, nempe coctione
 in lixivio, vel oleo vitrioli vel sulphure; er-
 gò si ex parte per agens extrinsecum figi
 potest, poterit multò magis per agens in-
 trinsecum figi ex toto, sed figi ex toto est
 habere fixitatem auri; Secundo idem sen-
 tiendum est de homogeneitate, cui opponi-
 tur heterogeneitas, unde metallorum levi-
 tas & friabilitas, cui opponitur gravitas &
 malleabilitas, sed aurifabris, & metallicolis
 vel trivialibus quibuscunque notum est,
 metalla friabilia reddere malleabilia, vel ut
 vocant dulcia, idque tam ratione separatio-
 nis partium heterogenearum, quàm deco-
 ctionis substantiæ argenti vivi, habita au-
 tem homogeneitate, omnia reliqua acci-
 dentia sua sponte alterantur, nempe decens

37.
 Materia
 metallorū
 in trans-
 mutatione
 manet.

38.
 Acciden-
 tia formæ
 metallicæ
 possunt al-
 terari.

fusio, sonus, pondus. Tertiò, metalla particulariter colorari posse, tironibus alchymix notum est, idque per gradationes & cementa varia, ergò ex toto colorari posse ratio dicitur, jam ergò hoc infero, quod si

39.
*Metalla in
accidenti-
bus muta-
ta, etiam
in forma
mutantur.*

imperfecta metalla ex. gr. plumbum, stannum, mutantur taliter in accidentibus, ut fluxum gravitatem, malleabilitatem, sonum, colorem, fixitatem auri acquirant, tunc necessariò in forma sua mutata, & in formam auri transmutata, ac proinde à monetariis, docimastis ac aurifabris quibuscunque pro auro æstimanda & declaranda esse, ratio-

40.
*Imperii Ro-
mani pro-
ba auri
super ejus-
dem acci-
dentibus
tantum
fundatur.*

nem & experientiam civilem suadere, proba enim Imperii Romani pro auro dignoscendo super accidentibus non super materia auri fundatur, supponit enim Romanum Imperium, si metallum quoddam vera accidentia auri habeat, illud etiam veram auri formam & materiam seu essentiam continere, quæ enim in accidentibus conveniunt, in essentia seu forma convenire necesse est, quod verò accidentia metallorum imperfectorum ad statum accidentium auri deduci queant, antecedentibus demonstratum est, ergò clarè probavi, auro & imperfectis metallis unam esse materiam nempe argentum vivum, accidentia verò diversa, quæ tamen alterari & ad iden-

id idenditatem auri deduci possint, ergo
 concludo metalla posse alterari, immutari, &
 eandem transmutari. Nunc qua id ratione
 fieri possit quoque physicè exponendum
 venit, omnis autem transmutatio naturalis
 & placida non violenta debet contingere
 per simile dissimile, per simile ut transmu-
 tans habeat associationem & ingressum ad
 transmutandum, nam cum non detur actio
 in distans medio non affecto, multò minus
 labitur actio in præsens sine contactu, at
 contactus non debet esse superficialis sed
 centralis & essentialis, nempe ut transmutans
 intimè ingrediatur & se misceat in essentiam
 transmutandi, quod fieri non potest, nisi
 transmutans sit de substantia transmutandi,
 nulla enim propior affinitas nisi ejusdem
 substantiæ, hinc, *natura naturâ gaudet, na-
 tura naturam amplectitur, natura non emen-
 datur nisi in propria natura*, quod in vino
 videmus, quod per oleum meliorari nequit,
 est enim naturæ heterogeneæ, hinc super-
 natat, & non miscetur vino, è contra vinum
 per vinum facilè melioratur, quoniam vi-
 num essentialiter & radicaliter miscetur, cum
 igitur essentia seu substantia metallorum sit
 argentum vivum, necessariò concluditur,
 objectum transmutans, quoque debere esse
 de natura argenti vivi, alias enim neque ho-
 mogeneitatem neque ingressum neque ra-

41.

Transmutatio naturalis fit per simile dissimile.

42.

In transmutatione requiritur contactus physicus.

dicalem & physicum contactum haberet
 ullum metallum, quod in experientia videmus,
 omnis enim tinctura, quæ non ingressum
 habet, nec tingit, nec alterat, at nunc
 tinctura potest habere ingressum in metallum
 quæ non est de natura metallorum, hanc vero
 argentum vivum esse, supra demonstravi,
 ergo claret objectum transmutans, quod
 tincturam vocant, debere esse de substantia
 argenti vivi, nempe debere esse cum metallo
 quoad substantiam simile, sed quoad
 qualitates dissimile, cum enim idem vel simile
 non agat in idem vel simile, necessario
 transmutans debet quoad qualitates
 accidentia esse dissimile, seu contrariarum
 qualitatum & accidentium cum transmutando;
 at subiectum transmutandum est argentum
 vivum imperfectum metallorum, quod
 est naturæ frigide, humidæ, liquidæ, crudæ,
 volatilis impuræ, ergo si objectum transmutans
 debeat se proportionare ad subiectum
 transmutandum, necessario illud debet esse
 contrariarum qualitatum & accidentium
 nempe naturæ calidæ, siccæ, constringentis
 coactæ, fixæ, puræ, tale autem objectum
 quod harum sit qualitatum, & tamen quoad
 substantiam, argentum vivum, non reperitur
 ullibi nisi in auro, ergo bene concludo, aurum
 esse verum objectum artis transmutatoriae
 metallorum, hinc publicè Avicenna exclamavit

43.
Objectum transmutans debet esse de natura argenti vivi.

44.
Sed qualitatum contrariarum, id est, simile quoad substantiam, dissimile quoad qualitates.

45.
Cur aurum sit objectum transmutans?

exclamat, *si aurum non viderem, dicerem*
quod ars esset falsa, benè dictum, nam si
 non videremus argentum vivum à natura in
 formam auri concoqui, necessario etiam
 haberemus dubitare, utrum ars eò pertin-
 ere posset, deinde si non haberemus aurum,
 etiam non haberemus objectum quod quo-
 d substantiam esset argentum vivum, & quo-
 d qualitates, argento vivo communi & me-
 tallorum quarto gradu contrarium, tali au-
 tem non habito objecto, etiam nulla posset
 fieri tinctura & transmutatio; ergò necessa-
 riò ad artem facit, ut aurum sit in rerum na-
 tura, aurum enim metallum esse communis
 visus docet, aurum purum putum argentum
 vivum esse, pondus explicat, aurum argen-
 tum vivum sufficienter coctum, fixum, pu-
 rum homogeneum, siccum, solidum esse,
 ignis, ejus fluxus, malleabilitas, citrinitas &
 fixitas demonstrant, quæ omnia accidentia
 communi Mercurio seu argento vivo con-
 traria sunt, ergò illud alterare ac temperare
 possunt, non secus ac vinum sole sufficienter
 excoctum, purum, defæcatum, subtile, igne-
 um, aliud vinum fæculentum, crassum, a-
 queum, crudum coquere, attenuare & tem-
 perare potest: *Objicies*, multos philosophos
 de suo auro, item de essentia seu anima auri
 loqui, aurum commune repudiare, ergò au-
 rum

46.
*Quid sit
 aurum
 philosopho-
 rum.*

rum non esse necessarium objectum tran-
 mutationis metallicę : & ex sequenti the-
 patibit enodatio hujus objectionis : philo-
 sophi nunquam aurum repudiârunt , quate-
 nus subiectum constans ex argento vivo co-
 cto, fixo, & puro, sed quatenus corpus soli-
 dum, quod in statu soliditatis vires suas in
 commune argentum vivum crudum exfere-
 re nequit, deinde si qui non sint usi auro vul-
 gari, certe argentum vivum requirebant
 quod jam sive natura sive arte dispositum
 esset ad statum aureitatis, tertio qui nesci-
 quam essentiam seu animam ex auro som-
 niant, quam formam auri statuunt, hi nesci-
 unt quid vel dicant vel laborent, neque ejus-
 modi animam unquam producere & mon-
 strare poterunt, decepti solventibus, aurum
 dealbantibus hinc luapte citrinatis certe
 sicut forma physica laterum est eorum co-
 ctio ita forma auri est perfecta coctio
 argenti vivi in auro, adeo quod aurum ex
 partibus purè similaribus, homogeneis ar-
 genti vivi constet, totaque sua substantia sit
 & præbeat objectum tincturæ, nisi quis
 fortè statuatur, esse in auro partes quasdam
 respectu puritatis & coctionis dissimilares,
 ita ut particulæ perfectè coctæ, præservent
 ab igne imperfectè coctas, quo dato etsi
 non concessio, non tamen implicaret, parti-
 culas quasdam argenti vivi in auro perfectè
 coctas,

48.
*Aurum
 prorsus
 homoge-
 num.*

coctas, plus & facilius alias coquere & perficere posse, quàm illas quæ sunt in imperfectis metallis, prorsus incoctæ, adeoque tamen sequi, particulas argenti vivi plus cocti, temperare posse particulas argenti vivi minus cocti, particulas autem auri plus coctas esse reliquis, experientia docet, ergò concludo, aurum esse verum objectum artis alchymicæ transmutatoriæ.

T H E S I S IV.

De modo transmutationis metallicæ, nempe de objecti transmutantis penetrantiâ & formâ tincturæ absolutâ.

Aurum ut corpus solidum non tingit, quia non penetrat, penetrare autem nequit, nisi subtilietur citra re concentrationem corporalem & amissionem qualitatum aurearum, talis auri subtiliatio non datur, nisi per Mercurium.

Defensio hujus Thesis.

Præcedentibus thesibus abunde & solidis rationibus demonstratum est, dari corporum & præsertim metallorum transmutationem, in metallis verò nihil in aurum transmutari posse, præter quam illorum substantiam Mercurialem, hanc mixtione ali-

cujus argenti vivi decocti, & plusquam perfecti temperari & alterari posse, tale autem argentum vivum esse aurum, nunc restat, ut de mixtione agamus, nempe de medio & modo agendi auri in metallorum vel commune argentum vivum. *Objicies* enim, etsi aurum fluat cum metallo imperfecto, id tamen per aurum non alterari, quin non arte separatoria rursus ad granum usque separetur ex. grat. confluat una pars auri cum mille partibus argenti, sumaturque de tali argento pars millesima, & probetur, ecce invenies & separabis partem millesimam auri additi, quod signum est aurum cum metallis intimè misceri & confluere, nihilominus illa non per aurum alterari, ad quod & 1. corpus solidum non agere in corpus solidum, atqui metalla sunt corpora solida & aurum est corpus solidum, ergò invicem agere non poterunt. 2. Distinguendum est inter juxtapositionem & penetrationem, aurum argento colliquefactum non aliter ei cohæret, quàm per modum juxtapositionis, corpus enim utrumque est reclusum & perfectum, neque actionem vel passionem ullam exercere potest, hinc ejusmodi corpora integra substantiâ & qualitate separantur, funde verò unam partem stanni cum multis partibus argenti vel auri, & videbis totam massam reddi friabilem, cum ante mixtionem

utrum-

49.

*Aurum in
soliditate
suâ non
agit in me-
talla.*

50.

*Distin-
guendum
inter juxtapo-
sitionem
& pene-
trationem.*

utrumque metallum, ipsum etiam stannum a-
 deò malleabile sit ut folia inde extendi &
 cudi queant, ratio ergò hujus effectus
 tertij nempe friabilitatis promanat ex re-
 actione stanni cum auro, cujus, nempe
 stanni, impurum, crudum & arsenicale ar-
 gentum vivum, ob contrarias qualitates agit
 in partes puras & coctas argenti vivi auri,
 inducendo aliquam anomalam seu discrasia
 temperamento auri contrariam, idque agit
 ob porositatem & corpus apertum stanni,
 unde malignitate seu discrasia sua aurum in
 minimis penetrat, auro ob reclusos poros
 & corpus solidum, non reagente sed patien-
 te, si jam aurum eadem penetrantiâ & poro-
 sitate polleret, tum utique in stannum vel
 quodvis aliud metallum reagere, illud pene-
 trare, ac penetrando qualitates suas tempe-
 ratas aureas inprimere & diffundere posset, id
 est, friabilia corpora reddere malleabilia,
 sicut stannum malleabilia metalla effe-
 cit friabilia, clarum ergò est metalla non
 per juxtapositionem, sed per reactionem
 alterari, atqui non potest dari reactio, ubi
 nulla est penetratio, *omnis enim penetratio*
physica, juxta Philosophum, est principium
veræ transmutationis, quod etiam probatur
 ab experientia mechanicè & physicè: Me-
 chanicè quidem, ubi unicâ unciâ auri, de au-
 rata libra argenti, per modum baculi exten-
 sa, per foramina, & tracta in filamenta ali-

51.
Penetra-
tionis phy-
sica effe-
ctus.

52.
Penetratio
mechani-
ca.

quot mille orgyas , omnia probè deaurata erunt , extensa mechanicè unicâ illâ auri unciâ, quam si in fluxu cum libra argenti colliquefacies , ne in lapide quidem lydio vel minimum aurei coloris observares, cum medietas quidem auri vix sit conspectui, clarum ergò est aurum, plus tingere cum extenditur, quam cum in forma compacta confunditur & colliquefcit, deinde videmus unograno calcis metallicæ plurima grana vitri tingi, in furnis vitriariis , idque quoniam vitrum tanquam subiectum tingibile, est porosum in fluxu, ideo absorbet tincturam calcis metallicæ in se, eamque tam mirificè extendit ; at metalla tanquam subiecta tingibilia in fluxu non sunt sic porosa & levia ut vitrum, constant enim ex materia ponderosa , nempe argento vivo, quod compactum est , & gravitatem suam, citra deperditionem naturæ metallicæ amittere nequit , ergò aurum tanquam obiectum tingens, formâ suâ corporali ea penetrare nequit , sed illam extensionem requirit, quam in tinctura vitrorum subiectum tingendum habet, nempe vitrum , videntes ergò Philosophi, quod metalla non possent in fluxu porosa reddere, seu aurum extenuantia, confugerunt ad obiectum tingens, nempe aurum , idque subtiliare sategerunt, ut postea metalla penetrare posset. *Objicias aurum non potest subtiliari, nisi volatiliscetur,*

53.
Physica in
Vitris.

rur, at volatile factum amittit fixitatem au-
 ream, nempe principale accidens, ergò ta-
 liter subtiliatum non proderit ad transmuta-
 tionem, potior enim defectus in imper-
 fectis metallis est, quod non sint fixa. *Re.* 54.
 negando suppositum, quod aurum non *Distin-*
 possit subtiliari sine volatilisatione, Philo- *guendum*
 sophus enim definit tincturam, quod sit *sub-* *inter subti-*
tilis fixitatis, dari autem *subtile fixum*, æque *lem & vo-*
 minus implicat, quam dari *volatile grave*, *lilem fi-*
 nonnè Mercurius est post aurum g^o avissi- *xitatem,*
 mus, at nihilominus in igne volatilissimus, *datur enim*
 quid subtilius esse potest, quàm id, quod *subtile*
 transit per chartam, illâ illæsa, imò quod *quod non*
 transit corium ejusq; poros, quod etiam sub- *sit volati-*
 tilissimus spiritus vini non facit, at ut postea
 audietis de potestate extensiva Mercurij,
 plumbum corpus gravissimum & compa-
 ctum, transit corium, manente suâ naturâ
 illæsa, & aurum solutum in aqua Regis
 transit filtratione per multa folia chartæ
 emporeticæ, quis non dicat aurum hic sum-
 mè subtiliatum esse, & tamen fixitatem
 suam non amisisse experientia docet, redu-
 ctum enim idem est aurum quod antea, au-
 rum ergò & argentum imò omne metallum
 subtiliari posse manente suâ naturâ integrâ,
 experientia sufficienter demonstrat, aurum
 verò vel argentum subtiliatum intimius in
 metalla penetrare, eaque penetrando alterare
 & trans-

55.
*Auri &
 argenti
 subtiliati
 vis pene-
 trans &
 alterans.*

& transmutare rursus experientia docet, exemplum nobis esto argentum, quod cum cupro liquefactum, illud minimè transmutat, sed habet se ut juxta positum mortuum, hinc immutatis viribus & actu separabile à cupro, verùm solve idem argentum in aqua forti, præcipita cum sale communi vel ejus spiritu, præcipitatum edulcora, invenies argentum fusile, volatile & summè penetrativum, hoc misce anatico vel duplo pondere cinerum stanni, vel limaturæ ferri, pone in globum cupreum ex duobus hemisphæriis constantem, reple infimum hemisphærium, luta juncturas, da ignem modicum, ut candendo rufescat globus, non tamen fluat, relinque aliquot horis sic in igne, tunc frige- factum globum aperi, quod in fundo, lique- fac fluxu reductivo, invenies tuum pondus impositi argenti, sed superius hemisphæ- rium cupreum invenies spiritu hujus vola- tilis argenti sic penetratum, ut magna ex par- te in proba verum & bonum argentum ex- hibeat, cujus transmutationis cupri in ar- gentum, nulla alia ratio assignari potest, præ- terquam vis penetrativa argenti, quam per sal accepit, sine quo nihil operaretur ut constet. Porro solvatur argentum in aqua forti vel spiritu nitri, abstrahatur solutio len- to calore ad consistentiam salis, quod postea solvatur

solvatur aliquoties spiritu aceti, semper ab-
 strahendo & resolvendo tandem cum spiritu
 vini sic procedatur, ultimò relinquatur in
 spiritu vini sal argenti sine abstractione, hic
 spir. vini sine ulla corrosione, aut violentia,
 instillatus argento vivo communi, quasi in
 momento illud figit, ac in argentum trans-
 mutat, & ne credas non plus repe-
 riri argenti, quàm in spiritu fuit, cer-
 tè proba benè instituta & pondere
 probè examinato, inveniens ultra pon-
 dus argenti, notabilem quantitatem ar-
 genti vivi in argentum mutatum esse, eique
 accrevisse, cuius transmutationis ratio soli
 penetrantię argenti adscribenda est; Idem
 contingit in auro, quod si in aqua Regis sol-
 vas, addasque Mercurium abstrahendo liquo-
 rem ad salis consistentiam, eamque in spiritu
 aceti resolvendo, filtrando, purgando, & de-
 nuo inspissando ad consistentiam, quę cerę
 instar fluet, ac quodvis argentum etiam in
 talerorum crassitie in aurum transmutabit,
 modò candescat citra fusionem, idque cum
 augmento auri, quę experimenta ideo tan-
 tùm adduco, ut apertè clareat, aurum vel
 argentum non alterare nec transmutare me-
 talla, quamdiu in statu soliditatis sunt, ve-
 rùm cum primùm subtiliantur, ut penetrare
 possint, illa statim juxta gradum suę pene-
 trantię

trantia in metalla agere, eaque alterare & transmutare, & hæc est ratio actionum omnium subtilium aquarum, quas gradatorias vulgò vocant. Verum *objicies* aurum &

56.
Reconcentratio subtilium metallorum impeditur mento est.

argentum præcedenti modo subtiliata, non modo sunt volatilia amittendo statum fixitatis, sed abstractis talibus rursus reconcentrantur, atque in statum soliditatis redeunt, ergò hæc subtiliationis methodus non est recta nec vera nec utilis, ad quæ &

concedendo totam objectionem, neque enim ego hanc subtiliationem ideò adduxi, ut illam pro philosophica penetratione tincturæ commendem, sed tantum ut aliquod exemplum monstrem, quo potestas subtiliationis clareat, si enim extra rectam viam, natura nihilominus possibilitatem monstret, quid non factura erit, si in via debita labores, cæterum optimè scio subtiliationem auri vel argenti, debere contingere per solutionem continui, id est, per interpositionem aliorum corpusculorum in atomos auri mediantibus, quibus illud attenuetur, dissolvatur & penetretur, atqui omnia corpuscula, quæ auro interponi possunt, vel

57.
Solutio continui quid?

58.
Interpositio corpusculorum quid?

erunt ignea vel ærea vel aquea vel terrea, tria prima interponi non possunt, quia non valent; non valent autem, quia in ignis examine ex atomis auri recedunt, ipsisque re-

59.
Restrictio.

concentrationem & restrictionem permittunt,

mittunt, unde auro pristina soliditas & compages, propter quam corpus spissum in metalla agere non potest. Etsi enim aurum in continuo solvatur, id est, de puncto ad punctum, ut fit in foliatione, trituratione, limatura, fusione, calcinatione, sublimatione, salificatione, solutione, illicò tamen ista puncta coire, & expulsis peregrinis intersitis corpusculis in pristinum solidum corpus concreescere possunt, taceo solutionem continui mechanicam, videamus liquefactionem auri, ubi atomi ignis sese ingerunt in poros auri, eosque dilatant, sic ut fiat solutio continui, rarefactus enim aer quærit majus spatium, ne ergò detur corporum compressio, cedunt puncta auri, fitque solutio continui, nempe liquefactio, at recedente calore, atomisque igneis, illicò, ne detur locus vacui, punctula auri coeunt, atque recongelaſcunt in corpus æquè durum consistens & solidum ut antea, porro si atomi aerei sese insinuent, ut fit in trituratione & sublimatione, his certe recedentibus, illicò corpuscula coeunt, ut quilibet videt in antimonio, quod mediante aere in flores sublimatur, ita ut antimonium in minimos atomos resolutum existimetur, at in occluso tigillo suâ spon- te in pristinam compagem redit, tum si omnis generis subtiles spiritus solventes
& atte-

60.

Liquefactio.

61.

Compressio

62.

Metus loci vacui.

63.

Dissolutio in sublimatione florum.

64.
*In solutio-
ne aqua-
rum.*

65.
*Interpositio
corpuscu-
lorum te-
nerorum,*

66.
Subtilium,

67.
Gravium,

68.
Fixabiliū.

& attenuantes aquas præ manus sumas, illi-
quidem auri corpuscula sic in continuo di-
solves & discerpes, ut mirè subtiliata, i-
formâ liquoris vel spiritus, chartam, alem-
bicum, ipsa etiam vitra penetrare possint, &
ubi in ignis examen venerint, aurumqu-
aliud metallum, in quod agere deberet, re-
perit, statim peregrinum hospitem relin-
quit, qui humiditatis suæ naturâ ignem de-
serit, in calore evaporat, vel expsiccatur
atque ita aurum pristinam solidita-
tem & formam recuperat. Vides ergo
quòd neque ignea neque aërea neque
aquea corpuscula subtiliationi auri inservi-
ant, ergò inquires terrea requirentur, quod
concefferim, at interim memor esto, quòd
ejusmodi corpuscula terrea primò debeant
esse subtilia secundò gravia, tertiò disposi-
tionis fixabilis, *subtilia* esse debent, si enim
essent grossa, non possent attenuare aurū, hoc
ergò cum sit corpus crassissimum, & com-
pactissimum, necessariò ex opposito subtilians
requiret subtilissimum & penetrantissimum,
gravia imò gravissima esse debent ejusmodi
corpuscula subtiliantia, aliàs enim cum auro,
corpore gravissimo, nullam radicalem & ho-
mogeneam mixtionem admitterent, levia
enim supernatant gravibus, neque se un-
quam perfectè miscent. Denique ejus-
modi corpuscula subtiliantia, dispositionis
fixabilis

fixabilis esse debent, nisi enim cum auro figeretur, fixatione permanente, tum rursus in igne evaporarent, relicto auro reconcentrato; est habere dispositionem fixabilem fixitati auri convenientem, est habere humiditatem in igne permanentem, quale humidum incombustibile nullum corpus nec animale nec vegetabile habet, ergò necessariò ad regnum minerale confugiendum, quod constat ex terris, lapidibus & metallis, salibus & sulphuribus, sed licet terræ, lapides, metalla, salia & sulphura ibi dentur, quæ fixa sint non tamen habent gravitatem auro convenientem, multò minus requisitam subtilitatem & penetrantiam, aut homogeneam cum auro commixtionem & fusionem; ergò necessariò ad tale subjectum confugiendum est, quod prædictis requisitis pollet, tale autem est argentum vivum, ergò illud pro adæquata causa subtiliante aurum declaratur, *probo* autem argentum vivum esse omnium corporum subtilissimum, gravissimum & dispositionis fixabilis, proinde auro amicabile & homogeneum, nam constat, argentum vivum evaporare subtilissimi spiritus forma, penetrare vitra & metalla quæcunque, ipsum etiam corium, quod subtilissimus spiritus vini facere nequit, deinde gravitate proximè æquat aurum, adeò quod subtilissimum sit etiam gravissimum, tertio

C

est ar-

69

Cur argentum vivum sit causa subtilians aurum.

est argentum vivum materia incorruptibilis, & incombustibilis, nam utut cunque in igne tractetur, semper se recolligit, neque aduri taceo comburi aut corrumpi potest, sed est & manet semper materia homogœnea, rotunditatem sphericam auri instar servans, quod si aliquanto tempore cum auro vel argento digeratur atque figatur præcipationem admittit fixissimam, quod signum est ipsum esse qualitatis fixabilis. Denique propter hæc attributa, magnam cum auro sympathiam & convenientiam habet, quod in amalgamatione ejusdem seu conjunctione cum auro videmus, quàm avidè illud arripiat, quàm intimè ei associetur, quàm ægrè ab illo divellatur, quàm fluidum reddat aurum, ut etiam aliquoties cum illo tractatum ceræ instar fluat, ipsaque vitra penetret, tingatque, concludo ergò *aurum debet subtiliari & penetrans reddi, aliàs non agit in metalla nec alterat aut transmutat illa, non potest autem subtiliari nisi per subtilians, penetrantissimū, gravissimū & dispositionis fixabilis aureæ, aut homogeneitatis cum auro, taliū verò qualitatum subtilians nullibi reperitur nisi in argento vivo, ergò necessario sequitur aurum debere & posse per argentum vivum subtiliari.* Nunc ulterius agendum est de forma huius subtiliationis, ubi absolute concludo, aurum perfectè & essentialiter, ac radicaliter debere assimilari

70.

*Conclusio
pro auri
subtilia-
tione per
argentum
vivum.*

assimilari & reduci in formam sui subtiliantis,
 at forma subtiliantis est liquida, manus tamen
 non madefaciens, ergò aurum debet reduci
 in formā liquidam manus non madefacien-
 tem, talis autem forma est forma argenti vi-
 vi, ergo aurum debet reduci in formam
 argenti vivi, id est aurum debet fieri argen-
 tum vivum per argentum vivum, & hoc est
 quod philosophi toties inculcant, *fac Mer-*
curium per Mercurium, si enim hoc cer-
 tum sit, ut paulo ante sufficienter probavi,
 quod argentum vivum sit omnium corpo-
 rum subtilissimum & penetrantissimum, in-
 super gravissimum, ac quoad fixationem &
 homogeneitatem auro propinquissimum,
 adeoque ejus (auri) subtiliationi adæquatif-
 simum, certè aurum in ejus naturam totali-
 ter converti prorsus necessarium erit, nisi
 enim hoc fieret, non contingeret vera sub-
 tiliatio, sed subtilians à subtiliato secederet,
 tum non potest alia forma auro assignari, si
 subtilietur, quàm forma argenti vivi fluidi,
 aurum enim debet servare qualitates suas
 aureas, & solum à statu soliditatis recedere
 in statum penetrantiæ; at soliditati propriè op-
 ponitur liquiditas, ergò aurum si de soliditate
 recedere debeat, debet assumere statum liqui-
 ditatis, omnis siquidē liquiditas penetrantior
 est soliditate, jam verò tantum sunt tres li-
 quiditates, nempe ignea, aquea, Mercuria-
 lis. Dixi, quod liquiditas ignea post fusionem
 statim

71.

Aurum
assimilari
debet for-
ma subti-
liantis.

72.

Forma sub-
tiliationis
auri est
Mercuria-
lis.

73.

Aurum
reducendū
est in ar-
gentum
vivum.

74.

Tres liqui-
ditates
ignea, a-
quea, Mer-
curialis.

statim congelascit in frigore, aquea verò in examine ignis evaporet, ergò sola tertia restat, nempe liquiditas Mercurialis, in qua qualitates omnes auri etiam conservari possunt tanquam in liquore proprio & homogeneo, accidentia enim nullibi naturalius & integrius conservantur, quàm in formâ & materiâ, at hanc argentum vivum in metallis esse præcedentibus thesibus demonstravi, ergò accidentia seu qualitates auri optimè conservabuntur in argento vivo; *Objicies. 1.* aurum subtiliatum esse tincturam, at tincturæ formam non esse argentum vivum currens, alias enim non esset fixa, ergò auri subtiliati formam non esse currentem Mercurium, & distinguendo inter formam inchoatam, & inter formam absolutam, ex. gr. forma inchoata embryonis consistit in tribus bullulis seu ventriculis, unde postea caput, thorax & venter formatur, at forma absoluta embryonis consistit in perfecta articulatione & effigiatione humana, sic, forma absoluta tincturæ est sulphurea vel gummosa, inchoata verò est aurum subtiliatum, nempe Mercurificatum, seu in statum argenti vivi deductum. *Objicies. 2.* formam absolutam tincturæ non esse gummosam vel sulphuream, sed verè auream metallicam, aurum enim in Mercurium reductum, non potest aliam finalem formam servare, præterquam metallicam, cum decoctio ar-

genti

75.
Forma tincturæ non est liquida currens.

76.
Distinguendum inter formam tincturæ inchoatam & absolutam.

77.
Inchoata est currens

78.
Absoluta est pulvis gummosus.

genti vivi sit ejusdem formâ perfecta, ergò decoctio argenti vivi constituit aurum, ergò ex Mercurio auri aliud nihil potest fieri, etiam adhibitâ perfectâ coctione, quàm aurum corporale, sed hoc est metallum solidum, ergò non tingit, ergò non datur tinctura &c. formam argenti vivi in metallis, in decoctione eorum Mercurij consistere, sub initium harum thesium ipse demonstravi, dixique metalla juxta gradus hujus coctionis specificari, auri verò argentum vivum esse perfectissimè decoctum, ergo auri formam solâ perfectâ decoctione à reliquis metallis præscindere, & hoc quidem in ordine circa productionem naturalem metallorum solidorum, verùm circa productionem artificialem tincturæ, non valet hæc consequentia vel comparatio, nam in tincturificatione vel auri subtiliatione, non sufficit sola decoctio argenti vivi in auro, sed requiritur decocti sufficiens & frequens resolutio, coagulatio, seu ut vocant cobobatio aut inceratio, unde fixi auri subtiliatio & penetratio, consistit ergo forma argenti vivi in tincturâ, non in sola puritate & decoctione auri, sicut in auro corporali, sed præcipuè in subtiliatione, penetratione & exaltatione istius decoctionis argenti vivi in auro, ast aurum sic subtiliatum necessariò acquisivit aliam formam nempe

79.
*Distin-
 guendum
 inter na-
 turalem &
 artificialem
 in metallo-
 rum pro-
 ductione.
 Naturalis
 solâ deco-
 ctione.
 Artificia-
 lis decocti
 attenua-
 tione ab-
 solvitur.
 Proportio
 coagula-
 tionis ju-
 xta subti-
 liationem.*

majoris subtilitatis, ergò in coagulatione seu fixatione, necessario materia auri nempe ejus argentum vivum, se debet proportionare & restringere juxta suam formam (*materia enim nobilitatur juxta nobilitatem sue forme*) quæ cum ut dixi sit subtilior quàm in auro corporali, (ubi cocta quidem, sed non subtilis, verùm spissa & solida fuit) ergò materia etiam subtiliorem consistentiam assumere debebit, quàm si suscipiat, aurum solidum corporale amplius esse nequit, & hoc intelligendum est de ipsa quoque tincturæ materia, quæ quotiescunque nova resolutione per Mercurium in Mercurium subtiliatur, totiescunque novam & subtiliorem formam acquirit, juxta quam materia tincturæ nempe argentum vivum restringitur, subtiliatur & penetrans redditur, unde contingit, quod ob frequentiore penetrationem & subtiliationem semper plus metalla penetret & tingat, atque ita multiplicativa vi in qualitate & quantitate augeatur, non secus ac vini spiritus, quò plus destillatur, hoc subtilior redditur, qui si vino, unde destillatus, reaffundatur, non tamen amplius pristinum vinum componet, etsi omnes partes componentes vinum adhuc simul sint, idque ob subtiliationem spiritus vini, quæ major est, quàm in vino erat. *Objicies. 3. te quidem concedere aurum per Mercurium in Mer-*

*Exaltatio
forma tin-
cturæ.*

80.
*Vis multi-
plicativa
tincturæ in
qualitate
& quan-
titate.*

81.
*Exemplum
in vino.*

in Mer-

in Mercurium redactum, cum denuò figitur, non amplius auri corporalis formam induere posse, cum Mercurius additus in atomis auri hæreat, corpusculaque auri disjungat, eundem quoque Mercurium, si cum auro figatur, id tandem sub pulveris rubri specie, quam præcipitatum vocant, ob oculos sistere, verum vel una vel altera principali qualitate tincturæ carere, nempe vel non esse fixum, & rursus in liquefactione ab auro separari, atque ita auro re-concentrationem permittere, vel esse fixum sed non fusilem, atque ita non habere ingressum in metalla, prout etiam fixissimi pulveres præcipitati, nihil operando neque ingrediendo in metalla, testantur, te ergò concludere, aurum corporale, etsi per Mercurium subtiliatum, & formam inchoatam tincturæ adeptum sit, non tamen per illum in fixatione formam finalem & absolutam tincturæ (in fixitate & fusibilitate non metallica sed sulphurea consistente) acquirere posse. Ad quod & si aurum in argentum vivum reduci possit, vel illud argentum vivum coagulabitur in digestionem vel non coagulabitur, si hoc posterius, tum etiam nullum argentum vivum in mineris vel arte in metallum mutari posset, imò multò minus, cum argentum vivum crudeum & in mineris, multò impurius & crudius sit, quàm illud,

828

*Mercurius
præcipita-
tus com-
munis.*

83.
*Mercurius
 precipita-
 tus metal-
 licus.*

illud, quod ex auro factum est, contradicit
 etiam experientia, ut postea audiemus &
 demonstrabimus, omne argentum vivum
 digestionem sola coagulari, quod in ejus-
 dem precipitatione videmus, præsertim in
 argento vivo ex metallis extracto, communi
 nempe plus cotto, quod paucorum dierum
 spatio in metallum figitur, sin prius, quod
 argentum vivum auri digestum coaguletur,
 tum vel in metallum vel in aliquid quod
 subtilius metallo est, coagulabitur. *Dices,*
coagulabitur in metallum, & quidem in
metallum auro multò solidius, quoniam
quo plus decoquitur Mercurius auri, hoc
fit fixior, ergò metallum solidius, nam si
primò perfectæ decoctionis gradu metal-
lum ortum est ex Mercurio, quod aurum
vocamus, corpus solidissimum, quid fiet, si
aurum resolvatur in Mercurium & coqua-
tur decoctione ut philosophi vocant, plus-
quam perfectâ, nonne metallum prodiet
auro multò solidius, multò compactius, id
est, multò crassius, & proinde minus po-
testatem penetrandi, & transmutandi vel tin-
gendi habens, ad id quod appareat, hanc
methodum, aurum in Mercurium reducen-
di & denuò coagulandi è diametro tinctu-
rificationi contrariari, quæ in penetratione
non in incrassatione consistit. & Mercu-
rium auri non posse in metallum coagulari,
 etsi

et si enim ulterius, & ad plus quam perfectio-
 rem arte decoquatur, non tamen sequitur
 illum ideò tot gradibus incrassari & solidari.
 operatio enim Philosophorum circa Mer-
 curium solis, non consistit in solâ coagula-
 tione & decoctione, sed potius in frequenti
 solutione, subtiliatione, attenuatione, pe-
 netratione, elevatione ac purificatione
 ejusdem, unde omnes philosophi
 nem suam, tanquam clavem artis sic com-
 mendant, atque de ea, quæ nihil aliud est,
 nisi auri subtiliatio, toties monent; *cave*
coagulationem ante solutionem facere, si er-
 gò aliqui circa solam coagulationem auri
 occupati sint, sine prævia solutione, his
 concefferim suam objectionem, quod nem-
 pe nihil nisi durius metallum acquisituri,
 imò aurum perdituri, ac ad tingendum mi-
 nus aptum reddituri sint, & è contra, quò
 plus aurum subtiliatur & coagulatur, hoc
 plus etiam penetrat, & hoc plus tingit, non
 ergò impedit coagulatio, sed finit nego-
 tium, si reiteratam solutionem debitam le-
 quatur, & tum talis Mercurius in corpus
 auri solidum re congelari nequit, ob indu-
 striam nempe longè subtiliorem formam
 juxta cujus nobilitatem etiam materia re-
 stringi debet, *forma enim dat esse rei, at juxta per-*
forma subtiliata debet etiam dare subtilius
esse rei, sed subtilius esse opponitur crassiori
 materia.

84.

Argentum
vivumauri in de-
coctionenon fit solu-
tio sed
tenues.

85.

Incratio,

86.

Imbibitio,
cohobatio.

87.

Coagula-
tio antesolutionem
perniciosa.

88.

Materia
restringi-

tur juxta

nobilita-
tem forma;accidentia
vero im-

mutantur

seccionem
materia.

89.
Acciden-
tia Tinctu-
ræ qua
qualia.

90.
Forma
Tinctura
absoluta
qualis.

& solidiori esse, ergo necessario crassum & solidum esse argenti vivi auri, mediante subtiliationis formâ, mutabitur in subtilius esse; subtilius autem esse, metallis dari nequit, citra accidentium immutationem, ergo si argentum vivum, tanquam materia auri subtilietur & instruatur perfectiori formâ, necessario etiam omnia auri accidentia subtiliora fieri debent, illa nempe, quæ à forma procedunt, ut soliditas, opacitas, color, fusio, quæ intenuitatem semidiaphaneitatem, colorem intensum, fusionem ceræ instar mutari debent, & hæc erunt vera accidentia formæ tincturæ, seu auri subtiliati, realgari vel sublimato auripigmento (si volatilitatem excipias vel combustibilitatem) non absimilis; Quod verò dicas Mercurium communem additum aurum in subtiliatione & subsequente coagulatione in talem statum & formam, ob suam volatilitatem & stipticam fixitatem reducere non posse, facile concessero, si de communi Mercurio intelligas; Verùm, si quæ philosophi de suo singulari & Mercurio corporum ad hunc effectum destinato, requisita desiderant, in sequenti thesi percipies, objicere circa hoc punctum, utique desistes Mercurius enim communis est frigidissimus & humidissimus, interno igne pauperrimus, hinc seculo vix in perfectum metallum coagulabilis,

bilis, insuper livido, fusco, leproso, & arsenicali sulphure infectus, hinc in pulverulentam stipticam fictam & virulentam formam seipsum, præcipitans, Mercurius è contra philosophorum vel auri & argenti proprium habet agens perfectum calidum in definito humido, sulphur absolutum & fixum, coloris permanentis, substantiæ fusilis non virulentæ & salivatoriæ, sed diaphoreticæ qualitatis medicæ,

T H E S I S V.

De objecti transmutantis, nempe auri penetrantiæ & subtilitatis acquisitione seu de forma tincturæ inchoata, id est, auri Mercurio, agitur in hac thesi specialiter de objecto aurum mercurificante, nempe de Mercurio Philosophorum ejusque præparatione.

Objectum, aurum Mercurificans, seu subtilians & penetrativum reddens, nempe tincturificans, est argentum vivum currens, non vulgare quidem, sed Philosophicum, actu & motu, igne & archæo minerali vegetatum & animatum, calido innato & humido radicali, seu sulphure & sale metallico purissimo aureo exaltato, ex chalybe & antimonio arte extracto, constans,

flans, corpora metallica revivificans, sympathicè attrahens, in illa agens, ex reactione incalescens, per corium & retortam se cum arripiens, in minimis sibi uniens, a in illorum primam materiam nempe i argentum vivum ea resolvens & regenerans.

Defensio hujus Thesis.

91.
Divisio
hujus Thesis

92.
Causa
Mercurificans.

93.
Causa
Mercurificatum
coagulans.

94.
Definitio
Argenti
vivi.

UT thesis probè intelligatur, & elucidetur, duo explicanda veniunt, primum quæ Mercuriorum, deinde quæ metallorum sit natura specifica, id est, quomodo se materia metallorum in statu libero & currente secundò, quomodo se in statu à forma sua coagulato vel fixato habeat, seu ut clarius loquar, quæ sit causa materiam metallorum Mercurificans & fluidificans, & quæ sit causa materiam Mercurificatam coagulans & figens. Prius hæc, posterius sequenti thesi exponam.

Primum ergò quod attinet, nempe statum argenti vivi, sciendum est, duo circa illud considerata esse, primò ejus definitionem & differentiam, secundò ejus effectum. Definitionem sic expono: *Argentum vivum est species liquida sulphuris seu arsenici incombustibilis: vel Mercurius est vapor mineralis, antequam viscidus, crassus, in*

fus, in terra poris congelatus in liquorem homogeneum. Quæ definitiones probantur ab experientia, est enim Mercurius liquor, nam fluit, est unctuosus, hinc sulphureus, nam manus non madefacit, est incombustibilis, non enim aduritur, etsi ignem fugiat, unde apparet esse vaporem & quidem mineralem, est namque gravissimus, crassissimus & viscidus, quia globosâ rotunditate guttarum instar homogeneè sibi cohæret, vocatur aliàs humidum unctuosum, terrestre, subtile, æquâ cum terra sui generis perfectè mixtâ. Argentum vivum itaque quomodo-
 cunque sumatur, est materia mixta, constans ex quatuor elementis, prout omnia sublunaria, hæc tamen est cæteris longè fortius mixta, est enim neq; igne reliquis elementis exterminabilis & dissolubilis, licet aliqui sint, qui ejus anatomiam in partes diversas se invenisse jactitent, sed hi præcipuè errant, quod vel non cognoscant essentiam argenti vivi, quæ per *accidens* naturale in mineris sulphure arsenicali humido acido vel *dolose* 95. *Ejus facies.*
 per artē variis rebus adulteratur, & miscetur, hinc metallum quoddam minerale vel speciale compositum & mixtum vocari potest, vel non cognoscunt subiecta illa, quæ pro Mercurio discerpando ei addiderunt, Mercurium sub variis larvis rursus rejicere atque ejusmodi incautis anatomicis, imponere
 solere,

96.
Heterogenea.

solere, sciendum ergò est, quædam corpora scula heterogenea essentiam ejus ingre-
quæ non sunt de naturâ ejus, ab his ergò ab-
strahendum & heic loci tantum de argenti
vivo in seipso purè considerato, abstractè
omnibus heterogeneis agendum, præter
eundi etiam sunt nugatores illi, qui ex san-
guine, herbis, aquâ & aere Mercurium eli-
cere promittunt, quod nunquam efficient

97.
*Error illo-
rum qui
Mercuriũ
ex omnibus
rebus præ-
parare
supponunt.*

nisi casu, & per errorem illuc devenit
Mercurius enim à natura pro humido ra-
dicali metallorum, destinatus est, quorum
natura humidum incombustibile expetit, in-
gnem enim ferre debet, è contra animantia
& vegetabilia pro suo esse, combustibili gau-
dent humido, non ergò naturæ seriem con-
fundere oportet, quæ sanctissimo ordine

98.
*Distin-
guendum
inter rerũ
humidum
radicale.*

levia levibus, gravia gravibus associat, Mer-
curius ergò cum sit corpus crassissimum,
meritò mineralibus debetur. Concludo
ergo argentum vivum constare ex terra &
aqua, hujusmundi gravissima, & crassissima,
optimè invicem mixta, et tuba cta *pro humi-
do radicali metallorum à natura designata,*
sive si mavis chymicè, argentum vivum est
sal acetosum naturæ mineralis, sic definiente
Basilio & Sendivogio, aut juxta meam men-
tem, ex physica mea subterranea & ejus sup-
plemento, *argentum vivum constat ex terra
tertiæ generis, nempe ex terra jalis acidi*, unde
imbibit

imbibit sal urinosum, omneq; sulphur pesti-
 lens arripit, ut in lue venerea, peste, sublima-
 tione cum sulphure & sale videmus, cū quibus
 quandā habet analogiā, prout postea demon-
 strabitur. Nunc ad argēti vivi differentias pro-
 grediemur, ubi primò distinguendum est in-
 ter argentum vivum in actu & extra actum,
 in actu voco, cum in Mineris argentum vi-
 vum, spiritu quodam sulphureo, archæo
 minerali, igne interno, seu ut Basilii loqui-
 tur, primo mobili metallorum, imprægna-
 tum agitur, atque in coagulationem me-
 talli tendit, & tunc propriè vocatur *vivum*,
 quoniam movetur motu physico ad finem
 sui termini, qui est metallum, sed argentum
 vivum extra motum, id est, extra mineras,
 est mortuum nempè quasi sanguis extrava-
 satus, statim vita, motu, & calore privatur, ac
 proinde, nisi naturalis suus ignis vel motor
 accedat, neque se movens, neque ad finem
 metalleitatis ulterius tendens, cujus ma-
 nifestum exemplum habemus in Mercurio
 communi, qui nullam cum auro notabilem
 reactionem incipit, quoniam igne interno
 caret, at quamprimùm sulphureis subje-
 ctis ex. gr. vitriolo aut metallis sulphureis, de-
 stillatur, & tum auro jungitur, tunc statim
 motu sensibili & mechanico illud attrahit,
 resolvit, ac resolvendo reagit, istaque rea-
 ctione notabiliter calcis vivæ instar exca-
 lescit, verum si Mercurius taliter animatus,
 ante

99.

*Argenti
vivi diffe-
rentia.*

100.

*Argentum
vivum in
actu.*

101.

*Argentum
vivum ex-
tra actum.*

102.

*Argenti
vivi mo-
tus & re-
actio in
metalla,*

103.

*Ejus inca-
lescentia.*

ante reactionem cum auro, tantum per aliquot dies in aere stet, tunc amittit suum calorem, ignem, ac potentiam reagendi, & tam parum operatur, quàm communis Mercurius, ex quo clarè patet, communem Mercurium, extra actum esse, ergo aliquem in actu dari necesse est, ergò duplicis generis erunt Mercurii, unus in actu, alter extra actum. Caterum Mercurius sive in sive extra actum, triplici facie comparere solet, vel in formâ corrente, in qua reperitur in mineris, & tum vocatur Mercurius virgineus, fortè quia non adulteratus, vel in forma cinabris, junctus nempe sulphuri naturaliter, unde tale cinabrium nativum vocatur, vel in formâ arsenici aut realgatis, quæ de composita etiam ars imitatur, cum ex Mercurio & sulphure cinabrium artificiale, & ex Mercurio & salibus arsenicum artificiale, quod sublimatum vocant, præparat, amat ergò Mercurius tam sulphur quam sal, nec mirum, etsi enim hæc tria coram oculis nostris diversa appareant, levi tamen negotio ex sale communi sulphur commune, & ex hoc Mercurius currens præparari potest, in primis ex arsenico, ita ut sulphur arsenicale salis, & sulphur commune & Mercurius currens, ex uno fonte fluant, ejusdemque quasi naturæ, arsenicum enim est argentum vivum decoctum aliqualiter, argentum

104.

*Argenti
vivi tri-
plex forma
externa.
Currens.
Cinabris.
Arseni-
cum.*

105.

*Mercurius, cinabrium, arsenicum in se conver-
tibilis.*

argentum vivum est arsenicum fluidum ,
 sulphur commune participat de utroque ,
 est arsenicale & Mercuriale , non secus ut
 supra dixi sperma , semen foemineum , san-
 guis menstruus , omnia ex uno fonte san-
 guinis derivantur , neque aliter quàm deco-
 ctione specificantur ; licet , ut postea audie-
 mus non negem in mutatione Mercurij , in
 cinabrium vel arsenicum , aliquod sulphur
 intermisceatur , separabile rursus à decom-
 posito , interim tamen hoc certò statuen-
 dum , omne sulphur sive $\phi\lambda\omicron\gamma\iota\varsigma\delta\nu$ sive arseni-
 cale ; esse Mercurialis naturæ , & procedere
 ex fonte Mercurii ac tendere ad eundem , ut
 postea de Mercuriorum coagulatione ulte-
 rius audiemus. Nunc de differentia Mercurii
 ad effectum ejus properabimus , qui duplex
 est , primum in seipso exercet , alterum in me-
 tallis intendit , hinc de Mercurio Philoso-
 phorum Sendivogius ait , *quod & sibi & aliis*
sufficiat , additque signa & effectus Mer-
 curii Philosophici , discrepantia cum com-
 muni , Philosophicus enim ille Mercurius
 vocatur , qui *in actu* est , nominatur etiam
animatus , quasi viveret , cum motum
 habeat , nempe animam mineralem , talis
 ergò Mercurius i. seipsum coquit & perfi-
 cit , atque juxta gradus decoctionis in omnia
 metalla , tandem in argentum & aurum , ulti-
 mò volente artifice etiam in tincturam con-
 vertitur.

106.

*Argenti
 vivi effe-
 ctus.*

107.

*Argentum
 vivum in
 seipsum
 agit.*

108.

*Mercurius
 Philoso-
 phicus
 qualis quæ
 signa : ejus
 quinque
 effectus.*

vertitur. 2. Mercurium autem philosophicum aureum esse, & tamen non ex auro communi productum non miraberis, si antimonium fustum in Mercurium communem effuderis, atque scintillulam hujus veritatis & magnetismi inveneris & videas, disparitatem cum communi de philosophico ergo non mirum, cum nihil aliud sit, quam *verum aurum liquidum*, hinc argento illinitum & ab eo evaporatum, illud optimè deauratum cum aliàs tamen totum in igne evaporet atque omnis corporalis auri expers sit. Hinc in rosario legitur, *argentum vivum per se nil valet, cum verò mortificatur cum corpore suo occulto, tunc valet & vivit vitam incorruptibili, & hoc corpus est de natura Solis ideò necesse est, quod totum argentum vivum convertatur in substantiam solis, sicut fermentum totam pastam convertit in naturam fermenti.* Et hoc est quod Philosophi dicunt, *ignis & Azoth sufficiunt, vel si scis ignem, Mercurius tibi sufficit*, quod Mercurius communis nunquam præstat, etsi enim plurimos annos digeratur, non tamen vel metallum vel tinctura fiet, teste experientia, tum Mercurius Philosophorum non solum prædictum effectum in se exhibet, sed & in metalla potenter agit, nempe 3. resolvendo illa præsertim aurum reactione manifestâ in amalgamatione ad fervorem & excalescen-

excalescentiam usque, attenuando illa 4. ut per corium transeant & arripiendo illa 5. per retortam secum, ita ut indivisibiliter cum illo permaneant, qui sanè posteriores tres effectus perfectam metallorum attenuationem & subtiliationem per Mercurium demonstrant, quod unicè in desideriis & quæstione est. *Objicies*, esse impossibile talem Mercurium, qui hos effectus præstet, dari. *R.* autem, posse hos effectus probari experientia & ratione; nam 1. ut tantum de communi Mercurio loquar, qui licet seculum digestus per se non nisi in virulentum præcipitatum & non fixum mutaretur, nihilominus suo vero agente igne & archæo minerali penetratus paucissimo tempore in metallum primò imperfectum, deinde etiam in perfectum mutatur, adeò quòd etiam extra mineras natura adjuta arte, adhibitis tamen requisitis naturalibus vera metalla producere, atque imperfecta maturare possit, prout id singulari experimento singulis diebus demonstrare possum; ergò clarum est posse etiam communi Mercurio agens & vitam imprimi, ut animetur & moveatur motu physico, qui tendit de liquido ad solidum. 2. Porro manifestum est, aurum cum communi Mercurio amalgamari; atqui nulla datur amalgamatio sine solutione, & nulla solutio sine re-

109.

Argentum vivum commune, agente interno potest animari, ut etiam extra mineras fiat metallum

110.

Amalgamatio solutio est hæc reactione, illa effervescentia supponit,

ctione, nulla vero reactio sine effervescentia, & nulla effervescentia sine calore, ergò clarum est Mercurium quemcunque etiam communem in amalgamatione auri excalescere, licet ad tactum insensibiliter, quod fortior autem est Mercurius saleque metallico imprægnator, hoc fortius etiam aurum resolvet, & hoc fortior erit reactio ejusque effervescentia & calor, prout de Mercurio superius per vitriolum acuato demonstravi, tum clarum est, arsenicum commune metalla solvere, atqui Mercurium commune arsenicum fluidum esse superius demonstravi, ergò etiam metalla resolvet, quod manifestè in stanno & plumbo videmus, præsertim si commixta sint, quæ etiam in frigido à Mercurio resolvuntur, & exeduntur ac perforantur, ergò clarum est Mercurium metalla solvere, quicquid autem implicat, si ea solvat, cur non in virtute sua solutoria exaltari possit, ut possè jam demonstravi, sunt enim corpora quædam mineralia & decomposita ut Regulus antimonii, quæ in amalgamatione Mercurium minimè assumunt, eum respuunt, neque cum eo sociari, aut resolvi patiuntur, attamen si spiritu salis & vitrioli irrorentur ac dextra trituratione in amalgamatione tractentur, Mercurius sic fortificatur, ut subjecta hæc quasi heterogenca vincat, eaque resolvat,

III.
*Mercurius
 metalla
 solvit &
 in virtute
 suâ solu-
 toriâ au-
 geri potest.*

resolvat, ac cum illis amalgametur, quod
 evidens signum est, Mercurium in virtute
 amalgamatoria exaltari & juvari posse, er-
 gò & in qualitate resolutoria. 3. Quod ve-
 rò Mercurius Philosophorum aurum sic at-
 tenuare possit, ut cum illo corium transeat,
 etiam non impossibile est, si fortiùs & inti-
 miùs aurum solvat, quam communis Mer-
 curius, cujus amalgamatione non modò au-
 rum per corium non transit, sed & magnam
 partem Mercurii in corio secum detinet,
 quod signum est, *aurum plus in Mer-*
curium eum incrassando, quàm Mercu-
rium in aurum agere id resolvendo,
 sed maneamus pro exemp^o in Mercurio
 communi, qui, si æquali indere cum
 marcasita & plumbo fuso misceatur, &
 donec frigescat, baculo misceatur, ita
 per marcasitam in virtute solutoria auge-
 bitur, ut plumbum sic resolvat, ut non modo
 in frigido non consistat, sed & per linteum
 & corium communis Mercurii instar, totâ
 suâ substantia transeat, quid dies ad hoc?
 certum enim est plumbum esse corpus valde
 grave, tenax & crassum, neque facilè corium
 transire, certum etiam est, Mercurium odore
 plumbi plus coagulari quàm resolvi, ergò
 certum est, virtutem resolutoriam magna
 ex parte à marcasita procedere, sine hac enim
 negotium non succedit, quinimò marcasita

112.

*Metalla**cum Mer-**curio coriũ**transeunt.*

113.

Experi-
mentum.

antimonio ac aliis metallis colliquefacta omnia illa, etiam alias Mercurii consortium abhorrentia, cum ipso unit, molliſſimū amalgama producit. Dixi paulò ante, vim reſolutoriā ex parte ex marcasita prodire, quoniā ipſum plumbum multum ad hanc ſolutionem facit, ſola enim marcasita ſine plumbo non tranſit cum Mercurio per corium, ſicut plumbum non ſine marcasita, & quod magis mirum, ubi corium omnia tria (Mercurius, marcasita & plumbum) tranſierint, aliquot dierum ſpatio, potior marcasitæ pars ad ſuperficiem ejicitur, manente plumbo perpetuum fluido, haud aliter ac fermentum cereviſiam fermentat, & finita fermentatione ad ſuperficiem ejicitur, porrò ſi cum plumbo particulam cujuſcunq; metalli vel Reguli antimonij liquefeceris & poſtmodum cum marcasita & Mercurio prædicto modo tractaveris, plumbum quidem in Mercurium reſolvetur, & per corium tranſibit, ſed admixtum metallum ad granum uſque ſeparabitur, & in corio manebit, ergò clarum eſt, *quædam metalla eſſe magis ſolubilia, quædam minus*, prout poſtea demonſtrabimus, cum de metallis eorumque cauſis mercurificationem impredientibus agemus; ſed & hoc evincitur, *eſſe quoddam aliud minerale fortioris ſalis & purioris quàm marcasita, cujuſ ope additoque loco plumbi argento, Mercurium taliter acui poſſe, ut ipſum aurum ſic reſolvat, & attenuet,*

nuet, ut cum Mercurio sicut plumbum corium transeat, dico non implicare, cum talis implicantiæ non possit dari ratio vel contraria experientia, tam enim difficile est, ut plumbum corium transeat, quàm aurum, & si datur modus attenuandi plumbum, certè etiam auro non negabitur, quod multò purius ac extensibilius plumbo est, prout in utriusque foliatione apparet. 4. Quod Mercurius Philosophorum aurum secum per retortam ferat, atque sic indivisibiliter cum illo misceatur, id est, quod aurum essentialiter emolliat, atque verè mercurificet, tam parum mirum quàm quod aqua fervens glaciem dissolvat, cum Mercurius communis tanquam aqua frigida respectu Mercurii Philosophici, si vel modice juvetur atq; acuetur, simile quiddā præstet, sed majorem sui quantitatem, tempus majus, & operationem operosam desiderat, clarum enim est, levi negotio, mediante Mercurio & sulphure communi, ex omnibus metallis, ex ipso etiam auro cinabrium preparari posse, ita enim Mercurius per sulphur in potestate sua volatilificatoria, exaltatur & augetur, ut gravissima quæque corpora in sublimatione secum elevet, præsertim si corpora taliter cinabrisanda & elevanda aquis vel salibus corrosivis & penetrantibus prius disponantur, ut citius eleventur, sic enim maximam partem cum Mercurio sublimabuntur, ac in cinabrium converten-

114.

*Mercurius
aurum per
retortam
elevat.*

tur, cinabrium verò levi negotio revivificari
 posse experientia docet, neque opus est
 multum protestari super volatilisatione auri
 per Mercurium, plus quam vellent, sæpè ex-
 periuntur pauperes Alchymistæ, Mercurium
 furem esse, at nesciunt illum, si capiatur, fur-
 tum hoc cum lucro rependere. Si ergò, ut ex
 ante dictis hætenus claruit, communis Mer-
 curius in eum statum produci potest, ut præ-
 fatos essentiales effectus Mercurij Philoso-
 phorum particulariter tamen præstet, ergò
 de ipso Mercurio Philosophorum planè non
 dubitandum erit, quod vel non dari, vel ta-
 les effectus non edere possit. *Objicies*, Mer-
 curium Philosophorum non dari à natura,
 ergò etiam non per artem, non autem dari
 per naturam, experientia docet, nam nun-
 quam talis Mercurius in mineris repertus
 est, qui hæc suapte præstet: Ad quod & ne-
 gando primò consequentiam, multa enim
 arte facta dantur, ut sapo, vitrum, orichalcum
 &c. quæ à natura non dantur, deinde nego
 subsumptum, non dari à natura Mercurium
 in actu, nam si talis non daretur, etiam nulla
 producerentur metalla, sed posterius repu-
 gnat experientiæ & rationi, ergò, & prius
 etiam autopsia constat, agens metallorum
 in mineris esse calidum, æstuant enim antra
 fodinarum non rarò præ calore sicut bal-
 nea, docent enim lapides etiam opacissimi
 & solidissimi ac durissimi se esse Mercurio
 pene-

115.

*A natura
 ad artem
 non valet
 consequen-
 tia.*

116.

*Datur
 Mercurius
 Philoso-
 phorum à
 natura.*

penetratos, multò subtilius quàm per corium, in medio enim illorum aurum finissimum reperiri ut dixi, autopsia docet, tum agens illud minerale Mercuriale, metalla, ipsum etiam aurum resolvere ac volatilifare in mineris experientia docet, adeò ut ubi ante centum annos metallum fuit, jam nullum, & ubi nullum metallum, jam metallum reperiesset, sicut omnes desideratas qualitates Mercurii in mineris invenies, at quod actu Mercurius currens ibi reperiatur, qui has qualitates habeat, fateor rarissime contingere, 117.
Sed actu
rarò invenitur cur? natura enim cum Mercurium eò perduxit, atque anima minerali instruxit, non sinit ipsum diu otari, sed quasi in momento ipsum constringit in *massam metallorum proximam, quam Philosophi materiam secundam, & chaos vel rudimentum metallorum, electrum seu primum metallum vocant*, unde postmodum varias metallorum species induit, donec ad auri decoctionem veniat, de hoc metallo primo Helmont ait, *Metallus primus seu masculus, ab indole metallica necessario vestitur Mercurio & sulphure metallicis*, sed de hoc postea plus, ubi de metallis agam, hoc loco id tantum inferre volo, non sequi, quod in quibuscunque mineris metallum aliquod reperitur, in his etiam debere Mercurium currentem reperiri, neque etiam metallum primum; sed sufficit quiddam simile

simile seu analogum , nempe in omnibus mineris aliquid Mercuriale, arsenicale, antimoniale, vel sulphureum reperiri, ex quibus omnibus vel singulis, arte nimirum, metallorum agens, nempe Mercurium animatum elici posse, experientia docet. *Objicies*, si in his immaturis mineralibus esset vis quædam agens mineralis , tum illa tenderent suapte natura & proprio motu ad finem suæ perfectionis, nempe ad statum aureitatis, sed compertum est , illa etiam arte adjuta , neque longissimâ etiam digestionem vel grænum meliorari, ad quæ & hæc nihil inferre , quemadmodum enim immatura uva, abscerpta à vite , etsi quocunque calore digeratur, non maturatur, quia præscissa est à vite & trunco, unde influit agens seu ignis naturæ, nempe humor quidam alimentitius, qui uvam perficit & maturat , adjutus solis calore, nam *solus calor nisi agat in debito humido, non sufficit ad maturationem*, ita minera excerpta ex monte, præscissa & privata est, omni ulterius influvio Mercuriali, requisito ad ulteriorem maturationem , hinc non mirum, quod *solus calor instrumentalis, non sufficiat ad talis minere maturationem extra mineras* , sed requiratur etiam humiditas Mercurialis, id est, Mercurius activus, proprio calore instructus, neq; tamen omnimodè arti via præclusa est , ejusmodi

118.

Ignis natura seu mineralis præsentia immatura metalla perficit, absens in statu imperfecto relinquit.

modi mineras, etiam extra fodinas maturan-
 di, modo ignem adhibeant naturæ, certè solo
 communi sulphure, & Mercurio, scio omnes
 mineras & metalla, etiam fusionem jam passa,
 sic maturare, ac ulterius coquere, ut val-
 de notabilem copiam argenti & auri re-
 linquant, idque exiguo tempore, sulphure
 & Mercurio nec purificato neque bene
 juncto, sed ut sic loquar, crasso modo appli-
 cato, quid ergò faciet Mercurius Philoso-
 phorum? tanto sale, tanto sulphure, seu tanto
 humido, & tanto igne abundans? sed pro-
 peremus ad finem hujus thesis nempe ad
 objectum Mercurificans, seu Mercurium
 Philosophorum, quem dixi constare ex
 purissimo sale metallico, & sulphure aureo
 embryonali, non moveantur hic Alchymistæ,
 qui sub vocabulo salis, sibi communem for-
 mæ salis imaginantur, non attendendo, quod
 sal metallorum, sub specie metalli veri com-
 pareat, certè antimonium & marcasita sunt
 corpora prorsus sale metallico constantia,
 quod patet ex illorum vi resolutive, atque
 effectū salino, & tamen non apparent sub for-
 mæ salis, quod etiam de sulphure intelligen-
 dum metallico, nam sicut omnis Mercurius
 metallorum est verum metallum, ita omne
 sal metallicum est verum metallum, nam
 Mercurius, sal, & sulphur sunt idem substan-
 tiæ, sed diversaratione coctionis, intensio-
 nis & con-

119.

Experi-
mentummaturandi
metalla.

120.

Vnde Mer-
curius Phi-
losophorum
constet?

121.

Sal metal-
lorum est
metalli-
cum.

122.
*Metallorū
 sal & sul-
 phur hu-
 midum
 radicale &
 calidum
 innatum.
 Anima,
 spiritus,
 corpus.*

123.
*Differen-
 tia inter
 Mercuriū
 commu-
 nem &
 Philoso-
 phorum.*

124.
*Agens, a-
 nima seu
 vitā mine-
 ralis, cui
 corpori re-
 suscitando
 plus com-
 petat.*

& conjunctionis, sulphur est metallorum calidum innatum, sal est metallorum humidum radicale, Mercurius est calidum innatum & humidum radicale conjunctum, seu sulphur est anima, sal est spiritus, Mercurius est corpus & vinculum, in quo anima & spiritus habitant & ligantur, vides ergò compositionem Mercurii sophici, & in quo differat à Mercurio communi, nempe quod is se habeat ut corpus mortuum exanimē, expirans, vel ad minimum agonizans, in quod defectu spiritus vitalis & animæ, quodlibet malignum sulphur irrumpit, non secus ac in corpus humanum, quamprimum id vitā carere incipit, putrefactio corruptiva intrat, prout autem si quis in potestate sua animam ponendi haberet, nulli corpori convenientius communicare, & resuscitare posset, quàm illud, ex quo paucò antè, expiravit, & quod jam animæ dispositiones & operationes expertum est, ita sane anima metallorum nulli subjecto convenientius communicari potest, quàm argento vivo communi, vel argento vivo in metallis, quod jam virtutem hujus animæ mineralis in digestionē, coctionē & coagulationē sui expertum est, hinc argentum vivum metallorum semper communi coctius est & digestius, taceo quod per animam seu ignē mineralē in metallis quiescens vita

vita & spiritus, quasi coagulata & sigillata denuò resuscitentur, atque in motum deducantur: Sed *objicies* hunc ignem minerali non dari, aut ab arte applicari posse, vel enim quærendus erit in mineris, vel extra mineras in mineralibus, at nullibi horum locorum reperiri potest, ergò arte tractari nequit, putas te minorem probare, cum dicis, ignem hunc in mineris reperiri non posse, multò minùs extra mineras in metallis, si enim solum in mineris reperiretur, tum omnes Philosophi ex fodinis suam materiam eruere, imò in ipsis mineris & fodinis laborare debuissent, cum extra mineras ignis hic mineralis cesset, nam si non cessaret, mineralia etiam hoc igne referta extra mineras perficerentur, sed prius est absurdum & posterius experientiâ refutatur, ergò, neque in mineris, neque extra mineras hic ignis reperiri potest, ita ut ad designatum finem, nempe metalla revivificandi, atque in actum maturationis deducendi prosit. & distinguendum esse inter animam inhabitantem & animam operantem, potest enim inhabitare anima corpus quoddam sine operatione suarum facultatum ex. gr. in infante, anima nec loquitur, nec intelligit, nec ratiocinatur, in surdo non audit, in cæco non videt, in paralytico non sentit, idque ob instrumenta & materias

125.
*Distin-
 guendum
 inter ani-
 mam in-
 habitantē
 & inter
 animam
 operan-
 tem.*

opposi-

oppositas, quibus impeditur in operatione sua; interim tamen negandum non est, in infante, cæco, surdo, paralytico, æque

126.

Anima seu ignis mineralis in multis subiectis mineralibus latet & eff, sed non agit & impeditur in actione sua. perfectam animam, ac in aliis corporibus, in quibus plenè anima suas facultates exercet, habitare: sic in argento vivo communi in marcasita, antimonio, plumbo, stanno, cupro, ferro &c. æque est ignis mineralis, ac in ipsis mineris, sed partim debilis, partim impeditus, partim vitiatus à subiecti corporis materia, sulphure puta vel arsenico impuro immaturo, imperfectè cocto, quod vitium quidem in mineris superaret longo tempore & accedentibus continuis influviis novi ignis, ante tempus verò ex mineris excerpto metallo, isto gradu decoctionis heret, quo metallico-læ manus ipsum eruit. Non aliter ac granum tritici in granario ignem suum continet, sed quiescentem & ulterius non operantem, quippe sigillatum, donec ab igne naturæ, qui in humido terre latet, si ei granum tritici committatur, resuscitetur, & revivificetur, tum enim ignis internus occultus tritici actum incipit, excalescit, atque in cymas excrefcit, quod sine resuscitatione sui ignis nunquam faceret. sic metallorum & mineralium ignis manifestatur, si impedimenta ei demantur, quæ illum impediunt, constringunt, atque sopiunt, hinc

127.

Proinde liberandus & resuscitandus.

scitè

scitè periti metallicolæ, omnia mineralia & metalla in duas classes distinguunt, vocantque unam **ein wachend Metall** / quod ^{128.} *Metalla in duas clas-* nempe in actu decoctionis est, alteram nominant **ein schlaffend Metall** / quod ^{ses distin-} *guuntur.* nempe extra actum est, & impeditur. *Inter-* *rogabis* porrò, dato quòd ignis mineralis ex mineralibus vel metallis elici, atque in actum deduci possit, in quibus metallis is potissimùm lateret, aut eruendus esset. Dico, quòd sicut perfectio alicujus animæ appareat nobis ex facultatibus ejus, in corpore cætera præcellentibus, ita etiam intensio ignis seu sulphuris & subtilitas aquæ seu salis mineralis, ex corporibus mineralibus eorumque effectibus cognosci potest, quibus reliquis excellentior inest, at inter omnia metalla & mineralia nullum reperitur, quod calidius sit, aуреoque sulphuri vicinius & universalius quàm ferrum, quod patet ex calcinatione tartari cum Regulo Antimonii Martialis in occluso, ubi sic incalescit, ut ^{129.} *Agens igneum in* massa hæc pulverisata sic siccissima, omne *ferro.* combustibile sine ullo igne incendat & consumat. Item ex reactione ferri in aqua forti, ex combustionem in igne, & si cum auro lique scat, absorptione, ex attritu ejectis igneis scintillis, ex vicinitate cum auro, ejusque exaltatione, est enim Solis & Martis domus communis *aries*, ex universali

versali diffusionē & magnetismo Mar-
 tiali per universum orbem, à polo ar-
 ctico ad antarcticum, omnis enim limus
 lapis & glarea potentiale sulphur ferri, test
 experimento in supplemento ad physicam
 meam subterraneam habet, sulphur verò
 ferri & auri unum esse in potentia, experi-
 mentum probat, quo sulphur Martis omne
 auri probas sustinet, illud nempe, quod
 præmissa calcinatione & extractione fa-
 cili negotio in perfectum aurum transit
 quæ & similes plures communes affectio-
 nes ferri cum auro, cum sulphure, cum
 magnete, cum calore, indicant *in chalybe
 latere verum ignem mineralem, primum mo-
 bile metallorum, seu embryonale sulphur
 aureum, quod Mercurium communem anti-
 mat & in actum deducit.* Quod verò sa-
 resolutivum metallorum, seu humidum
 radicale metallorum attinet, dico illud in
 antimonio excellere, nullum enim est mine-
 rale, quod omnem limum, glaream, lapidem
 & metalla, ipsum etiam aurum sic resolvat,
 quàm antimonium, *nullum* omnium metal-
 lorum & mineralium tam tenuiter, imò
 tenuius, quàm spiritus vini fluit, ac anti-
 monium, unde à Typothetis in fusione li-
 terarum adhibetur, *nullum* denique est
 minerale sulphuris Martialis sic appetens
 quàm antimonium, unde illud aquæ instar
 resolvit.

130.
*Sal resol-
 solvens in
 antimonio.*

resolvit, mixtumque facit, quod *Regulum*
 vocant, & denique *nihil* est quod ferrum at-
 trahit, præterquam magnes, at; magnetem,
 magnesiã, arsenicum, antimonium ejus-
 dem generis esse vel similis eff. Etus de-
 monstrat, in dealbatione & clarificatione
 vitrorum, prout vitriarii norunt, attrahit
 enim ad se semen & sulphur ferri, quod in si-
 licibus vel arena latet ac universaliter disse-
 minatum est; unde vitra tinguntur colore
 ingrato, quæ proinde subjectis his ar-
 senicalibus clarificantur; *nihil* tandem est
 quod aurum sic purificet & exaltet quàm
 antimonium, concludo ergò finaliter hunc
 articulum de ingredientibus Mercurii
 philosophici, nempe in *Marte latere metallo-
 rum ignem, sulphur, calidum innatum, illo-
 rum verò humidum radicale; & sal resolvers*
in antimonio esse, hæc duo conjungi vinculo
 & incorporari in communi argento vivo,
 esseque illa duo in *Mercurio unum*, talem
 verò Mercurium fieri vivum, animatum,
 resuscitantem, emollientem, aurum deniq;
 subtiliantem, penetrativum reddentem, in-
 timè solventem, atque in Mercurium, nem-
 pe in formam inchoatam lapidis deducen-
 tem.

131.

*Mixtura**salis &**sulphuris**metallici**in regulo**antimonii.*

132.

*Mixtura**Mercurii**Philosophi-**ci.*

T H E S I S VI.


De subiecto Mercurificabili , nempe
de auro & reliquis metallis , eorumque
prævia præparatione in ordine ad mer-
curificationem.

Subiectum Mercurificabile seu subtiliandum,
est aurum & argentum , & hac occasione
omne metallum , in Mercurium reduci-
bile , cuius vis coagulans resolvi debet ,
quæ vel à sulphure combustibili vel
arsenicali vel fixo constat , hinc tres
viæ sunt ad Mercurificationem , seu
liquidificationem juxta præfatos tres
gradus metallicæ soliditatis , primi duo
sine Mercurio , tertius verò gradus absq̃
Mercurio difficulter emolliiri potest , pri-
mus gradus nempe CONSISTENTIÆ
per separationem sulphuris adustibilis , se-
cundus gradus COAGULATIONIS
per sulphuris arsenicalis resolutionem ;
tertius gradus FIXATIONIS per sulphu-
ris decocti emollitionē revivificandus est. 1.
Separatio sulphuris adustibilis fit per sub-
jecta sive metalla sive salia sive terras à
sulphure communi reactionem suscipien-
tes. 2. Resolutio sulphuris arsenicalis fit per
sal quoddam inter fixum & volatile me-
dium ,

dium, quod sulphur arsenicale nec figit, nec volatilizat, sed illud resolvendo Mercurium metalli liberat, tale sal oritur ex reactione alcali & salis urinosi, ex qua reactione terra fixa alcali precipitatur, & urinosum separatur coeunte sale quodam tertio inter alcali & urinosum medio, quod tamen utriusque est natura, salina & sulphurea, nempe saponata, quod quidam alcali volatile vocant, seu pinguedinem fixam volatilifatam, cui sali medio seu alcali volatili metalla conjungenda, atque sic Mercurificanda sunt, qua ratione etiam Mercurius desideratus ex Marte & Antimonio preparatur. 3. Sulphuris fixi emollitio fit per Mercurium Martis & Antimonii successive, aurum tamen ex hoc Mercurio factum facilius emollitur, quam commune, quod quidem etiam habilitatione levioris amalgamationis, sublimationis, & fusibilitatis ad emollitionem Mercurialem pro lucrando tempore faciliteri & disponi potest.

Defensio hujus Thesis.

HActenus de Mercurio Philosophorum, nempe de objecto, aurum aliaque metalla mercurificante, ejusque conditionibus egimus, nunc restat, ut de subjecto mercurificabili

rificabili nempe de auro reliquisque metallis agamus, idque rursus duplici consideratione, primò quæ sit vis coagulans metallorum, deinde quomodo ista vis coagulans, in quantum possibile, infringatur, ne objecto mercurificanti resistat, id est, ut *subiectum* vel *passivum* dirigatur, ad *objectum* nempe *activum*, cum igitur hæctenus de *objecti activi* natura, nempe Mercurii Philosophorum, & effectu, nec non ejus qualitatis mercurificantis intensiōe & fortificatione egerim, necessariò etiam nonnulla de subiecti passivi nempe metallorum natura & effectu, nec non illorum qualitatis coagulantis relaxatione & debilitatione proferam, sicut enim non sufficit,  magnetem robores, seu, ut vocant, armes, quo pronus ad attrahendum reddatur, inque facultate sua tractoria augeatur, nisi interim etiam ferreum vel chalybeum clavum muro infixum taliter liberes & resolvas, ut attrahentem magnetem sequi possit, ita non sufficit ut Mercurium animes, atque in facultate sua Mercurificante augeas, nisi etiam metalla ut subiecta Mercurificabilia, sic à causa sua coagulante & figente liberes, ut objecto Mercurificanti obedire, in ejusque naturam liberè transire queant, scio te statim sub initium hujus disceptationis interlocuturum & *objecturum*, metalla in Mercurium

133.

*Requiritur
dispositio
passivi ad-
activum
nempe
mercurifi-
candi me-
talli ad
mercurifi-
cationem.*

curium reduci posse sine Mercurio, ergò non opus esse Mercurio ad Mercurificationem. & autem ad hanc objectionem, ubi prius nonnulla de metallorum coagulatione præmiserò, scias itaque omnia metalla ex argento vivo constare, ut præcedente thesi secundâ demonstravi, si quid plus contineant, illud est heterogeneum, puta lapides, glareas, aliaque, illud verò argentum vivum metallorum propriam suam causam coagulantem, nempe ignem seu sulphur in se continet, qui movetur & excitatur motu externo elementorum, atque ita quod in se continet argentum vivum perficit & coagulat sine alia substantia vel re, quod clarè docet Bernardus Comes Trevisanus Philosophus excellentissimus, cum scribit, *Videamus, quomodo naturaliter fiant metalla, composita ex quatuor elementis, ut Mercurius, quæ elementa si moveantur, calefaciunt Mercurium, & Mercurius per hunc motum, naturalem calorem accipit, & ita ignis, qui inest Mercurio, cum aere movetur, & paulatim excitatur, quia sunt aqua vel terra digniora elementa, sed tamen humiditas dominatur in Mercurio, & capit motum ignis & caloris. Cui ad stipulatur Geber Philosophorum princeps, cum ait, In profundo Mercurii est sulphur, quod coquit & perficit illum longâ morâ in venis*

134.

*Causa
coagula-
tionis me-
tallorum
provenit
ex sulphu-
re argenti
vivi.*

minerarum terra, & de Mercurio activo vel Philosophorū confirmat Marienes sequentia, in nostro Mercurio est sulphur fixum, & incombustibile, quod nostrum opus perficit sine alia substantia vel re, nostrum enim argentum vivum in profundo habet suum sulphur fixum & incombustibile Mercuriale, & per illud sulphur fiunt diversi colores metallici (sc. juxta gradus decoctionis) & quando illud sulphur excitatur, tunc coquit & temperat qualitates humidas & frigidas, & dominatur perpetua constantia illis. Ergo ut ad propositum veniamus, dico, motum naturæ physicum in omni generatione tendere de liquido ad solidum, sic in mari generantur pisces, omne semen animalium de liquido tendit ad solidum, omnis aqua pluvialis terræ commissa, ex liquida fit in fructibus solida, sic etiam Mercurius tendit de liquiditate in coagulationem & fixationem, cujus coagulationis & fixitatis causam & radicem in se ipso continet, tendit nempe omnis Mercurius ad statum sulphureitatis, quod ex sola digestionem Mercurii communis videmus, qui sine ulla alia materia vel re, se in pulverem præcipitat siccissimum, verum sicut tres sunt gradus soliditatis, nempe consistentia, coagulatio & fixatio, sic etiam tres sunt materiales gradus sulphuris, primus est sulphureus, volatilis, & comby-

135.

*Argentum vivum
pondit de liquiditate
in soliditatem.*

136.

*Tres gradus soliditatis.
Tres gradus sulphuris.*

combustibilis, *alter* arsenicalis mediocriter
 ignem ferens & tardè combustibilis, *tertius* Tres gra-
 est metallicus, fixus & incombustibilis, *latus* dus coagu-
 hinc etiam tres gradus coagulationis ar- *argenti*
 genti vivi in mineris, primo gradu Mer *vivi in*
 curius sulphur combustibile ex se dejicit, *mineris.*
 mediante quo *forma solida* consistit, sed vo- 137.
 latilis, combustibilis, nec ignem ferens, ut *Consisten-*
 videmus in cinabrio, altero gradu Mercu- *tia argenti*
 rius sulphur arsenicale ex se digerit, median- *vivi in ci-*
 te quo coagulatur *coagulatione fusili*, fert- 138.
 que aliquantum taliter ignem, repræsentat- *Coagulatio*
 que metallum varium, juxta diversos gradus *argenti*
 depurationis & coagulationis, istius sul- *vivi in*
 phuris arsenicalis, tertio gradu Mercurius *metallis*
 sat depuratus suâ substantia decoquitur & *imperfe-*
 alteratur in sulphur purum, grave album 139.
 vel citrinum, *fixum*, quod argentum & au- *Fixatio ar-*
 rum vocant, sunt ergò tres species minera- *genti vivi*
 lium, *prima*, ubi illorum argentum vivum *in metalli*
 tantum consistit mediante sulphure adusti- *fixum.*
 bili, ut in cinabrio, *alterâ*, ubi cum sulphure 140.
 adustibili convenit sulphur arsenicale magis *Tres spe-*
 digestû, quod argentum vivum coagulat, sed *cies mine-*
 ignem fugit, ut in antimonio, marcasita, *ralium.*
 zinckio, vel ubi sine sulphure adustibili, so-
 lum est sulphur arsenicale, quod argentum
 vivum sat tenaciter coagulatum & fusile in
 igne tenet, ut sunt quatuor metalla, plum-
 bum, stannum, cuprum, ferrum; *tertia*, ubi

totum argentum vivum perfectâ decoctione decoquitur in purum sulphur fixum, album, vel rubeum, nempe argentum vel aurum, quæ duo metalla proinde sunt homogenea, neque ex diversis partibus, prout reliqua metalla & mineralia constant. Ex his prædictis facilè patet, quod methodus metalla & mineralia mercurificandi non sit una eademque sed triplex, juxta triplicem gradum soliditatis, nempe consistentiæ, coagulationis & fixitatis, *aliter* enim argentum vivum in cinabrio, sulphure adustibili constrictum, *aliter* argentum vivum in metallis sulphure arsenicali coagulatum, *aliter* argentum vivum in argento & auro perfectâ decoctione in substantiam sulphuris reductum & alteratum revificatur, nunc ut ad dilutionem objectionis præmemoratae veniam, dico quod primæ duæ classes vel species, nempe quæ sulphure adustibili & arsenicali constricta & coagulata sunt, sine Mercurio possint revificari, verùm quod ultimam classem concernit, nempe argentum & aurum, in quibus argentum vivum perfectâ decoctione in sulphur figitur, & purum totâ suâ substantiâ alteratum & conversum est, dico vix posse fieri mercurificationem sine Mercurio, sic dictante methodo spagyrica, quæ clarè docet, *quæ per juxtapositionem sulphuris constricta sunt, illa per*

141.

Methodus metalla mercurificandi non est una sed triplex.

142.

Axioma a methodo mercurificatoria.

per separationem simplicem, quæ per sulphur arsenicale coagulata, illa per sulphuris istius resolutionem & separationem, quæ verò decoctione fixata sunt, illa per istius fixationis & decoctionis emollitionem & redincrudationem liberanda & revificanda esse, indurationi enim emollitio, decoctioni redincrudatio, coagulationi resolutio, juxtapositioni separatio opponitur, hinc etiam videmus juxta hanc methodum mercurificationem optimè in praxi succedere, & quidem primo in revificatione cinabrij sive nativi sive artificialis, statim Mercurius revificatur, quam primùm sulphur adustibile ab eo separatur, quod contingit per omnia illa subiecta, quæ sulphur retinent & Mercurium dimittunt, ut sunt calx viva, sal tartari vel lixivium, acetum, plumbum, argentum, regulus antimonij, his enim permixtum cinabrium, sulphur adhæc subiecta deponit, Mercuriumque in forma liquida dimittit; Secundò videmus Salia Mercurio fortius adhærere in sublimato quam sulphura in cinabrio, hinc difficilius separantur, fit tamen separatio per talia subiecta, in quæ Salia agunt, istaque reactione Mercurium vivum dimittunt, ut sunt oleum tartari, rasura plumbi ferri, argenti, reguli antimonij, quibus sublimati mixtum dividi, parsque Mercurialis liberari

E 5 potest,

143.

Revificatio
cinabrij.

144.

Revificatio
sublimati.

145.
*Revivificatio
arsenici.*

146.
*Sulphur
arsenicale
tenaciter
metallis
adhaeret.*

147.
*Arsenicum
Luna.*

potest, salia autem omnia, praesertim commune & vitrioli arsenicalia esse, alibi demonstravi, & postea demonstrabo in preparatione arsenici, argenti, & plumbi, quo fixiora & metallica ergò hæc sulphura sunt, hoc tenacius argento vivo communi & metallorum etiam adhærent, ita ut ignem fusionis planè sustineant, sicut in imperfectis metallis, plumbo, cupro &c. in marcasita, & antimonio videmus, quæ plurima, ex parte ex Arsenica cōstant, ut forma illorum in sublimatione florum, arsenicum repræsentet album & naturale, interim tamen fusionem sustinent, metallumq; liquatū referunt, difficillimè ab igne fugiunt, & non nisi successively evaporante illorum arsenico cum Mercurio, atque ad cameras vel officina fornacum in forma salini & cristallini arsenici, concrecente, in quò argentum vivum esse experientia docet, clarè ergò liquet sulphur arsenicale pro dispositione sua Mercurium coagulare, figere, & volatilizare, atque ægerrimè à substantia Mercuriali divelli, exemplum hujus habemus in argento communi fixo, quod solutum in aqua forti & sale communi præcipitatum, sulphur salis arsenicale tam tenaciter arripit, ac mixtum exinde format (lunam cornuam vocant) quod nulla ablutione vel edulcoratione ab hoc sulphure arsenicali liberari potest, quin non in igne potior argenti pars cum illo

illo avolet , & si in sublimatione capiatur,
 perfectum arsenicum repræsentat , quod
 utcumque coquas , extrahas , præcipites,
 sanè argentum tuum ægrè , & non nisi cum
 magno dispendio ad pristinum statum re-
 duceres , ex quibus hoc infero , quod *coagula-*
tio Mercurii per sulphur arsenicale sit mul-
tò fortior , quam in cinabrio , per sulphur
adustibile , ideòque fortiozem resolutio-
 nem requirat , cum duplici separatione , ^{148.} *Duplex*
 ejusmodi enim metalla imperfecta , ut an- *sulphur*
 timonium plumbum , cuprum , ferrum , *coagulans,*
 stannum primò sulphur aliquod adustibile , ut *adustibile*
 in cinabrio habent , quod separari debet , via *& arseni-*
 in cinabrij revificatione usurpata , nempe *cale, utri-*
 vel coctione in forti lixivio vel sublima- *usque re-*
 tione super ista corpora , quæ sulphur *solutio.*
 adustibile retinent , deinde etsi hoc sul-
 phur adustibile , imò etiam ipsum sulphur
 arsenicale resolutum sit , nihilominus Mer-
 curii liberati separatio & revificatio in- ^{149.} *Et Mer-*
 stituenda est , ut postea docebo , imagi *curii reso-*
 nare ergò tibi , quod metalla imperfecta *luti libe-*
 & mineralia omnia , tria sulphura contine- *ratio.*
 ant , unum adustibile commune (ut in anti-
 monio videmus , ex quo extrahitur sulphur
 ardens copiosum , sic ex ferro , sic ex stanno
 imò sulphur commune cum ipso argento
 liquefit , sub specie metallica , & tamen no-
 bis extra apparet sub forma gummi) alte-
 rum

150.
Sulphur
Φλογισ-
τον.

151.
Sulphur
arsenicale.

152.
Sulphur
aureum.

153.
Argentum
vivum per
hanc sul-
phura coa-
gulatum,
contrahit
dispositio-
nem fixam
majoremq;
acquirat
coctionem.

154.
Sulphure
embryona-
li aureo,
argentum
vivum
metallorū,
non spoli-
andum est.

rum arsenicale (ut rursus videmus in anti-
monio, quod etsi sulphure communi φλογισ-
sit liberatum, tamen adhuc coagulatum est,
albosque arsenicales flores in sublima-
tione dat, sic ex stanno, cupro, plumbo, imò
arsenicum commune cum metallis lique-
fit sub specie metallica & tamen foris nobis
apparet sub forma salina) tertium est au-
reum potentia fixum latens in Mercurio
liberato, Mercurius enim coagulatus per
sulphur arsenicale contrahit majorem calo-
rem & coctionem ob ignis affinitatem,
sicut ferrum per se frigidum calefcit propè
ignem positum, hoc rursus videmus in
Mercuriiis antimonii, ferri, cupri, plumbi,
stanni, qui omnes intus aureâ essentiâ &
sulphure pleni sunt, atque illo non spolian-
di, sed potius in illa qualitate augendi, si
enim hoc igne vel sulphure interno pri-
varentur, æque parùm valerent, ac commu-
nis Mercurius, quod *benè notandum*, nec
mirandum, si non omnes Mercurii metallici
effectui desiderato respondeant, cum error
ex hoc, quod dixi, proveniat, qua itaque
ratione sulphur primum nempe adustibile à
corporibus separandum sit, clarè demon-
stravi; nunc sulphur arsenicale restat, quod
quia tenacius adhæret, etiam ejus resolu-
tioni tenacioribus remediis obsistendum, si
enim tale metallum vel minerale, cujus
Mercuri-

Mercurius, sulphure arsenicali coagulatur
 cum subjectis fixis, ut calce viva, alcalibus,
 corrosivis spiritibus tractes, plus figetur
 sulphur arsenicale quàm resolvetur, *omnia*
enim ejusmodi subjecta fixa, teste experientiâ
arsenicum figunt; at quò plus hoc figitur,
 hoc fortius etiam figit suum argentum vi-
 vum, ergò metallum plus coagulat quàm fi-
 git, si verò *volatilibus & volatilifantibus*
 subjectis uti velis, elevabis quidem Mercu-
 rium metallorum, sed simul cum illo arse-
 nicum. Sed quid prodest captivo, si illum
 ex imo turris ad summum tectum ducas
 non relaxatis compedibus, requiritur ergò
objectum in arsenicum metallorum reagens,
quod sit arsenicale, liquidum resolvens &
Mercurium in libero statu relinquens. Arse-
 nicale esse debet, nam nulla natura tam fa-
 cile aliam ingreditur quàm propriam; *liqui-*
dum, liquida enim faciliùs operantur in so-
 lida; *resolvens,* coagulationi enim sulphu-
 ris arsenicalis opponitur ejusdem resolutio,
 Mercurium in libero statu relinquens,
 nempe ne figatur, hinc certum est sulphur
 arsenicale quoque nec figi, nec volatilifari,
 sed in proprio statu relinqui debere, nam si
figeretur, tunc figeret etiam Mercurium
 suum, *si volatilifaretur,* tum simul etiam
 Mercurius ascenderet, quod manifestè vi-
 demus in antimonio, si enim id per sal
 alcali

155.
 Sulphur
 arsenicale
 resolu-
 tur, non
 coagule-
 tur, hinc
 vitanda
 fixa.
 Et volati-
 lia.

156.
 Cujus
 qualitatis
 objectum
 esse debeat
 quod sul-
 phur arse-
 nicalere-
 solvit.

157.
 Sulphur
 arsenicale
 in libero
 statu re-
 linquendū.

158.
*Experimentum
 circa anti-
 monium.*

159.
*Sulphur
 auratum
 quid?*

160.
*Mercurius
 vita, quid?*

161.
*Natura
 arsenici
 duplex.*

alkali solvatur vel fundatur, tunc figitur simul arsenicum & Mercurius antimonii cum isto alkali, & permanent fixa; si vero per sublimationem, vel sal aut vitriolum imò per se sublimetur, tunc ascendit simul & arsenicum & Mercurius antimonii, adeoque utcunque instituatur analysi antimonii, semper arsenicum & Mercurium antimonii simul invenes, nam quod *sulphur auratum* antimonii vocant, hoc si fundas & reducas, idem erit antimonium, nempe arsenicum & Mercurius antimonii, & quod *Mercurium vita* vocant, nihil aliud est, nisi sublimatum arsenicum & Mercurius antimonii, separato sulphure adustibili, quale autem sit *subiectum arsenicale liquidum*, in arsenicum agens, & Mercurium non alterans, imò illum ab arsenico liberans & volatilisans, quoque considerandum venit, claret autem ex natura arsenici, illud esse naturæ saponatæ, nempe salinæ & sulphuræ, *salina*, quia solvitur in aqua communi, metallaque non aliter in fluxu ac nitrum solvit, unde non immerito à quibusdam coagulata aqua fortis naturæ vocatur; *sulphuræ* verò naturæ est, nam & sulphur olet, & ut auripigmentum vel realgar accenditur, & flammam concipit, solvitur etiam oleo, quod non nisi sulphur facit, ex quo concluditur, *proprium solvens arsenici debere*

debere utriusque naturæ nempe salinæ &
 sulphureæ esse, nam sicut sapo suavissimè per
 aquam saponis solvitur ita arsenicum per
 liquidum arsenicum congruenter solvitur;
 demonstravi autem arsenicum esse sub-
 stantiæ salinæ & sulphuræ, itaque solvens
 esse debet ejusdem duplicatæ naturæ,
 sed quoniam arsenicum in metallis valde
 coagulatum, & quasi fixum est, cum ignem
 ferat, necessariò solvens arsenicale debet
 esse naturæ contrariæ, liquidum, resolu-
 tum & penetrans, jam verò antea probavi
 omnia alcalia esse fixa & figere, & omnia
 urinosa & salia reliqua volatilifare, qui duo
 effectus non competunt resolutioni ar-
 senici ex causis ante dictis, ergò concludo
 neque alcalia seu salia fixa, neque salia
 volatilia ad hanc operationem conducere:
 objicies non dari agens, quod solvat citra
 soluti immutationem: R. contrarium pro-
 bando, nam aqua fortis utcunque vehe-
 mens sit, & argentum ab auro solvat, solu-
 tum tamen non immutat, cum in pristi-
 num corpus immutatis viribus transmutari
 queat, idem dicendum est de spiritu There-
 bintina vel quocunque oleo, quod cina-
 brium solvit immutatis viribus & sulphuris
 & Mercurii, & si sulphur taliter extractum
 non contemnendum sit virium, abeatque
 in oleum rubicundissimum, de quo in se-
 quentibus

162.

Objectum

arsenicum

resolvens,

debet esse

natura

salina &

saponata.

163.

Sed liqui-

da & re-

solventis.

164.

Alcalium

& urino-

forum na-

tura con-

trariare.

solutioni

arsenicali.

165.

Datur a-

gens citra

soluti im-

mutationē.

166.
*Metallorū
 vis medi-
 ca in sul-
 phuribus
 arsenicali-
 bus corre-
 ctis.*

quentibus forte plura, ubi de sulphure ar-
 senicali egero, specifica enim metallorum
 vis & facultas medica in ejusmodi sulphu-
 ribus arsenicalibus extractis & corre-
 ctis versatur, quorum correctionem Hel-
 montius indigitare videtur; cum scribit,
*Hortor itaque Tyrones; addiscant sulphura
 spoliare vi peregrinā ac virulentā, sub ejus
 nimirum custodia abditur ignis vitalis. Sunt
 sulphura quædam; quibus correctis atque
 perfectis tota morborum cohors auscultat,
 hoc pacto, amentia, apoplexia, caduci, paraly-
 ses, vertigines, astmata, hydropes, atrophie,
 immanesque defectus annihilari vidimus
 stupente sc. ipsā naturā. Porro objicies
 non dari inter sal fixum & volatile medium,
 & Helmontium claris verbis ad Mercuri-
 ficationem commendare sal fixum & vola-
 tile, cum ait: *sensi cruditatem* (sulphur ar-
 senicale) *Saturni pinguedine fixorum salium
 solubilem, sicque dividi partes compositi, ut
 argentum vivum currere permittat, & alibi,
 calcinata acerrima sale armeniaco resoluta,
 & tartaro putrefacto dulcorantur.* R. I. dari
 salia media, quæ nec volatilia nec fixa
 sint, experientia testatur, nemo enim nega-
 bittartarum vini sal esse, interim hoc sal
 nec volatile nec fixum est, etsi utrumque
 fieri possit, quod verò Helmontius sal fi-
 xum commendet in Mercurificatione
 plumbi*

plumbi , hoc malè imputatur Helmontio ,
 qui non salia fixa , sed *pinguedinem salium*
fixorum commendat, id est, liquorem quen-
 dam pinguem ex salibus fixis resultantem
 separata salium fixorum calcè viva figente ,
 quæ omnem Mercurificationem impedit ,
 seu ut clarius loquar, Helmontius per salia;
alcalia volatilifata intelligit, prout in alio
 loco innuit , cum scribit in potestate Me-
 dicaminum §. 65. *fixa alcalia si volatili-*
sentur , magnorum pharmacorum potesta-
tes æquant , quippe vi incisionis , resolutionis
& abstersionis delata usque ad limen quarta
digestionis, tenacitatem coagulatorum in vasis
fundamentaliter tollunt , & alibi in passi-
va deceptione scholarum humoristarum
 cap. 1. §. 89. *si vero penitiori recessu aliquid*
pertinacius & occultius restiterit , assumenda
sunt alcalia volatilia , quæ instar saponis
cuncta abstergunt , mirum sanè quantum
sal tartari unici volatile factum non præsti-
terit, nam omnem è venis amurcam detergit,
& obstruentium contumaciam , dispergitque
apostematum suscepta conciliabula , de hoc
sale volatili verum est illud Paracelsi, quod
quocunque non attigerit ; vix aliquid poten-
tius perveniet. Quantam ergo Helmontius
 alcali volatili potestatem resolutivam ad
 contumaciores obstructions in corpore
 humano attribuit, hanc certè coagulationi

167.

Helmontii
 opinio de
 sale medio;
 seu alcali-
 bus vola-
 tilibus.

metallicæ non denegabit, utpote quæ eâ plus indiget quàm aliæ obstructions, ob tenacitatem adhærentis sulphuris, præsertim cum alio loco Helmontius dicat, se *salis circulati seu salis volatilis tartari medio, aurum in forma punicei olei per retortam destillasse*, & alibi ex Paracelso, *spiritus vini non solvit aurum, nisi insit sal circulatum*, & hæc ratio, quod tota Chymicorum turba tam anxie fudet in præparatione salis alcali volatilis, quæ certè æque difficilis, ac ipse Mercurius Philosophorum, ad cujus præparationem hæc planissima via est, sine qua vix ad illam perveniretur, ut ergò volatilisationem salium fixorum vel alcali paucis verbis explicem, compositio seu textura alcali prius probè explicanda est, quæ se sic habet: *In nulla herba est actuale sal vel volatile vel fixum, sed fit primum per ignem*, nam in omni herba (sumam autem in exemplum tartarum) est terra quædam, ego calcem voco, libeat tibi nominare ut velis, tum est *pinguedo* quædam, Chymici terram, salem, & pinguedinem sulphur vocant, ad cò quod *ex sale & sulphure* constant omnia, cum itaque herba quædam, exempli gratia tartarus comburitur, aut destillatur, tum subtilior pinguedo & terra seu sulphur & sal exhalant, & si capiuntur in aquam aut oleum vel salis subtilis consistentiam, resolvuntur & concresecunt.

in hac

168.
Salt tartari volatile.

169.
Circulatum Paracelsi.

170.
Salium fixorum volatilificatio, difficilis.

171.
Historia productionis salis fixi in combustionem rerum ex cineribus resultantis.

in hac combustione verò, dum texturæ ho-
 rum corpusculorum violenta separatio fit,
 sicut sulphur volatile se jungit sali volatili,
 unde urinosus & fuliginosus odor & sapor,
 ita pars pinguedinis hac combustione &
 quasi affaturâ figitur cum terra, seu sulphur
 cum sale, induuntque naturam salis, quod
 alcali vocant seu sal fixum, vides ergò, quod
 cunque est superius esse simile ei, quod est in-
 ferius, nempe sal volatile urinosum æque
 constat ex sale & sulphure, seu pinguedine
 & terrâ, ac sal fixum, quod est in fundo vel
 cineribus, quod constat ex sale & sulphure,
 seu terra & pinguedine, neque ulla est dif-
 ferentia, nisi quod unum sit fixum, alterum
 volatile, hinc unum lixiviale alterum urino-
 sum, unius autem radicis, ortus & effectus,
 lixivium enim omnia præstat, quæ sal urino-
 sum, & hoc omnia, quod lixivium, nempe
 in solutione & præcipitatione rerum: ergò
 objicies non opus esse volatilisatione salis
 fixi, si sal urinosum sit verum alcali volatile,
 & hoc non obstare, interim tamen vola-
 tilisationem alcali seu salis fixi desiderari,
 quod pinguedo seu sulphur in combustio-
 ne per terram, magis digestum fixum,
 igneum ac resolvens sit redditum, hinc plus
 penetrans, si subtilietur volatilizando,
 quàm illud quod est in sale volatili urinoso,
 quod incipiente combustione statim avola-

172. *Fuligo, sal volatile urinosum est sal alcali volatile.*
 173. *Sal alcali fixum.*
 174. *Affinitas salis urinosi & fixi.*
 175. *Differentia illorum.*
 176. *Sal alcali fixum in combustionem igneum factum, si per artem volatilifetur, magis penetrans est, quam commune sal volatile.*

vit, neq; ignis penetrationem sustinuit, sicut enim dixi thesi quarta quod subtiliatum, si figatur, necessariò subtiliorem fixitatem acquirat, juxta formam & gradum subtiliationis, ita heic loci dico: *omne igneum fixum, si subtilietur & volatilifetur, majorem vim & penetrantiam acquirere, quam si nunquam fixum fuisset, aut nullæ qualitates calidæ in id introductæ fuissent; qualis verò concentratio igneitatis sit in combustionem, vel ex solis carbonibus videmus, qui tali concentratione siccissimi & calidissimi evadunt, qualem excedentem qualitatem sine combustionem nunquam accepissent, tum videmus insignem vim causticam lixivialium, potentemq; facultatem resolutoriam, præsertim illius lixivii quod ex tartaro per regulum Martis præparatur, ita ut etiam ipsa metalla in fluxu resolvat, nullum ergò dubium, combustionem sulphur seu pinguedinem vegetabilium alterari, figi, ac igneas qualitates, causticas & solutorias acquirere, hasque, si volatilifationem subtilientur, penetrantiores reddi, quàm si nunquam fuissent fixatæ & concentratæ, prout in salibus volatilibus & urinosi sub principium combustionis exhalantibus vel exstillantibus, neque vim ignis perpeffis videmus, quod respectu alcalium parùm vel nihil agant. Hæc ergò est ratio, cur Philosophi*

Iosophi & Helmontius *sal alcali volatilisa-*
rum desiderent, quæ verò hujus volatilisa- 177.
 tionis sit methodus, quoque scire præstat. *Methodus*
 Ex præcedentibus audivistis, quæ sit stru- *alcalia*
 ctura, textura vel compositio alcali, nempe *volatili-*
 quod constet ex terra fixa, calcis vivæ instar, *sandi.*
 quæ pinguedinem seu oleum herbæ ve-
 getabilis in combustionem pro suâ conser-
 vatione ad se attraxit, ita quod illam ad cine-
 res usque conservaverit, qui elixati tantum
 præbent salis lixivialis, quantum terræ po-
 tuit se vestire & defendere pinguedine,
 nam reliquum redigitur in terram insipi-
 dam, seu ut vocant, mortuam, hoc sal fixum 178.
 necdum sufficientem pinguedinem habet, *Caput*
 unde ex omnibus corporibus attrahit, quod *mortuum*
 de proprio perdiderat, hinc modicum salis *quid?*
 alcali in magna quantitate vini acidi vel au- 179.
 steri resolutum attrahit ejusdem tartarum *Experi-*
 acidum, cum vehementi reactione, fitque *mentum.*
 denuò tartarus, atque ita vinum austerum
 fit gratum, lene, & dulcificatur, & hæc est
 fundamentalis ratio artis saponariæ, ut un-
 tur enim lixivio, quod additam pinguedi-
 nem attrahit, unde decompositum oritur,
 quod *smegma* vocant, si itaque velis alcali
 (id est, pinguedinem quæ in alcali est: & quam
 Helmont *pinguedinem salium fixorum* vo-
 cat, quæ cruditer Saturni solvit, ut argen-
 tum vivum currere permittat) volatilizare,

neceffarium est , ut terram fixam ei demas ,
 at hoc vinculum inter terram fixam & pin-
 guedinem in textura alcali tam forte est ,
 sustinuit enim inviolabiliter ignis tortu-
 ram, ut nulla vi, citra totius compositi & qua-
 litatum immutationem (transit enim tan-
 dem in vitrum) dissolvi queat , ergò à vio-
 lentiâ abstrahendum & contrariâ texturâ
 ac decompositione negotium aggredien-
 dum, quod, antequam exponam , in contra-
 rium alicujus alcali volatilis, ex. g. Textura
 salis communis, salis armeniâci textura ex-
 plicanda est, illud, ut notum est, constat ex
 sale urinoso volatili & sale communi , quid
 sit sal alcali , quid urinosum , paulò antea
 percepistis, quid verò sit sal commune, nec-
 dum exposui, unde hoc loco , quo congruit,
 dico, esse sal medium , nec alcali, nec urino-
 sum, nec fixum, nec volatile, nec falsum, nec
 sulphureum, sed utrumque & ad utrumque
 statum dispositum, hinc ope solius salis com-
 munis & metalla mercurificari, & in tinctu-
 ram converti possunt, licet non tam leviter
 & citò id contingat, quàm si alcali fixum in
 talem statum deducatur, sal etiam commune
 ab alcali valdè expetitur , & quasi magné-
 tismo attrahitur , ut videmus in smegmatis
 analysi , ubi cum smegma in aqua solvitur,
 & modicum salis communis inspergitur ,
 illicò alcali attrahitur , quod pinguedinem
 seu

180.

*à Violentiâ
 abstinen-
 dum.*

181.

*Textura
 salis ar-
 meniâci.*

182.

*Analysis
 smegmatis*

seu axungiam, quam aliàs tantopère amavit, & cum qua in mixtum smegmatis coit, illicò deserit, ac ad superficiem ejicit, natum meliorem & acceptiorem hospitem, eadem ratione sal urinosum, quam primum sal commune attingit, cum illo se miscet, ac in mixtum sublimatur, quod sal armeniacum nominamus, ex aqua duplici decompositione liquet, sal commune tam ad fixorum quàm ad volatiliùm salium statum tendere, ac proinde inter ista duo naturæ mediæ esse, potentiorique obedire. Nunc ut ad analysin salis alcali veniam, sumatur, quod placet, alcali fixum, solvatur vel per se vel aqua communi in lixivium, ex altera parte solvatur quoque sal armeniacum in aqua, utramque bene filtratam, & ab omni fæce purgatam, successivè confunde, & observabis miram reactionem, unionem, ac utriusque compositi (alcali & salis armeniaci) dissolutionem, alcali enim seu potius pinguedo, quæ est in alcali, attrahet, sibi que associabit salem communem, qui est in sale armeniaco, ex qua associatione, duæ sequentur separationes, una in alcali, quod terram suam fixam ad fundum dejiciet, altera in sale armeniaco, quod sale communi spoliatum, spiritum urinosum exulare jubet, quique statim naribus obvius erit, filtretur ergò omnis liquor, & in filtro

183.

Sal commune ad salium volatilium & fixorum statum tendit.

184.

Analysis alcali.

185.

Reactio alcali.

186.

Novum decompositum alcali

remanebit terra fixa, mortua, quæ alcali pinguedinem adstringebat, filtratus liquor destilletur, & habebis spiritum urinosum, qui in sale armeniaco erat, reliquus liquor abstrahatur ad consistentiam salis, vel ad tertias, & exhibebit jucundos crystallos, nec lixiviosæ nec urinosæ, sed naturæ alicujus tertiæ, mundo hæctenus incognitæ, vel saltem, quo ad effectum, parum notæ, quod sal, mirabilem potestatem resolvendi habet, præsertim si loco salis communis in præparatione, salis armeniaci, vitriolum, aut spiritum vel oleum vitrioli adhibueris, præparatur etiam breviori modo hujus generis sal, si oleum tartari fixi cum alumine in aqua resoluta miscueris, tum enim & calx viva aluminis & salis tartari calx decidunt, reliquum filtratur, & ad salis consistentiam inspissatur, destillando & servando spiritum, qui ex reactione & evaporatione procedit, ubi etiam continuato igne, ipsum sal volatile acquiescit, quod eadem methodo cum vitriolo seu spiritu aut oleo vitrioli & oleo tartari vel borragæ succedit, porro si in oleum tartari vel lixivium commune, tartarum pulverisatum successivè projeceris & modicam digestionem in ocluso adhibueris, finitaque reactione vel fermentatione bullularum, liquorosam materiam destillaveris, simili ratione spiritum urinosum

187.
Mundo hæctenus incognitū.

188.
Potestatem resolvendi habens

189.
Brevior Processus.

190.
Modus faciendi sal volatile ex oleo vitrioli.

nosum & potentem acquires, reperiesque
 omne sal fixum alcali, naturam mediam
 cum tartaro induisse, ejusdemque qualita-
 tis, quâ ex antecedentibus reactionibus
 præmemorata salia orta sunt, esse. His præ-
 missis nollem, ut credas, per præfatam ope-
 rationem sal alcali ex statu fixitatis tantum
 in statum medium deductum, aut in natura
 suæ alcalitatis immutatum esse, neutiquam,
 nam deprehendes experienciâ, sal fixum al-
 cali in hac operatione non modò in statum
 medium, sed totum in sal volatile, inò spiri-
 tum penetrantissimum abire, qui solus po-
 testatem habet, *cruditatem*, ut Helmontius
 vocat, nempe sulphur metallorum resolyen-
 di, separandi liberatamque substantiam
 Mercurialem elevandi & ob oculos ponen-
 di, quod taliter experieris: Solve certam
 quantitatem salis tartari (notato tamen ejus
 pondere) in aqua communi, ut fiat forte li-
 xivium, in quod medietatē pulverisati tartari
 crudi, vel cremoris tartari successive inji-
 ce, statim claude vas, & incipiet quasi
 fermentare, ubi in ista fermentatione post
 digestionem per aliquot septimanas cessa-
 verit ebullitio, totum lento igne destilla, &
 videbis tam tartarum crudum, quàm ipsum
 sal tartari vel totum vel tamen majori ex parte
 in igneum penetrantissimum spiritum trans-
 mutatum esse, quod etiam de vino intelli-
 gendum

191.

*Sal tartari**induit na-**turam**mediam.*

192.

*Et tandem**volatilem.*

193.

*Experi-**mentum**volatilisa-**tionis al-**cali &**Mercurifi-**cationis**metallo-**rum.*

gendum est , in quo si sal tartari solvas & spiritum inde destilles , invenies magnam partem salis volatilifati , sin verò durante fermentatione vel ebullitione in digestionem metallum quoddam accomodare huic mixto sciveris , comperies in hac ipsa reactione salis tartari , & tartari crudi , metallum dissolvi , sulphur ejus arsenicale discerpi & substantiam Mercurialem cum spiritu igneo in destillatione separari & elevari , unde facile præcipitari & revificari potest , sive per salia contraria , sive per metalla attrahatur , ut est aurum &c. & hoc est , propter quod totam hanc historiam exposui , tria ergò circa hanc Mercurificationem observanda sunt , primò sal alcali , secundò sal armeniacum , tertio metalli connexio , sal alcali quod attinet , sive id sit lixivium commune , sive ex cineribus clavellatis , calce vivâ adhibita , aut cineribus ex vite , aut ex tartaro vel nitro fixo & Regulo Martiali , unum idemque est , modo sit pingue & substantiosum , sal armeniacum verò ex sale communi & spiritu urinæ , fuliginis , cornuum cervi , vel ex oleo vitrioli cum spiritu urinæ , vel tartaro crudo solo , vel cum sale armeniaco juncto constare potest . Metalla quæ huic mixturæ duplicatæ annexi debent , vel possunt cum sale alcali vel cum sale armeniaco , aut ejus vicem supplente tartaro

194.

Tria circa mercurificationem observanda.

195.

Quale alcali & sal armeniacum esse debeat.

196.

Metallorum mercurificationum connexio cum alcali & salibus.

tartaro crudo aut sale communi jungi , cum
 alcali junguntur, vel decoctione in lixivio ,
 & tum præstat ut metalla tum in sulphure
 adustibili , tum in sulphure arsenicali au- 197.
Metalla in
sulphure
combusti-
bili augeri
possunt &
debent ut
facilius in
lixivio
solvantur.
 geantur , sicut enim facilius ab alcali solven-
 tur , si illorum sulphur aliququaliter emollitum
 fuerit, possunt autem metalla solvi in spiritu
 therebinthini vel oleo lini & similibus, præ-
 fertim illorum flores , ut flores antimonii ,
 saccharum Saturni, lithargyrium &c. vel
 cum arsenico aut terrâ salis communis in
 præcipitatione cornua possunt reduci in
 arsenicum in fluxu , ex. gr. antimonium
 sulphur, & arsenicum confusa exhibent real-
 gar , hæc ergo mineralia & metalla juncta
 & aliququaliter soluta ejusmodi pinguedine ,
 facilius deinde solvuntur in lixivio , non se-
 cus argentum auro mixtum ab aqua forti
 facilius solvitur , si plures partes argenti ad- 198.
Exemplum
in quarta-
tione.
 dantur , unum enim solvit alterum , ut in
 quartatione videmus, possunt etiam metalla
 solvi in alcalibus in via sicca in fluxu, ut re-
 gulus Martis per nitrum, Tartarum &c. vel
 metalla possunt uniri sali, quod cum urinosis 199.
Metalla
salibus
jungenda
sunt, mo-
dus.
 in sal armeniacum concrescit, ut si in aqua
 forti solvantur , & sale communi vel ipso
 etiam sale armeniaco præcipitentur , vel si
 cum sale communi calcinentur, extraban-
 tur atque in salem concrescant, quo in præ-
 paratione salis armeniaci uti possumus , ut
 in plum-

200.

*Metalla in
vitriola
reduci at-
que ex his
Mercurius
elici potest.*

201.

*Metalla,
sive salibus
fixis sive
volatili-
bus uni-
antur, re-
actionem
pati de-
bent.*

202.

*Proportio
reactionis.*

203.

*Effectus
reactionis.*

in plumbo, vel si in vitriola redigantur. hæc-
que in sua substantia vel olenum inde destil-
latum præparationi salis sarmeniaci adhibea-
tur, vel si in aceto, in spiritu nitri, in spiritu
salis solvantur, quæ omnes solutiones cum
spiritu urinæ transeunt in sal armeniacum,
quod cum alcali reactionem committit, me-
tallum taliter connexum Mercurificat, pos-
sunt etiam metalla cum sale armeniaco sub-
limari & tum reactioni adhiberi, vel co-
quantur in tartaro crudo in aqua soluto,
sive in rasuræ sive cristallorum solubilium
forma, hic tartarus postea fermentet cum
alcali, vel denique solvantur metalla in spi-
ritu urinæ, vel spiritu igneo tartari & tum
hic spiritus metallo imprægnatus, jungatur
sali & fiat sal armeniacus, qui cum alcali pa-
tiatur reactionem, hoc tamen notandum,
quod, quò magis metallum est subtiliatum
& annexum ac solutum sive in alcali, sive in
sale armeniaco, & quod, quò magis alcali
agit in sal armeniacum, hoc melius etiam
negotium succedere, quoniam *quo fortiora
sunt subiecta reagentia, hoc fortior etiam est
reactio, & reactionis effectus*, qui consistit in
pinguedinis fixorum salium subtiliatione, &
mediante hac sulphuris arsenicalis resolu-
tione, ac Mercurii liberati elevatione. Ex
prædictis ergò observationibus non obscu-
rum erit dictum Helmontii explicare,
calcina-

calcinata acerrima (nempe sale alcali vel arsenico aut salibus sulphureis resoluta metalla) *sale armeniaco resoluta* (id est, passo sale armeniaco reactionem & dissolutionem sui spiritus) & *tartaro putrefacto* (sc. sale tartari reagentem in salem armeniacum , vel etiam juxta literam intelligendo, nempe tartarum putrefaciendo , nam si tartarum crudum in aqua solvas, & in oculo per aliquot tempus digeras , situm contrahet & putrescet , postea destillatus spiritum dat igneum, qui omnia metalla, ipsum etiam aurum mirabiliter solvet, si ergo in tartaro crudo metallum aliquod solvas, atque prædicta ratione putrefacias, putrescet & resolveretur simul metallum, postea liquore destillato, in igneo spiritu Mercurium inuenies) *dulcorantur* (id est mercurificantur, Mercurius enim talis non amplius corrosivus est, sicut in corrosivis seu calcinatis acerrimis fuit, cum ipsum etiam oleum tartari & sal armeniacum invicem digesta, & reactionem passa, dulcorentur, vimque corrosivam amittant.) Paucis ergo verbis & veris. Helmontius totam mercurificandi methodum præscripsit, sed sine commentario, intellectu difficillimis, ut ergo ad finem hujus mercurificationis properem, dico desiderari pro compositione Mercurii Philosophorum ex Matte sulphur aureum, & ex an-

204.

*Explicatio
dist. Hel-
montii de
mercurifi-
catione.*

205.

*Pro Mer-
curio Phi-
losophorum
sulphur
Martis &
sal anti-
monii de-
siderantur*

206.
*Methodus
 preparan-
 di sulphur
 Martis.*

207.
*Modus
 preparan-
 di sal an-
 timonii.*

208.
*Regulus
 antimonii
 substantia
 duplicata.*

209.
*Sulphur
 arsenicale
 reguli, im-
 pedimento.*

timonio sal metallorum resolutivum, atqui sulphur Martis ex Marte non potest separari, sine resolutione terreitatis, per additionem sulphuris communis augetur, per salia verò resolvitur simul cum aureo sulphure, atque sic nulla separatio datur, ergo requirit sal metallorum resolvens, quod ingenti sua vi resolutoria quidquid est impuri in Marte, absorbeat, consumatque, quod aureæ vero naturæ est, conservet in proprio humido, quod est metallorum Mercurius, tale verò subiectum non datur nisi in Antimonio, quod experientia videmus Martem solvere, depurare ac in substantiam Mercurialem redigere, quam regulum vocant, in qua & sulphur aureum, Martis & sal resolutivum antimonii conjunctum moratur, passum in igne reactionem, & exinde productum novo subiecto reguli, in quo omnia sunt, quæ in Mercurio Philosophorum desiderantur, nempe potestas resolvendi & emolliendi aurum & argentum, eaque in actionem novæ generationis deducendi; at obstat in antimonio adhuc sulphur arsenicale, quod Mercurium hunc duplicatum Martis & antimonii constrictum & coagulatum tenet, in forma autem hac solida non potest agere in aurum, multò minus illud emollire & reddere Mercuriale liquidum, nisi ipsum prius fiat liquidum & Mercurius, ergo necessario

cessariò regulus hic debet fieri Mercurius, atqui non potest fieri Mercurius sine ejus sulphuris arsenicalis separatione & Mercurii elevatione, sulphur autē arsenicale non potest separari, atque sic Mercurius liberari, nisi per pinguedinem penetrantem, sulphur arsenicale absorbentem, & Mercurium volatilisantem, talis verò pinguedo penetrans non datur symbolicè nisi in alcalibus seu salibus fixis. sed pinguedo nō potest inde liberari ac subtiliari nisi amotione terræ fixæ, quæ in alcali pinguedinem hanc ligat & arctam tenet; hæc verò terra non potest amoveri nisi reactione per simile contrarium, at non datur simile contrarium, nisi per sal volatile urinosum, tale autem est sal armeniacum, ergo concludo sale armeniaco resolvi pinguedinem in alcali, hanc resolutam dissolvere sulphur arsenicale reguli, hoc dissolutum liberari ejus Mercurium, nempe objectum Mercurificans aurum & argentum, quod nobis in quæstione fuit, prætereo notas usum & effectum Mercuriorum reliquorum metallorum, hac methodo produci possibilem, sicut & taceo de usu medico suprâ citati sulphuris arsenicalis, in Mercurificatione hæc, è metallis extracto, quoniam ad propositum nostrum, nempe Mercurificationem auri nihil faciunt, etsi possibilitatem transmutationis metallicæ ad oculum demonstrent,

210.

Ejus separatio, cum Methodo resolutoria

211.

Philosophica, & realis

Conclusio pro præparatione Mercurii ex Regulo antimonii.

212.

*Vis trans-
mutans
sulphuris
arseni-
calis me-
tallorum*

monstrent , cum quodlibet sulphur arseni-
cale , specificam quandam formam habeat
communem Mercurium in verum tale me-
lum coagulandi, unde extractum fuit, Mercuri-
riorū etiam metallicorū semper unus coctio
altero sit, atq; ita etiam extra projectionē tin-
cturæ, solâ decoctione, invicem transmutari
queant metallici Mercurii , producendo
alia metalla, hæc & similia prout curiosa , ita

219.

*Tertia clas-
sis Mer-
curifican-
dorum cor-
porum,
nempe fixo-
rum, auri
& argenti.*

meritò ulterioribus observationibus superius
sedebat , & ad ultimam nempe tertiam clas-
sem Mercurificandorum corporum, scilicet
auri & argenti progrediar. Corpora hæc
decoctione indurata esse, ac prorsus homo-
genea experientia docet , hinc emollitio
opponitur, emollitio autem debet fieri per
liquidum, calidum, penetrans , sic glacies
facile dissolvitur in aqua calida , quæ porum
ejus penetrantur , simili planè ratione dis-
solvitur aurum in argento vivo philosopho-
rum, quod *calidum, liquidum, tenue est*, unde
Democritus Græcus jubet , *pharmaco i-
gnito spoliandam esse densi corporis (auri)
umbram (soliditatem)* & in Rosario de
Mercurio Philosophorum legitur ; *Aqua
nostra seu Mercurius noster fortior est igne,
quoniam facit de corpore auri merum spiri-
tum , quod ignis communis facere nequit , &
Paracellus de hoc spiritu inquit , Spiritus*

mens

mens calidus est spiritus, potestatem enim ha-
bet calefaciendi omnia congelata membra suo-
rum fratrum (nempè metallorum), & in li-
bro vexationis Alchymistarum, cum parti-
culare philosophicum describit, sic loqui-
tur; addam tamen in parenthesi commen-
tarium juxta meam mentem et experien-
tiam Si Spharam seu cœlum saturni (antimo-
nii) cum vitâ terræ (Mercurio) in cursum
(Mercuriale) deduxeris (i. e. si ex antimonio
Mercurium feceris) tum debito pondere ei
adde imperfecta metalla, Iovem, Martem,
Venerem; & modicum Lunæ (ad majorem
acuitionem Mercurii) permitte tam diu
cum cœlo currere (amalgama & distilla amal-
gama cum Mercurio Antimonii) donec cœ-
lum Saturni totaliter evanuerit (nempè do-
nec Mercurius antimonii omnem Mercu-
rium ex metallis additis extraxerit, secumque
per retortam sumpserit) tum metalla sola re-
manent consistentia suntque mortua cum suis
veteribus corruptibilibus corporibus (sc. re-
manente illorum terrâ mortuâ & sulphure
arsenicali in retorta) assumpseruntque no-
vum perfectum incorruptibile corpus (videa-
licet illa substantia, quæ cum Mercurio anti-
monii per retortam transit) quod corpus est
spiritus cœli (sc. aurum spirituale in tali Mer-
curio latitans) unde planeta reviviscantur, &
recorporantur (nempè in digestionem &
214^o
 Explicatio
 processus
 Paracelsi
 de Mercurii
 fixatione
 per Mer-
 curium
 antimonii.

fixatione talis Mercurii animali vel per se vel cum corpore perfecto) *hoc novum corpus separa à vita & à terra* (nempe separa Mercuriū superfluum, reliquum præcipita & fige, & ex hoc fixo terreo præcipitato, extrahe aurum per solvens aliquod, reliquum verò quod extractionem non patitur, est terrea fæculentia rejicienda, utpote ingressum puriori substantiæ prohibens) & *retine reliquum, nam est aurum & argentum*. Hactenus locus Paracelsi, ad quem non pauci præsertim Glauberus commentati sunt, existimantes totam hanc operationem de refixatione per nitrum vel sub cupella in cineritio intelligi, sed falluntur, neque enim ista refixatione quicquam pluris auri vel lunæ ex metallis excernitur, quam in illis exitit corporaliter, cujus separatio, opus tritum, non Philosophorum esset, verum Paracellsum, *mercurificationem imperfectorum metallorum per Mercurium antimonii* intelligere ipsa verba, sensus & operatio clarissimè docent, prout in parenthesisibus adnotavi, seipsum quoque clarè circa hunc passum explicat Paracellus lib. I. de nat. rer. *Regeneratio inquit & renovatio metallorum fit ita, quemadmodum homo redit in terram, ex qua primò fuit desumptus, & ita rursus in die novissimo regenerabitur, sic & metalla iterum possunt in Mercurium ex quo primò nata sunt, abire, & cum illo*

illo solvi, & Mercurius fieri, & iterū per ignē,
 qui etiam judicabit mundum, renasci & cla-
 rificari, hac viâ, inquit, generantur tinctura
 speciales argenti & auri, legantur, quæ Such-
 tenius de vi resolutive Mercurii antimonii
 scribit, & qualiter ex Marte aurum per eum
 excernatur, & quomodo hoc aurum per spi-
 ritum Veneris in corpus coaguletur, item
 in processu Barnaudi sub finem supplementi
 mei in Physicam meam subterraneam alle-
 gato, ubi aurum per Mercurium Philoso-
 phorum in atrum pulverem, qui in aurum
 non amplius possit reduci jubet, & omnia
 clarissimè convenient, Mercurium philoso-
 phorum maximam potestatem non modo
 omnia metalla, sed etiam ipsum argen-
 tum & aurum resolvendi habere, ut
 latius thesi antecedente probavi. Nunc verò
 in hac thesi pro conclusione nonnulla at-
 tingenda sunt, quæ ad habilitationem auri
 vel argenti faciunt, ut nempe ad mercurifi-
 cationem magis prona fiant, Mercurioque
 Philosophorum libentiùs pateant, *Philate-
 tha* hujus præparationis minor esse vide-
 tur, cum in introitu suo cap. 18. sic ait,
*Repagula auri vulgaris solve, quæ dicitur præ-
 paratio prima, quæ incantamentum corporis
 ejus solvitur, sine quo opus mariti nequit per-
 ficere, torridi tum Vulcani operam implorare
 debes, alibi, cum Sole vulgi si operatus fueris,*
 G 2 subli-

215.

Potestas
 M. curii
 antimonii
 resolute.
 ria.

216.

Habilita-
 tio auri ad
 faciliorem
 mercurifi-
 cationem.

217.

Philatetha
 doctrina
 circa hac.

*sublimando ac bulliendo sunt materialia, ne
 postea illa cum Virginis lacte unire valeas; &
 alibi, cape solis vulgi partem unam benè puri-
 ficatam, & Mercurii nostri sume clari partes
 tres, junge & impone igni dando calo-
 rem, in quo bulliat, suaetque, sudor eius circu-
 letur, & hoc de die ac nocte per dies noctesque
 90. & videbis Mercurium hunc omnia ele-
 menta solis vulgi disgregasse, iterumque con-
 junxisse, bulli postea per dies alios 30. & videbis
 solem vulgi per Mercurium nostrum conver-
 sum in solem nostrum, qui est medicina primi
 oridinis. Et alibi, jam verò si decoctioni solis
 vulgi utut purissimi cū Mercurio nostro regi-
 mē lapidis adhibueris, in erroris via es pro cer-
 to. Quare si cum sole vulgi fueris operatus forti
 indiges decoctione, igneque proportionato, postea
 verò benignissimo igne progredere. Et alibi, si
 in opere solis vulgi processum inceperis, actio
 tum passioque fit in rebina. Et alibi, in Mer-
 curio quem descripsi, ac sole purissimo vulgi,
 si laboraveris debito igne, solem nostrum in-
 venies intra menses septem aut novem ad
 summum; lunamque nostram intra menses
 quinque. Ex quibus dictis tria sunt consi-
 deranda, I. posse dari aliam mercurationem,
 quàm in auro & argento vulgi. 2. Aurum vulgi
 cum Mercurio Philosophorum junctum non illic
 ò resolvi, sed certum tempus requiri. 3. Aliud
 esse regimen ignis in mer-*

218.

*Annotata
 ad Phila-
 setha opi-
 nionem.*

in mercurificatione auri vulgi cum Mercurio Philosophorum, quàm in auri philosophici, seu auri resoluti decoctione. *Primum* confirmat Philatetha clarissimis verbis cap. 18. scribendo sequentia. *Scias Mercurium nostrum de se dare aurum, quod si non noris, quod sit secretum nostrum subjectum, oportet, ut pro sole vulgi vendas, estq; in omni examine sol verus ac proinde venalis est, id est vendi potest cuivis sine scrupulo, sol proinde noster est vulgò venalis, sed non vulgò emendus, quia ut noster sit, nostra opus est arte, posses in sole, lunaque vulgaribus solem nostrum reperire, ego ipse in his quasi-vi, & reperi, at haud opus est facile, leviori cum negotio lapis ipse faciendus est, quam lapidis proximam materiam in auro vulgariter emendo invenies, quare aurum nostrum est lapidis nostri materia proxima, aurum vulgi propinqua, metalla remota, eaque, quæ non sunt corpora metallica, remotissima, sive potius aliena, aurum vulgi est, cujus anima, ut ab ignea Vulcani tyrannide sit tuta, in arcem clausam se recepit, sed si aurum nostrum queris in re media, inter perfectum & imperfectum quare, & invenies. Et alibi: Nactò hoc sulphure (sc. auro) ne credaste habere lapidem & ejus materiam, quam possis in re imperfecta intra septimanam querere & reperire. Et alibi, loquuntur quidam de auro argen-*

toque vulgi & verum dicunt, negantque alii idem & verum dicunt. Et alibi, lapis noster est in omni metallo & minerali, quia sol vulgi ex ipsis extrahi possit, ex quo sol noster propinquus peti possit, in omnibus puta metallis vulgi sol noster, at in auro argentoque propinquius continetur, ergò inquit Flamellus, quidam in Iove, quidam in Saturno laboraverunt, ego vero in sole laboravi, & inveni, est tamen unum in regno metallico originis miræ, in quo sol noster propinquius est, quàm in sole & luna vulgi, si in hora suæ nativitatis eum queras, qui in Mercurio nostro liquefcit, sicut glacies in aqua tepida, & tamen auro quodammodo assimilatur, tamen hoc in sole vulgi immediate non invenies, at ex illo per Mercurium nostrum digerendo per dies 50. invenies veram hanc, eandemque materiam, quæ est aurum nostrum, viâ longiori quasitum nec adhuc tam pollens, ac illud, quod natura ad manus reliquit, & tamen tertio rotando rotam, idem in utroque invenies, hac tamen cum differentia, in priori mensibus septem, in posteriori anni spatio cum dimidio. Hæc & similia Philatethæ facilè intelligi possunt. si consideretur, quæ de Mercurio Martis & antimonii thesi præcedente scripsi, quod nempe sit agens metallicum, & ignis mineralis in motu, ergò perficiet seipsum in aurum, & quod sola digestionem in aurum maturetur,

219.

*Mercurius
Philoso-
phorū sola
digestione
in aurum
mature-
tur.*

tur, quodque ille Mercurius sit aureæ sub-
stantiæ, & deauret, Regulus enim Martis
cum cinabrio tritus, & mixtus, ac destillatus,
Regulum de regulo dejicit, qui sufflatione
vel cupellatione probatus, bonæ notæ aurum
exhibet, ergò erit aureæ naturæ, multò
magis Mercurius ex illo, hoc verò scien-
dum, quòd Mercurius Martis & antimonii
præcipitatus, aurum Horizontale & Philo-
sophicum sulphur vocetur, qui præcipitatus,
cum fixus est, sub pulveris specie facillimè
in novo sui generis Mercurio solvitur, atque
ita fixitas in Mercurium semper plus intro-
ducitur, nam quando Mercurius transit in
soliditatem pulveris præcipitati, tunc transit
de natura Mercurii in naturam sulphuris,
æque ac sanguis coquitur in naturam sper-
matis, at sulphur hoc proprium fixatum,
resolutum in proprio Mercurio, necessariò
introducitur in suum Mercurium majorem
formam fixitatis, Mercurius verò plus sub-
tiliat resolvendo hoc proprium sulphur,
unde necessariò tincturæ exaltatio, abbre-
viatio, & subtilis formæ introductio sequi-
tur, hinc optimè loquitur Lullius cap. 32.
Recordamur nos dixisse in nostro testamento,
quod nullum argentum vivum promptius
convertatur in substantiam sulphuris, quam
illud, in quod qualitates sulphuris per dissolu-
tionem sufficienter sunt introductæ, nec nullum

220.
Experi-
mentum.

221.
Aurum
Horizon-
tale quid
fit?

222.
Facile per
Mercuriū
resolubile.

223.
Introducitur
magnam
perfectiōem
& fixita-
tem.

224.
Tinctura
exaltatio.

225.
Cohobatio
Mercurii
supra pro-
prium

Sulphur promptius congelat argentum vivum, quam illud, in cuius naturæ substantia, ipsum argentum vivum existit, per artis ingenium (fixatione) in id conversum, quia tunc natura naturam complectitur propriam, & amicabilius gaudet in ea, quam extranea; hæcenus Lullius. Sciendum autem, si pul-

226.
*Reductio
auri Philo-
sophici in
corpus me-
tallicum,
nocet arti.*

227.
*Differen-
tia auri
Philoso-
phici cum
auro com-
muni.*

228.
*Tallacia
Alexandri
à Suchten.*

vis hic præcipitatus reducatur in corpus, quòd ejus resolubilitas in Mercurio suo, magna ex parte pereat ob adeptum crassius corpus, etsi tamen auro communi adhuc resolubilius sit, testante *Alexandro à Suchten* in secundo libro *Tractatus* sui de Antimonio, ubi exemplum recenset argenti & auri ex *Regulo* facti, per *Mercurium* antimonii rursus in *Mercurium* reducti, quod aurum commune non facit, reprobante proinde Authore illud aurum & argentum, sed ludente simul lectorem, quasi hoc aurum vel *Luna* ex antimonio factum non valeret, ut nempe deterreat lectorem ab illo, cum tamen in eo abbreviatio operis consistat. Cæterum quæ de argento Philosophorum *Philatetha* ait, non sic intelligenda sunt, ac si argentum esset forma argenti, sed antequam *Mercurius* antimonii ad decoctionem auri pervenit, necessariò gradum *Lunæ* attingit, ita quod, licet tinctura ex auro corporali facta sit, tamen si vera facta fuerit ejus reductio, prius argentum tinget, quam aurum

229.
*Tinctura
ad album
non requi-
rit sulphur
differens
ab auro.*

aurum, cum nempe in gradu albedinis est, quando ergò Philosophi de argento Philosophorum, vel de tinctura ad album loquuntur, tum intelligunt Mercurium auri, ad gradum argenti decoctum, atque hæc est ratio, quod Philatetha pro opere auri ponat 9. pro argento verò tantum quinque menses, *minus perfectum enim brevius tempus ad decoctionem requirit, quam magis perfectum.*

230.

Aurum

Secundò ex prædictis claret, aurum commune etiam per Mercurium philosophorum non statim, sed successivè solvi, præcedente nempe calcinatione in Mercurio, quam alii *improprie putrefactionem* nominant, habetque se hæc calcinatio per modum

commune per Mercurium Philosophorum non statim mercurificatur.

231.

Exemplum in preparatione ce-
revisia.

preparationis bynes, ubi triticum, nisi humectetur & torreatur, incalescat & excresecat, non resolvitur, ut aquæ substantiam suam communicare possit. sic nisi aurum cum Mercurio misceatur, humectetur, incalescat excresecat in arbusculas, figatur, & præcipitetur, non resolvetur, ut ex illo substantia Mercurialis erui possit. Tum videmus, quod omnia corpora, quæ magnam fixitatem, soliditatem, duritiem & siccitatem habent, non nisi tractu temporis, & successivâ humectatione, aut ut vocant, cohobatione solvi & liquidificari, sic etiam aurum unâ vice à Mercurio, præsertim com-

fitiem non resolvitur, ob compagem auri nimis crassam, siccam, tenacem & strictam, sed frequenti humectatione & cohobatione, quod manifestâ experientiâ videmus, aurum enim vel argentum cum Mercurio amalgamatum, si per destillationem Mercurium amittat, & cum eo denuò amalgametur, hæcque operatio aliquoties repetatur, aurum vel argentum sic fusile reddi, ut ceræ instar in vitro fluat, omniaque vitra tingendo penetret, at leniter fluere, vitra penetrare, primus gradus ad emolliitionem Mercurialem, ad subtilitatem est. Tertiò regimen ignis in mercurificatione, fortius esse debere, quàm in Mercurificati fixatione, ratio & experientia docent, *quæ enim constrictos poros habent, hac ignis non tantum penetrare potest, quàm laxos poros, at aurum compactos habet poros*, quod gravitas indicat, ergò calor fortior debet esse pro penetrandis & emolliendis illis, quàm si jam incipiant mollescere, præsertim Mercurificari, duo ergò regimina ignis sunt, nempe in Mercurificatione auri, & in auri Mercurificati fixatione, hæc posterior lentum, prior fortiolem, in posteriori veræ actiones, operationes & colores apparent inter activum & passivum unius naturæ, nempe Mercurii Philosophorum & auri, qui jam verus est ille duplicatus Mercurius (sicut sperma & semen

232.

*Experimentum
cohobationis.*

233.

*Regimen
ignis in solutione,
frigus esse
debet
quàm in
coagulatione.*

234.

*Duo regimina
ignis.*

235.

*Vera operationes
naturæ.*

236.

*Quid sit
duplicatus
Mercuri? seu illorum
Rebis.*

& semen fæmineum in utero , tum demùm
 vera & unica materia hominis vocari pos-
 sunt , non quando sunt extra vas duo di-
 versa. Philosophorum seu Rebis, aut ^{237.} *duo in carne una.*
una liquiditate Mercurii , in priori qui ap-
 parent colores & operationes , fictæ sunt,
 quia tantum promanant ex calcinatione &
 emollitione materiæ, nempe auri, ^{238.} *aliud ergo Operatio-*
est preparare materiam , aliud materiam nes ficta.
preparatam formare, quoniam verò de hoc
 posteriori actu , in thesi quarta de forma
 absoluta tincturæ sufficienter egi , ipse et-
 iam Philatetha omnesque Philosophi de re-
 gimine ignis in opere ipso sufficienter clarè
 scripserint, heic loci hujc negotio superse-
 debo , & ad Mercurificationem seu præ-
 parationem materiæ ulterius progrediar. In-
 tentio ergò Alchymix est , ^{239.} *ut introducant Intentio*
perfectè & inseparabiliter formam auri vel philosophi-
argenti in argentum vivum , necessario con- *ca Alchy-*
cludentes , quod per hanc introductionem mia.
aurea forma in Mercurium , is in aurum re-
congelari debeat , & si hoc subtilietur, secutu-
ram etiam in re congelatione subtiliorem &
nobiliorem auri formam , quam tincturam
vocant , supponentes illam propter subtilem
fixitatem & penetrantiam , formam suam
auream multiplicativè & cum lucro in me-
talla introducturam , eaque in aurum trans-
mutaturam , quæ omnia hætenus suffi-
 cienter

cienter rationibus & experientiis probavi,
 ac quoque demonstravi, ipsam formam
 auri etiam extra aurum corporale embry-
 onaliter & potentialiter in Mercurio philoso-
 phorum latitare, qui sol ad digestionem in aurum,
 & per repetitas solutiones & congelationes in
 tincturam mutari, & decoqui possit. Verum
 tempore longiori, sicut enim aqua com-
 munis diu cocta tandem cocturâ longâ di-
 geritur, cruditatemque deponit, at multo
 breviori spatio frusto carnis imposito, in
 salutare jusculum alteratur, ita Mercurius
 Philosophorum semen quidem activum
 aureum in se continet, quod solâ digestionem
 de potentia in actum prodit, tempore tamen
 sat longo, & digestionem ingeniosâ, ita idem
 Mercurius in qualitate sua augeri potest,
 si aurum corporale à natura productum, &
 jam actu existens in eo solvatur, ipsiq; com-
 municetur, sic enim qualitates aureæ actua-
 les, evocabunt Mercurii qualitates aureas
 potentiales, totumque negotium facilius
 & brevius absolvetur, licet tot mille, non
 tingat, cum aurum actuale ad tantam subti-
 litatem reduci difficulter possit, quàm illud
 existit, quod est potentiale, si figatur, coa-
 gulationem enim se dirigit juxta subtilitatem, in-
 terim tamen negandum non est, opus mul-
 tum accelerari posse, juxta nempe auri sub-
 tiliationem, quæ cum varia sit, varia etiam
 erit

240.
*Solus Mer-
 curius Phi-
 losophorum
 in tinctu-
 ram &
 aurum
 transit.*

241.
Exemplum

242.
*Variatio
 operationis
 & tempo-
 ris consistit
 in gradi-
 bus subti-
 liationis
 auri.*

erit operatio , ejusque subtilitas , tempus
& effectus, fateor, modum, quem Philate-
tha cum auro communĩ describit, solã deco-
ctione cum Mercurio , tãdiosum & longum
esse , quoniam aurum non præparatum est ,
verum si antequam Mercurio jungatur , ad
Mercurificationem habilitetur , & subtilie-
tur , multò brevius & facilius negotium
succedet , dari autem talem subtiliationem
& præparationem auri , ut facilius cum Mer-
curio Mercurificetur , ratio & experientia
docent. *Objicies*, me repudiãsse in præce-
denti thesi quarta omnem auri subtiliatio-
nem, quæ non sit per Mercurium, ad quod
& distinguendo , me repudiãsse subtilia-
tionem auri per solventia sc. aquea, ignea,
& terrea, & omnia , quæ non sunt de Mer-
curio , in ordine ad ipsam Mercurificatio-
nem auri , sed non in ordine ad facilitatem
habilitationem seu præparationem ante
& ad ipsam Mercurificationem, exemplum
videmus in antimonio , quod crudum &
pulverisatum minimè solvitur in spiritu
therebintini, at per se sublimatum & subti-
liatum in flores , statim in præfato spiritu
solvitur, at sublimatio antimonii in flores
non est solutio antimonii in spiritu there-
bintini , interim tamen deducit ad illam ,
& præparat antimonium ad illam , sic au-
rum crudum difficulter solvitur in Mer-
curio,

243.

*Aurum
subtilia-
tum faci-
lius & bre-
vius ope-
ratur ad
tincturam.*

244.

*Distinguẽ-
dum est
circa aurũ
subtilia-
tionem in
ordine ad
præviã
præpara-
tionẽ & in
ordine ad
ipsam mer-
curifica-
tionem.*

245

Exemplum

curio, at subtiliatum per solventia, facillimè solvitur, non quod istæ subtiliationes vel solventia, sint subiecta Mercurificantiæ, vel ipse actus Mercurificationis; sed quod præparent aurum, ut habilius reddatur ad Mercurificationem: videamus ergò quæ requirantur ad istam habilitationem, vel facilitationem Mercurificationis. Et erunt tria,

246.
*Requisita
tria præ-
via ad fa-
ciliorem
habilita-
tionem
mercurifi-
cationis.*

247.
*Amalga-
matio.*

248.
*Sulphur
intercuta-
mentum.*

nempè *amalgamatio*, *sublimatio* & *revivificatio*. Amalgamationem quod attinet, dices mirum esse, me illam pro difficultate in medium producere, cum nihil facilius ac auricalx cum Mercurio amalgametur: & me loqui de amalgamatione auri subtiliati, seu calcis auræ cum Mercurio, cujus calcis, utcunque ferè præparetur, naturæ est, quod Mercurium ac amalgamationem cum illo abhorreat, (ob interpositum sulphur arsenicale solventium, quod Nympham vocant) quod in auro fulminante, multisque aliis generibus calcium auri & argenti, sicut in luna per salem communem præcipitata, vulgò Luna cornua dicta, manifestè videmus, adeò quod inter secreta numeretur solvens invenire, quod tales calces solvat, cum ne ipsa quidem aqua fortis, propriam calcem auri vel argenti (sine præcedente candescencia) resolvat, multò minus talis calx cum Mercurio amalgametur, quin imo Mercurius cum puro auro vel ar-
gento

gento aliquoties amalgamatus , & ab illo abstractus ac realgamatus , tandem metallum etsi solidum & purum, respuit, idque in ulteriori amalgamatione abhorret , nisi oleo fatido tartari vel aceto aut aliis imbibatur , quæ cum sint salium volatilium naturæ, nempè urinosæ (id est, multum participant de terra tertii generis Mercurificante seu fluidificante, ut in physica mea subterranea de principiis ostendi) idèd 249. *Experimentum.*
aurum & argentum reddunt fusile , dulce , ac molle , at fusile esse , est principium ad Mercurificationem , ergò hæc præparatio conduit , quod manifestè in spiritu salis armeniæci videmus cum spiritu vini mixto , aurum enim liquefactum , ac in hunc duplicatum liquorem effusum , valde dulcificatur , ut plumbi instar molle sit , quæ liquefactio & infusio , si aliquoties reiteretur , aurum levissimo igne etiam fluit , notusque mihi modus est , mediante quodam spiritu urinoso , & aurum & argentum , omneque metallum reddere fluidissimum , dulcissimum, ita ut ceræ instar fluat , atque cum Mercurio facilè amalgametur , in ejusque liquiditatem transeat , dico ergò quod 250. *Amalgamatio vera est primum principium mercurificationis.*
talis amalgamatio sit vera quædam præparatio auri vel argenti , omnisque metalli ad suscipiendam amalgamationem & Mercurificationem , quò enim corpora faci-

lius, & intimius coeunt, hoc libentius & fortius miscentur, & penetrantur, omnis autem, ut supra demonstravi, *penetratio naturæ passivæ est fundamentum intimæ transmutationis*, ergò si aurum vel argentum sic præparetur ac fusile reddatur, ut Mercurius id intimius, quàm in communi amalgamatione penetrare queat, necessariò id etiam fundamentalius ad se attrahet, fluidificabitque, fluiditas verò Mercurialis, etsi sit saltem qualitas superficialis, nempe solutio continui, nihilominus primus gradus est ad communicationem internarum qualitatum, quæ in Mercurio in volatilitate potissimum heic loci consistunt, ut nempe *secundo* aurum cum Mercurio taliter amalgamatum, & fusile redditum, etiam cum illo in sublimatione seu destillatione ascendat, concomitetur, reddatur volatile, neque fixum in vase destillatorio, vel sublimatorio remaneat *Obijciēs* est contra naturam auri, ignem fugere & volatile fieri, ad quod &c. distinguendum esse inter aurum solum & per se, & inter aurum per addita præparatum, sic enim experientia didicimus, aurum per quædam salia, exempli grat. nitri, aluminis, salis armeniaci, sola trituratione & coctione, mediante aquâ communi, sic resolvi, ut facilimè per Mercurium in Mercurium abeat, cum

251.

Auri & argenti volatilifatio.

252.

Distinguendum inter aurum solum & mixtū.

cum eoque , accedente inprimis sulphure
 communi, in cinabrium elevetur , atque,
 omne corpus , quod cum Mercurio in ci- 253.
 nabrium elevatur, transit in volatilitatem *Aurum fit*
 Mercurii , fitque currens Mercurius ; si à *cinabrium*
 sulphure liberetur , quòd autem metalla
 mediante Mercurio & sulphure in cina-
 brium elevari possint , jam pridem ob-
 servavit Geber lib. 2. part. 1. cap. 6. de auro;
 cum ait, *quod verò sulphur sit tingens* , pater
 per hoc, *quod admistum argento vivo* , ipsum
 per sublimationem in colorem transformet
 rubeum , quòd cinabrium vocant & quod
 cum amalgamatur cum corporibus (metal-
 lis) & sublimatur forti ignitione de cor-
 poribus ; ita quòd illorum ascendat subtilitas
 (pars Mercurialis) cum illo, citrinissimum 254.
 creet colorem (ut videmus in præparatione *Experi-*
 auri musici ex amalgamate Jovis , porro i- *mentum*
 psum argentum vivum commune si acuetur, *Mercurifi-*
 vel præcipitetur cum nitro , vel sale com- *cationis*
 muni ; addaturque argenti calci vel puræ ; *argenti.*
 vel per spiritum nitri cristallisatæ , simul-
 que sublimetur , potior pars argenti cum
 Mercurio ascendit , fitque leviter Mercu-
 rius currens, metalla etiam sale vel spiritu
 armeniaco sublimari , subtiliari , atque ad
 Mercurificationem taliter habilitari pos-
 sunt, ut ipsis nihil , præterquam tertium
 requisitum , nempe revificatio desit ; etsi 255.
Revificatio
verò necessaria.

verò corpus quoddam metallicum sic præparetur, ut sublimetur, ut volatilifetur, ut vel salis, vel præcipitati vel sublimati, vel arsenici, vel sulphuris aut cinabrii formam induat, proximeque Mercurificationi sit, nisi tamen revificetur, non habebitur Mercurius currens. Ad revificationem verò requiritur *continuitas*, sicut ad sublimationem vel sublimationem *interpositio*, & *particularum disjunctio*, cum itaque metallalla in ordine ad Mercurificationem, sublimantur, corpuscula illorum disjungi, terræque tertii generis nempe Mercurificans, & fluidificans, seu sulphur aut sal Mercuriale interponi debet, quod, quoniam sulphuri arsenicali semper conjunctum est, quo tanquam scabie vel aqua subcutanea vexatur, nec coëat, aut in continuam liquiditatem abeat, necessariò in revificatione talis corporis sublimati, particulæ arsenicales separari debent, ut reliquæ particulæ in liquiditatem Mercurii coire debeant, quas particulas arsenicales salium, quidam Nympham vocant, seu hymen, impediens coitum, quod manifestè videmus in Antimonio, hoc enim sublimatum per salem armeniacum, & resolutum ac præcipitatum in aqua communi, ut cera, nempe ut arsenicum fluit, estque proximè argentum vivum currens, modo
 nympa

256.

Continuitas quid?

257.

Methodus revificationis.

258.

Nympha quid?

259.

Exemplū.

nympha seu terra arsenicalis ab eo abstra-
hatur, quod etiam de Luna cornua intelli-
gendum, quæ facillimè in Mercurium cur-
rentem abit, modò terra arsenicalis (salis)
ab illa separetur, quæ quomodo separari
debeat, per spiritum volatilem salinosum in
antecedentibus satis superque demonstra-
tum est, supervacaneum proinde hoc loco
recensere, & repetere, quoniam verò Phila-
tetha, quod hætenus dixi & demonstravi,
satis apertè, & fideliter in introitu suo aper-
to scribit, placuit pro coronide quædam
capita ex illo recapitare, atque commenta-
rio illustrare, ubi, quæ Lectori obscura
erant, ad oculum patebunt; sciendum autem
est, ut supra demonstravi, corpora imper-
fecta duplici viâ mercurificari posse, nempe
per salia sola, vel pro leviori revivificatione
per Mercurium, quod Philosophi omnes
inculcant, dum scribunt, *fac Mercurium*
per Mercurium, per aquam Mercurialem,
ubi per aquam Mercurialem salia resuscita-
tiva intelligunt, arsenicale sulphur separan-
tia, hanc viam ingressus est Philatetha, ut-
pote de Mercurio antimonii tractans, quod
minerale imperfectum, non tam forti sul-
phure arsenicali coagulatum, hinc facilioris
resolutionis est, quare primus gradus ut
cum Mercurio amalgametur, sublimetur,
& revivificetur. Sed percipiamus mentem

260.

Duplex
via Mer-
curifica-
tionis.

Philatethæ , mentionem facientis primò
 Regulì Antimonii, ejusque præparationis ;
 Secundò de reductione Regulì in Mercurium
 currentem, seu mercurificatione Regulì.
 Tertiò de usu Mercurii antimonii.
Primum quod attinet, Regulì nempe antimonialis
 necessitatem & præparationem sciendum est,
 tres Regulos dari, quorum unus per carbones,
 alter per salia, tertius cum Martè fit,
 qui ultimus solus est stellatus, nam utcunque
 antimonium tractetur, nunquam ejus
 Regulus verâ stella signabitur, nisi Mars
 accedat, *sal enim junctum sulphuri formam striatam exhibet*, ita sal
 metallicum, quod est in Antimonio si jungatur
 sulphuri Martis, strias parit stellæ instar,
Antimonium ergò Philatethæ magnetem & puriorem
 Martis substantiam, chalybem Sophorum vocat;
 nominat etiam Antimonium liquorem Saturniæ
 vegetabilis, serpentem qui Cadmi socios voravit,
 terram, centrum occultum sale abundans,
 qui aurum calcinare potest, & Martem vocat
 Draconem igneum, cœlum Cadmum, nostri operis
 clavim sine quo ignis lampadis nullâ arte
 potest accendi, auri mineram, spiritum præ
 cunctis valdè purum, ignem infernalem
 secretum, mundi miraculum, &c. *Regulum*
 verò ex Antimonio & Marte compositum
 vocat chaos seu medium inter

261.
Tria de Mercurio Antimonii ejusque præparatione notanda.

262.
Tres Reguli antimonii dantur.

263.
Forma Regulì striata ex sulphure.

264.
Definitio antimonii.

inter mineram & metallum, quod nec corpus nec spiritus est, sed mixtum quoddam mirabile, quod se ad metalla habet, ut mater, Arsenicum nostrum, aerem nostrum, Lunam nostram, meretricis nostræ menstruum, Leonem viridem, Draconem Babyloniensem veneno suo cuncta interimentem, notatum ab Omnipotente signo notabili astri septentrionalis in horizonte hemisphærii, polo nempe centrali extra verso: chaos, intra quod est cœlum Philosophorum in centro suo, quod centrum est vera astrale. Chamæleon sive chaos nostrum, in quo latent omnia arcana virtute non actus, infantem hermaphroditum. Præparationem verò Reguli expressis verbis docet cap. 7. sequentibus. Sumantur draconis nostri ignei nempe Martis, qui in ventre suo chalybem occultat Magicum, partes quatuor, Magnetis nostri nempe Antimonii partes novem, misce simul per Vulcanum torridum in forma mineralis aquæ, cui supernabit spuma rejicienda, testam repudia, nucleumque selige, purga tertia vice per ignem ac salem &c. Mercurificationem verò Reguli nullibi non indigit, semperque fatetur & conqueritur esse in Regulo Antimonii sulphur quoddam arsenicale, seu aërem, quod ingressum aquæ mineralis extracentralis, nempe Mercurii

265.
Definitio.
Reguli.

266.
Præparatio
Reguli.

267.
Mercurificatio
Reguli.

vivi communis in aquam centralem Reguli
 nempe Mercurii ejus prohibet, Mercurifi-
 cationemq; impedit, hoc sulphur vapo-
 rum externum comburens, vocat furem &
 nequam arsenicali malignitate armatum,
 quem juvenis alatus Mercurius horret, nomi-
 nat etiam feram, Leonē, canem corascenum,
 qui non nisi per binas Dianæ columbas (salia)
 temperari & domari potest, nempe per salia
 alcalia & urinosa, quæ malignitatem hanc ar-
 senicalem contemperant, Regulumque
 Mercurificant. Sciendum etiam est, tres
 esse chalybis & magnetis sophici status,
 primo, ut fiat mixtum quoddam, quod Re-
 gulum stellatum vocamus, secundo: cum
 pars quædam sulphuris arsenicalis à Regulo
 separatur, non omnis tamen, sed tanta, ut
 Regulus adhuc sit metallum, sed malleabi-
 le, quod *plumbum Antimonii* vocant: tertio,
 cum etiam ex hoc plumbo residuum sul-
 phuris separatur tum *Mercurium* curren-
 tem vocant. Usus Mercurii reguli indicat
 Philatetha vocando hunc Mercurium So-
 phicum, aurum nostrum, album, crudum,
 sperma scæmineum, sine quâ sponsâ, aurum
 corporale commune mortuum est, laudan-
 do altissimum, quod Mercurium hunc crea-
 verit, eique naturam cuncta superantem de-
 derit, sine quo vanum esset opus Alchymi-
 cum. Deinde dicit, quod Mercurius hic
 Reguli

268.

Tres reguli
 status, usus
 Mercurii
 antimonii.

Reguli omnibus corporibus metallicis prædominetur, illaque solvat in materiam proximam Mercurialem, sulphura eorum separando, & quod Mercurius hic sit homogeneus interno sulphure per artificium nostrum gravidus, solem emolliens, sulphure spiritali metallico prægnans, metallorum primum movens, rotam vertens, axemque revolvens, quod sit vita, quæ Mercurium communem animat, in actum ducit, atque fæces terreas ab illo separat, quique se habet ad Mercurium communem, ut activum ad passivum, vivum ad mortuum, spiritus ad corpus. Sciendum autem est Philatetham, sicut duas Mercurificationes proponit, ita illum etiam duplicem usum Mercurii Reguli proponere, nempe applicando Mercurium Reguli cum auro communi, vel tractando, Mercurium Reguli per se ut in antecedentibus de auro Philof. dixi.

269.

Duplex usus Mercurii Reguli?

270.

Summaria Doctrina de mercurificatione sextuplex,

271.

Prima.

Sed nunc ad hujus Thesis finem properandū, atque quasi in pugnum unum, tota de Mercurificatione doctrina coronidis loco contrahenda est, quæ sextuplex est, *Primò* enim aliqui reperiuntur ut *Beguinus*, qui ex omnibus corporibus etiam animalibus & vegetabilibus argentum vivum elicere conantur, verū quantum hi errent, superius demonstravi, argentum enim vivum est decompositum, constans ex

materia metallica & terra Mercurificante , prout in physica mea subterranea demonstravi , materia metallica nullibi nisi in regno minerali invenitur , terra verò Mercurificans nempe sal alcali volatile . seu ut clarius loquar *sulphur aliquod arsenicale album* , in omni re reperitur hujus mundi, adeò latè ejus substantia diffusa est , quidquid etiam mihi neget *Morhofius* in Epistola de metallorum transmutatione ad Langelottum p. 82. ubi se capere non posse profitetur , quòd *oleum lini ad metallicam naturam conferre valeat* , sed facile capax fiet, si experimento observetur, in omni oleo, & pinguedine præsertim tartari, & urinæ, sulphur, ipsum etiam aurum dealbans, mercurificans, imò fixationem cum illo ferens, latere , cujus quædam experimenta *Glauber* in lapide suo animali recenset, sunt ergò quidam , qui non ineptè statuunt, causam Mercurificantem *universalem* esse , & in omni re, præsertim urinosa latere, tales autem sumunt causam efficientem pro effectu, quando dicunt , Mercurium in omnibus rebus latere, non secus, ac si dicerem, vitriolum Veneris in omni sulphure latet, eò quòd omne sulphur ex Venere vitriolum faciat.

Secundo sicut priores in omni re argentum vivum saltem potentialiter supponunt, ita è contra quidam reperiuntur, qui omnimodè

modè , etiam ex metallis argentum vivum præparari posse negant , ut Author *non entium* & *Rolfincius* , sed hunc publicè convici, & refutavi, tum rationibus , tum experimentis in *Physicæ* meæ subterraneæ capite de liquefactione & supplemento primo , capite quinto , esto enim, quòd inter Chymicos non conveniat de causa & modo Mercurificationis , quodque *Rolfincius* ista assequi non possit, interim tamen contra manifestum experimentum clamandum non est, præparet enim ex Marte, vel Veneremore communi vitriolum , solvat hoc in urina, digerat lentè per aliquot dies , filtrat, terram albam in filtro servet , donec illam noscat, & mihi gratias agat, sed liquorem filtratum leniter destillet per Alembicum, sub finem dandò ignem sublimationis, tum in primo liquore, qui extillat, Mercurium currentem inveniet, saltem tot grana, quæ ad demonstrandam veritatem sufficient, liquor verò rectificatus in Medicina, si non primum, saltem non postremum locum obtinebit. Ex qua operatione, ut dixi, tres insignes effectus oriuntur, aquæ nempe Medicinalis, argenti vivi currentis, & terræ albæ. Ecce experimentum sole meridiano clarius , contra quod nulla exceptio, causas harum operationum recensere jam non vacat, elaret enim ex antecedentibus.

273.
Tertia.

Tertio dantur inter *Mercurialistas*, quasi *neutrales*, qui mercurificationem ex metallis nec probant, nec negant, sed statuunt communem Mercurium animari posse, ut omne præstet, quod argentum vivum ex metallis extractum, idque per additionem salium & sulphurum, hac enim methodo Mercurius præparatur, aurum solvens & extrahens, cum eoque reactionem, & excalescentiam instituens: ubi notandum, nihil Mercurium communem acuire, quod non sit naturæ sulphuræ, sed sulphurum perfectionem consistere in subtilitate, & hanc acquiri per salia experientia docet, unde sulphur, quod nitro, sali communi, vel urinæ inest, magnarum est virium; at sulphur his salibus inesse, quod cum metallis, ipso etiâ Mercurio analogiam habeat, & sympathiam experientia docet, uti latius in *Physica mea subterranea* demonstravi pag. 196. & 399. Legite & intelligite ista duo loca & studii vestri non pœnitebit.

274.
Quarta.

Quarto, sunt qui statuunt, metalla mercurificari posse, sed non *sine Mercurio*, quod *Theophrastus*, *Alexander à Suchten*, *Tackennius* pluresque alii confirmant, sicut enim, dicunt, ignis est principium calefaciendi, ita Mercurius est principium mercurificandi; *Paracelsus* methodum hanc aliàs præter consuetudinem suam, sat fideliter recenset

cenſet lib. ſexto de reſuſcitatione rerum naturalium mihi pag. 897. lit. marginali b. niſi quod ſub finem ſolvens (acidum Mercurii analogum) omitrat, quod ex fluida calce, argentum vivum extrahit, mirabilis ſanè operatio, additus enim communis Mercurius, omnis rursus juſto pondere ſeparatur, interim tamen, calcem ad mercurificationem habilitat, & diſponit, manentibus integris viribus argenti vivi, & hoc eſt, quod Helmontius de eo ait, *ſic nempe ſchola etiam invite addiſcant, quòd quadam agentia citra paſſionem aut reaſtionem patientium liberè ſemper, indefeſſiſq; viribus agant, & perſtante ſemper eodem ſui pondere.* Una enim libra argenti vivi communis, nescio quot mille libras argenti vel auri in Mercurium convertere poſſet, illa nihilominus & quantitate & qualitate manente integrâ, non ſecùs ac lumen lumen, fermentum fermentum accendit, ſanè niſi hoc propriis oculis vidiſſem, & manibus feciſſem, tam parùm quàm fortè lector capere potuiſſem.

Quintò ſunt, qui ſtatunt, poſſe metalla mercurificari ſine Mercurio, ſed tum non eſſe verum argentum vivum, ſed vel analogum vel ſophiſticum, talis opinionis eſt Ludovicus de Comitibus in ſua diſceptatione practica, ſed ex hoc collegi nec Authorem illum

verum

275.
Quinta.

verum Philosophum esse , nec Alkaëst, de quo tanta scribit , habere , refutavi ipsum in Physicæ meæ subterraneæ capite de liquefactione pag. 462. & seqq.


276.
Sexta.

Sextò sunt qui statuunt posse metalla mercurificari, sine Mercurio, nempe revivificari per salia resuscitativa, emollito illorû sulphure arsenicali, & tum fieri verum argētum vivum, hanc opinionem utpote firmissimam hæctenus defendi, demonstravi, & Lectori ob oculos posui , in qua demonstratione philosophica, si Lectori quid utile, gratum & acceptum præstiti, nihil aliud expecto , quàm ut mihi faveat , atque nomini meo benè velit, fateaturque me primum esse qui de *mercurificatione taliter scribat.*

Explicit demonstratio Philosophica de veritate transmutationis metallorum in aurum, scripta ad *Augustissimum Imperatorem Leopoldum.*



INDEX



INDEX RERUM.

<i>Deus</i>	1
<i>Vita</i>	2
<i>Motus</i>	3
<i>Actio</i>	4
<i>Reactio</i>	5
<i>Alteratio</i>	6
<i>Transmutatio</i>	7
<i>Animalium</i>	8
<i>Vegetabilium</i>	9
<i>Metallorum</i>	10
<i>Ordo naturæ in transmutatione metallorum</i>	11
<i>Metalla habent naturalem motum ad perfectionem auri</i>	12
<i>Finis transmutationis metallicæ est aurum</i>	13
<i>Subiectum transmutationis est omne metallum</i>	14
<i>Metalla comprehenduntur sub uno genere</i>	15
<i>Metallorum principia remota</i>	16
<i>Media</i>	17
<i>Propinqua</i>	18
<i>Metallorum principia quor</i>	19
<i>Triplex argentum vivum</i>	20
<i>Argentum vivum masculum</i>	21
<i>Fœmineum</i>	22
<i>Menstruum</i>	23
<i>Sulphur</i>	

<i>Sulphur arsenicale causa imperfectionis metallica</i>	24
<i>Argenti vivi diversitas</i>	25
<i>Causa diversa speciei metallica</i>	26
<i>Est sola coctio argenti vivi</i>	27
<i>Argentum vivum est materia metallorum</i>	28
<i>Humidum, unctuosum, incombustibile</i>	29
<i>Unum metallum præ altero facilius in aurum transmutatur</i>	30
<i>Quâ ratione metalla vocentur metalla</i>	31
<i>Quantum nempe habent argenti vivi</i>	32
<i>Metallorum accidentia duplicia</i>	33
<i>Accidentia materia metallica sunt eadem</i>	34
<i>Accidentia forma metallica sunt varia</i>	35
<i>Forma metallorum transmutatur non materia</i>	36
<i>Materia metallorum in transmutatione manet.</i>	37
<i>Accidentia forma metallica possunt alterari</i>	38
<i>Metalla in accidentibus mutata, etiam in forma mutantur</i>	39
<i>Imperii Romani proba auri super ejusdem accidentibus tantum fundatur</i>	40
<i>Transmutatio naturalis fit per simile dissimile</i>	41
<i>In transmutatione requiritur contactus physicus</i>	42
<i>Objectum transmutans debet esse de natura argenti vivi</i>	43
<i>Sed qualitatibus contrariarum, id est, simile quò ad substantiam, dissimile quò ad qualitates.</i>	44
<i>Cur aurum sit objectum transmutans</i>	45
<i>Quid sit aurum Philosophorum?</i>	46
<i>Anima auri quid sit?</i>	47
<i>Aurum prorsus homogeneum</i>	48
<i>Aurum in soliditate sua non agit in metalla</i>	49

<i>Distingendū inter juxtapositionem & penetrationem</i>	50
<i>Penetrationis Physicæ effectus</i>	51
<i>Penetratio mechanica</i>	52
<i>Physica in vitris</i>	53
<i>Distinguendum inter subtilem & volatilem fixitatem,</i> <i>datur enim subtile, quod non sit volatile</i>	54
<i>Auri & argenti subtiliari vis penetrans & alterans</i>	55
<i>Reconcentratio subtiliatorum metallorum impedimen-</i> <i>to est</i>	56
<i>Solutio continui quid?</i>	57
<i>Interpositio corpusculorum quid?</i>	58
<i>Restrictio</i>	59
<i>Liquefactio</i>	60
<i>Compressio</i>	61
<i>Metus loci vacui</i>	62
<i>Dissolutio in sublimatione florum</i>	63
<i>In solutione aquarum</i>	64
<i>Interpositio corpusculorum terreorum</i>	65
<i>Subtilium</i>	66
<i>Gravium</i>	67
<i>Fixabilium</i>	68
<i>Cur agentum vivum sit causa subtilians aurum</i>	69
<i>Conclusio pro auri subtiliatione per argentum vivum</i>	70
<i>Aurum assimilari debet formæ subtiliantis</i>	71
<i>Forma subtiliationis auri est Mercurialis</i>	72
<i>Aurum reducendum est in argentum vivum</i>	73
<i>Tres liquiditates, ignea, aquea, Mercurialis</i>	74
<i>Forma tincturæ non est liquida currens</i>	75
<i>Distinguendum inter formam tincturæ inchoatam, &</i> <i>absolutam</i>	76
<i>Inchoata</i>	

<i>Inchoata est currens</i>	77
<i>Absoluta est pulvis gummosus</i>	78
<i>Distinguendum inter naturalem & artificialem metal- lorum productionem, naturalis solâ decoctione, Arti- ficialis decocti atténuatione absolvitur</i>	79
<i>Vis multiplicativa tinctura in qualitate & quâtitate</i>	80
<i>Exemplum in vino</i>	81
<i>Mercurius præcipitatus communis</i>	82
<i>Mercurius præcipitatus metallicus</i>	83
<i>Argentum vivum auri in decoctione non fit solidius, sed tenuius</i>	84
<i>Inceratio</i>	85
<i>Imbibitio, cohobatio</i>	86
<i>Coagulatio ante solutionem perniciofa</i>	87
<i>Materia restringitur juxta nobilitatem formæ, acciden- tia verò immutantur juxta perfectionem materia</i>	88
<i>Accidentia tinctura, quæ & qualia</i>	89
<i>Forma tinctura absoluta qualis?</i>	90
<i>Divisio hujus Thesis</i>	91
<i>Causa mercurificans</i>	92
<i>Causa Mercurificatum coagulans</i>	93
<i>Definitio argenti vivi</i>	94
<i>Ejus faeces</i>	95
<i>Heterogeneæ</i>	96
<i>Error illorum, qui Mercurium ex omnibus rebus præpa- rare supponunt</i>	97
<i>Distinguendum inter rerum humidum radicale</i>	98
<i>Argenti vivi differentia</i>	99
<i>Argentum vivum in actu</i>	100
<i>Argentum vivum extrâ actum</i>	101

<i>Argenti vivi motus, & reactio in metalla</i>	102
<i>Ejus incalescentia</i>	103
<i>Argenti vivi triplex forma externa, currens, cinabrium, Arsenicum</i>	104
<i>Mercurius; cinabrium, arsenicum in se convertibilia</i>	105
<i>Argenti vivi effectus</i>	106
<i>Argentum vivum in se ipsum agit</i>	107
<i>Mercurius Philosophicus qualis? quæ signa? ejus quinque effectus</i>	108
<i>Argentum vivum commune, agente interno potest animari, ut etiam extra mineras fiat metallum</i>	109
<i>Amalgamatio solutionem, hac reactionē, illa effervescentiam supponit</i>	110
<i>Mercurius metalla solvit, & in virtute suâ solutoria augeri potest.</i>	111
<i>Metalla cum Mercurio corium transeunt</i>	112
<i>Experimentum</i>	113
<i>Mercurius aurum per retortam elevat</i>	114
<i>Natura ad artem non valet consequentia</i>	115
<i>Datur Mercurius Philosophorum à natura</i>	116
<i>Sed actu raro invenitur, cur?</i>	117
<i>Ignis natura, seu mineralis præsentia immatura metalla perficit, absentia in statu imperfecto relinquit</i>	118
<i>Experimentum maturandi metalla</i>	119
<i>Unde Mercurius Philosophorum constat</i>	120
<i>Sal metallorum est metallicum</i>	121
<i>Metallorum sal & sulphur, humidum radicale, & calidum innatum, Anima, spiritus, corpus</i>	122
<i>Differentia inter Mercurium communem & philosophorum</i>	123
	<i>Agens;</i>

<i>Agens, anima seu vita mineralis, cui corpori resuscitan-</i> <i>do plus competat?</i>	124
<i>Distinguendum inter animam inhabitantem, & inter</i> <i>animam operantem</i>	125
<i>Anima seu ignis mineralis in multis subjectis mineralib⁹</i> <i>latet, & est, sed non agit, & impeditur, in actione sua</i>	126
<i>Proinde liberandus & resuscitand⁹</i>	127
<i>Metalla in duas classes distinguuntur</i>	128
<i>Agens igneum in ferro</i>	129
<i>Sal resolvens in Antimonio</i>	130
<i>Mixtura salis & sulphuris metallici in regulo antimonii</i>	131
<i>Mixtura Mercurii Philosophici</i>	132
<i>Requiritur dispositio passivi ad activum, nempe Mer-</i> <i>curificandi metalli ad Mercurificationem</i>	133
<i>Causa coagulationis metallorum provenit ex sulphure</i> <i>argenti vivi</i>	134
<i>Argentum vivum tendit de liquiditate in soliditatem</i>	135
<i>Tres gradus soliditatis, tres gradus sulphuris, tres gra-</i> <i>du coagulationis argenti vivi in mineris</i>	136
<i>Consistentia argenti vivi in cinabrio</i>	137
<i>Coagulatio argenti vivi in metallis imperfectis</i>	138
<i>Fixatio argenti vivi in metallum fixum</i>	139
<i>Tres species mineralium</i>	140
<i>Methodus metalla mercurificandi non est una sed tri-</i> <i>plex</i>	141
<i>Axiomata methodi mercurificatoria</i>	142
<i>Revificatio cinabarii</i>	143
<i>Revificatio sublimati</i>	144
<i>Revificatio Arsenici</i>	145

<i>Sulphur Arsenicale tenaciter metallis adheret</i>	146
<i>Arsenicum Luna</i>	147
<i>Duplex sulphur, coagulans adustibile & arsenicale, utriusque resolutio</i>	148
<i>Et Mercurii resoluti liberatio</i>	149
<i>Sulphur φλογισδν</i>	150
<i>Sulphur arsenicale</i>	151
<i>Sulphur aureum</i>	152
<i>Argentum vivum per hac sulphura coagulatum, contrahit dispositionem fixam, majorem acquirit coctionem</i>	153
<i>Sulphure embryonali aureo, argentum vivum metallorum non spoliandum est</i>	154
<i>Sulphur arsenicale resolvatur non coaguletur, hinc vitanda fixa & volatilia</i>	155
<i>Cujus qualitatis objectum esse debeat, quod sulphur arsenicale resolvit</i>	156
<i>Sulphur arsenicale in libero statu relinquendum</i>	157
<i>Experimentum circa antimonium</i>	158
<i>Sulphur auratum quid?</i>	159
<i>Mercurius vita quid?</i>	160
<i>Natura arsenici duplex</i>	161
<i>Objectum arsenicum resolvens, debet esse natura salina, & saponata</i>	162
<i>Sed liquida & solventis</i>	163
<i>Alcalium, & urinosorum natura contraria resolutioni arsenicali</i>	164
<i>Datur agens citra soluti immutationem</i>	165
<i>Metallorum vis medica in sulphuribus arsenicalibus correctis</i>	166

<i>Helmontii opinio de sale medio, seu alcalibus volatilibus</i>	167
<i>Sal Tartari volatile</i>	168
<i>Circulatum Paracelsi</i>	169
<i>Salium fixorum volatilifatio, difficilis</i>	170
<i>Historia productionis salis fixi in combustione rerum ex cineribus resultantis</i>	171
<i>Fuligo, sal volatile urinosum est, sal alcali volatile</i>	172
<i>Sal alcali fixum</i>	173
<i>Affinitas salis urinosi & fixi</i>	174
<i>Differentia illorum</i>	175
<i>Sal alcali fixum, in combustione igneum factum, si per artem volatilifetur, magis penetrans est, quam fixum commune sal volatile</i>	176
<i>Methodus alcalia volatilifandi</i>	177
<i>Caput mortuum quid?</i>	178
<i>Experimentum</i>	179
<i>A violentia abstinendum</i>	180
<i>Textura salis armeniaci</i>	181
<i>Analysis smegmatis</i>	182
<i>Sal commune ad salium volatilium, & fixorum statum tendit</i>	183
<i>Analysis alcali</i>	184
<i>Reactio alcali</i>	185
<i>Novum decompositum alcali</i>	186
<i>Mundo hactenus incognitum</i>	187
<i>Potestatem resolvendi habens</i>	188
<i>Brevior Processus</i>	189
<i>Modus faciendi sal volatile ex oleo vitrioli</i>	190
<i>Sal Tartari induit naturam mediam</i>	191

<i>Et tandem volatilem</i>	192
<i>Experimentum volatilisationis alcali & Mercurificationis metallorum</i>	193
<i>Tria circa Mercurificationem observanda</i>	194
<i>Quale alcali & sal armeniacum esse debeat</i>	195
<i>Metallorum Mercurificandorum connexio cum alcali & salibus</i>	196
<i>Metalla in sulphure combustibili augeri possunt & debent, ut facilius in lixivio solvantur</i>	197
<i>Exemplum in quartatione</i>	198
<i>Metalla salibus jungenda sunt, modus</i>	199
<i>Metalla in pitriola reduci, atque ex his Mercurius elicipotest</i>	200
<i>Metalla sive salibus fixis, sive volatilibus uniantur, reactionem pati debent</i>	201
<i>Proportio reactionis</i>	202
<i>Effectus reactionis</i>	203
<i>Explicatio dicti Helmontii de Mercurificatione</i>	204
<i>Pro Mercurio philosophorum sulphur Martis & sal antimonii desiderantur</i>	205
<i>Methodus preparandi sulphur Martis</i>	206
<i>Modus preparandi sal antimonii</i>	207
<i>Regulus antimonii substantia duplicata</i>	208
<i>Sulphur arsenicale reguli, impedimento</i>	209
<i>Ejus separatio cum Methodo resolutoria</i>	210
<i>Philosophica & realis conclusio pro preparatione Mercurii ex Regulo antimonii</i>	211
<i>Vis transmutans sulphuris arsenicalis metallorum</i>	212
<i>Tertia classis Mercurificandorum corporum, nempe fixorum auri & argenti</i>	213

<i>Explicatio processus Paracelsi de mercurificatione per Mercurium antimonii</i>	214
<i>Potestas Mercurii Antimonii resolutoria</i>	215
<i>Habilitatio auri ad faciliorem mercurificationem</i>	216
<i>Philatethæ doctrina circa hæc</i>	217
<i>Annotata ad Philatethæ opinionem</i>	218
<i>Mercurius Philosophorum sola digestionem in aurum mutatur</i>	219
<i>Experimentum</i>	220
<i>Aurum horizontale quid sit?</i>	221
<i>Facile per Mercurium resolvable</i>	222
<i>Introducitur magnam perfectionem & fixitatem</i>	223
<i>Tinctura exaltatio</i>	224
<i>Cohobatio Mercurii supra proprium Mercurium</i>	225
<i>Reductio auri Philosophici in corpus metallorum, nec arti</i>	226
<i>Differentia auri Philosophici cum auro communi</i>	227
<i>Fallacia Alexandri à Suchten</i>	228
<i>Tinctura ad album non requirit sulphur differens ab auro</i>	229
<i>Aurum commune per Mercurium Philosophorum non statim mercurificatur</i>	230
<i>Exemplum bynes in præparatione cerevisiæ</i>	231
<i>Experimentum cohobationis</i>	232
<i>Regimen ignis in solutione, fortius esse debet, quàm in coagulatione</i>	233
<i>Duo regimina ignis</i>	234
<i>Vera operationes naturæ</i>	235
<i>Quid sit duplicatus Mercurius seu illorum Rebis</i>	236
<i>Duo in carne una</i>	237

<i>Operationes fictæ</i>	238
<i>Intentio Philosophica Alchymie</i>	239
<i>Solus Mercurius Philosophorum in tincturam & aurum transit</i>	240
<i>Exemplum</i>	241
<i>Variatio operationis & temporis consistit in gradibus subtiliationis auri</i>	242
<i>Aurum subtiliatum facilius & brevius operatur ad tincturam</i>	243
<i>Distinguendum est circa auri subtiliationem in ordine ad præviā preparationem, & in ordine ad ipsam mercurificationem</i>	244
<i>Exemplum</i>	245
<i>Requisita tria brevia ad faciliorem habilitationem mercurificationis</i>	246
<i>Amalgamatio</i>	247
<i>Sulphur intercutaneum</i>	248
<i>Experimentum</i>	249
<i>Amalgamatio vera est primum principium mercurificationis</i>	250
<i>Auri & argenti volatilifatio</i>	251
<i>Distinguendum inter aurum solum & mixtum</i>	252
<i>Aurum fit cinabrium</i>	253
<i>Experimentum mercurificationis argenti</i>	254
<i>Revificatio necessaria</i>	255
<i>Continuitas quid?</i>	256
<i>Methodus revificationis</i>	257
<i>Nympha quid?</i>	258
<i>Exemplum</i>	259
<i>Duplex via mercurificationis</i>	260
<i>Triq</i>	

<i>Tria de Mercurio Antimonii ejusque preparatione nota</i>	261
<i>Tres Reguli Antimonii dantur</i>	262
<i>Forma Reguli striata ex sulphure</i>	263
<i>Definitio antimonii</i>	264
<i>Definitio Reguli</i>	265
<i>Preparatio Reguli</i>	266
<i>Mercurificatio Reguli</i>	267
<i>Tres Reguli status. Usus Mercurii Antimonii</i>	268
<i>Duplex usus Mercurii Reguli</i>	269
<i>Summaria doctrina de mercurificatione. Sextuplex</i>	270
<i>Prima</i>	271
<i>Secunda</i>	272
<i>Tertia</i>	273
<i>Quarta</i>	274
<i>Quinta</i>	275
<i>Sexta</i>	276

F I N I S.

